

IVSTI LIPSI
EPISTOLARVM
SELECTARVM
CENTVRIA TERTIA
AD BELGAS.



ANTVERPIÆ,
EX OFFICINA PLANTINIANA,
Apud Ioannem Moretum.
cId. IdcII.

Cum Privilegijs Cæsareo & Regio.

MYSTERY

THE

SECRET

OF THE

UNION

AND

THE

SECRET

OF THE

UNION

AND

THE

SECRET

OF THE

UNION

A D
C O N S V L E S
E T
S E N A T V M P. Q.
A N T V E R P I E N S E M.



I Q V A vrbium in orbe terra-
rum (audacter sic loquar) af-
fectus meos possidet , eam
A N T V E R P I A M esse, Am-
plissimi S E N A T O R E S , ex
animi mei sententiâ possum
profiteri. Multa me in eâ capiunt : Homi-
nes, Locus, Genius ipse loci. Homines qui-
dem , quos quis non honesti bonique appe-
tens, tales amet? Sunt Mercuriales apud vos,
fateor : sed iidem virtutis , prudentiæ , qui-
dam & sapientiæ candidati aut mystæ. Et v-
niuersè si inspicimus , grauitas vbique & mo-
destia, sed & comitas quædam adiuncta &
decens alacritas animorum. Parcimonia est,

sed cum elegantia ; pecuniæ studium , sed si-
ne detrimento melioris studij, id est artium &
virtutis. Non blandiendo hoc dicam: multi
apud vos magni bonique , non ob opes , sed
merita, appellandi. Iam ipse Locus quis? ad
flumen pulcherrimum , pulcherrima plani-
cies : & in hac iuxta illud pulcherrima vr-
bium , quas Europa , Africa , Asia videt.
Iactemus nos Belgæ. structurâ, ordine, sym-
metriâ , mœnibus , ædificiis , viis , vniuersâ
elegantia , non est quæ nostram illam supe-
ret , imò æquet. Scio singula si spectentur,
quasdam excedere : sed omnia corporis , vt
sic dicam , membra iunctim qui exploret,
suffragium iudicio meo dabit. At ipse
Genius loci , quàm potens , felix , & altioris
quidam classis ordinisq; est? Confidere-
mus , ab annis circiter centum , è quali quan-
ta vrbs vestra facta fuerit : mirabile erit , in-
credibile erit , nisi iis qui oculis sensibusq;
sunt arbitrati. Deus bone , surgere in hanc
frequentiam , splendorem ; opes , commer-
cia , vnum aliquem locum , & subito verti-
cem panè cælo inferre ? Factum est : & hoc
quoque laudi vestræ accesserit , in eam ma-
gnitudinem venisse , quæ etsi vera , fidem ve-
ritatis vix mereatur. Sed hic mihi suspi-
rium.

rium. heu, hæc tanta & talia, quo malo
fato collapsa sunt? decor ille & flos omnis
quomodo exaruit? Agnoscite, ut in mari,
fluxum hunc Fortunæ & refluxum: & quàm
verè poëta:

Augeſcunt alia gentes, alia minuuntur.

Lucr.

Prouidentia occulta iſta lex eſt: attollit, de-
iicit, iterumque attollit: & vobis (vera o-
minor) fiet. Interea animos erigite vos
inclytæ urbis SENATORES, præite ex-
emplo ad robur & CONSTANTIAM ci-
uibus; illam, quam ante annos ſeptemdecim
velut præſagus vates ad vos miſi. Eguiſtis,
& egetis: omnia etiam nunc preſſa, mare &
portus clauſi, ædificia dominos, homi-
nes atque ipſa iumenta opus ſuſpirant. Et
tamen ut formoſa corpora etiam in morbo
veſtigia decoris ſui retinent: ſic vos priſtini
ſplendoris. Confidite autem. deliquium
aliquod velut Solis eſt, non interitus: ex-
ſurgetis. Ita me credere, firma veſtra in
Deum pietas, in Principes obſequium co-
git: ille & iſti aderunt, & Genius in pri-
mis veſter, potens & perpetua TUTELA.
Habetis cauſas mei in vos affectus: accipi-
te & ſignum, EPISTOLAS iſtas, quas
nomini veſtro inſcriptas nunc emitto. Le-

ue munus , sed vobis debitum : quia & nomina pleraque vestra , SENATORES, aut & ciuium intercurrunt. Videbitis, si tantum est legere : nec vrgeo. illud valdè , vt me qualem ostendi , erga vos vrbemque vestram esse , atque ætatem fore , ferio credatis.
Louanij, v. Kal. Mart. ∞ . I O C II.



I N D E X

INDEX

EPISTOLARVM

CENTVRIÆ TERTIÆ

ad Belgas.

A BRAHAMO Ortelio xij,
xvj,xlj.
Ægidio Schondoncho Sacerd. Soc.
Iesu xlvij,lx,lxxvij.
Aluaro Nonio, Doct. Med. ij.
Andrea Schotto Soc. Iesu xxxvij,
l,lx,lxix,lxxxij.

Antonio Vacquerio suo xcvij.
Arnoldo Cordesio lxj.
Auberto Miræo, Canonico xlix,
xcij.

B.

Baldvino Bucquio, Canonico c.
Balthasari Moreto suo xxiiij,xxvj,
lxvij,lxxj.
Balthasari Robiano Senatori xxv,
lxxv,xciiij.

C.

Carolo Clusio xliij.
Carolo Hoio lxij,lxxxvij.
Carolo Lasaillio I^{to} lxxxv.
Carolo Scribanio Rectori xciiij.
ad Contubernales lvj.
Cornelio Kiliano xxix.

D.

Dionysio Villerio lxxxvj.

E.

Engelberto Masio, Senatori lxxiiij.

F.

Francisco Aerffenio vj,xxxviii.
Francisco Bussèreto, Episcopo lv.
Francisco Homio suo xxxvj,xcviii.
Francisco Suvecrtio vj,xl,lxxij.
F. Francisco Villerio lvij,lxxvj.

G.

Gerardo Buytevechio I^{to} lxiiij.
Gerardo Sandelmo xxij,xxxiiij.
Godefrido Vereyckio, Doct. Med.
xliij.

Guilielmo Cripio Secundo xvij.

H.

Henrico Halmatio V. N. xxxv.
Hèrico Schottio I^{to} et Syndico xlv.
Henrico Vuveno I^{to} xij,xxvij,
xlvij,lviij,lxvij,lxxxij.

Hieronymo de Francia, Prapósito
xxxix.

Hieronymo Rouelasko xx.
Hugonao Grotio lxij.

I.

Iacobo Carondeleto V. N. & R.
xxxj,lxxix,xcvj.

Iacobo Colio Orteliano lxx.

Iano Douze filio ij.

Iano VVouerio suo xxvij.

Ignatio Basseliers, Sac. Soc. Iesu xcj.
Ioanni

Ioanni Baptista Perezio Baronio	Iesu	xxij.		
suo	lj, lxv, xc.	Michaeli Vander-baghen	xc.	
Ioanni Bernartio I ^{as}	ix.	N.		
Ioanni Bochio, Sen. à Secretis	x.	Nicolao Oudarto	xiiij, xlvj, lxxij,	
Ioanni Brantio, Graphiario	vij,		lxxxvij.	
	xix, lxxxj.	Nicolao Rokoxie, V. N. & Sen.		
Ioanni Chokiero	lij.		liij, lxvj.	
Ioanni Luineio, Canonico	xj.	N. N.	v. N. N.	xxxij.
Ioanni Moreto, Typographo	xlvi,		O.	
	xcix.	Othoni Hartio I ^{as}		xxx.
	L.	Othoni Venio		lxxxij.
Leuino Torrëtio Episcopo	liij, xvij.	P.		
Lamberto Vander-burchio, Deca-		Petro Orano	xv, xxj, xxxij, lxxx.	
no	j.	Phil. Rubenio suo		lxxxix.
	M.		R.	
Martino Delrio, Presb. Societ.		Remaclo Roberti		lxxvij.



IUSTI LIPSI
EPISTOLARVM
SELECTARVM
CENTVRIA TERTIA
AD BELGAS.

EPISTOLA I.

Vltraiectum.

L. LIPSIVS LAMBERTO VANDER-BVRCHIO, *Decano.*



ACTVRAM profectò magnam fecimus in morte communis amici nostri N., & propriè vestra Resp. quæ metuo vt in nouos fluctus turbasque incidat, amoto quieto & perito illo gubernatore. Sed Deo & communi fato quis se opponat? Iuit quò imus omnes, nec meta sed tempus nos secernit. Alij paullò longiùs, alij breuiùs, sed omnes in eadem viâ currimus, & ad eundem finem. atque illic pœna, aut palma. Quòd te in eius quasi locum substituis, Vir Cl^m, de amore non erras: iam pridem te tuo merito amaui. quòd etiam hospitium tam benignè offers, humanitatis est, cui fateor me deuinctum. Videbo quid bonâ gratiâ amicorum aliorum possim, etsi reuerà animus ad te inclinat. Sed hac ætate, quæ iam in exitu, vix est vt fiat: spero proximâ, eaque incunte. De Opere tuo probè memini quid in sermone aliquando significâris: atque ego tibi hunc laborem exhaustum (quantæ enim lectionis ea res!) gratulor, & ad vulgandum seriò hortor. Fama tuæ ea res faciet, & multo magis publico bono. Quòd instituisti autem vitam cuiusque viri Principis perstringere, laudo: sed, meo iudicio, perstringere tantum, & remittere Lectorem ad eos qui ex professio scripserunt. Scio quàm difficile sit hîc modum seruare, qui gratus sit omnibus: quoniam aliud ferè vulgus, aliud docti amant. Sed, si te noui, tu facillè attemperabis, vt neque bre-

AA

uitas

uitas obscura illis, nec diffusio molesta istis sit. In re præsentī si essem, possem si non prudenter tamen liberè quid mihi videretur dicere. quoniam ita soleo apud eos qui pctunt, & quorum amicitiam simul caram habeo, & famam. Mihi decretissimum est proximo Vere (vita modò adsit) excurrere ad Leodienses Fontes, idque valetudinis causā, quæ assiduè imbecilla. Antè te videbo, & consilij mei faciam consortem. Ama me, & si amas, vtere. Lugduni Bat.

EPISTOLA II.

I. DOVSAE *Filio S. D.*

CERTE peccares, nisi scriberes: & nōne velle debes ad sic volentem? Potes autē semper in isto otio, quo fruitur ferè hæc veltia ætas. Publica aut priuata (nobis id nimis sæpè) non vos auocant, aut turbant. Mitto Carmen, quod poscebas, in Triumuiros illos nostros, & tuas Notas. Quas edi à te gaudeo: tantum illud moneo, vt nihil in his talibus, nisi quod indole istā tuā & ingenio dignum. Certè omnia magna mihi de te spondeo, supra eos qui nunc, & qui fuere in Batauiā (non inflandi tui causā dixerim:) viue tantum, & cursum hunc quem cœpisti tene. Sed heus tu, vidistin' libellum in me à Septentrione? rigidum, & dignum illo axe: an & me dignum? Liceat hoc dicere, honestius vapulare poteramus, & vite aliquā Centurionis: idque vel in peccato. Et si quo peccato? lusimus & risimus: & vos quoque credo, cum hæc videtis. Valete, saluete, pater, tu, fratres. Leodici, postrid. Idus Ianuar. ∞. Iō. XCII.

IN TRES POETAS

A IANO DOVSA FILIO ILLUSTRATOS

IVSTVS LIPSIVS *ἐχθρὸς ἄνθρωπος*

PHOEBI *delicium, Minervæ amores,*
 Patris *delicium, mei que amores,*
Qui te glorior imbuisse primo
Succo & nectare, DOVSA, Litterarum:
Quàm gratum mihi, quàm fuit suave,

Quod

*Quòd ternos meditaris in Poëtas
 (Doctos, Jupiter, & bonos Poëtas!)
 NOTAS scribere? quas, scio, probabunt
 Jj quos Aonia probant puella,
 Quique ipsi Aonias probant puellas.
 Perge Dousa meus, tuumque nomen
 Patris subsere nomini, imò patris
 (Hoc pater Vouet ipse) vince nomen.*

EPISTOLA III. *Antuerpian.*ALVARO NONIO, *Doctori medico S. D.*

LITTERAS tuas hodie accepi, & in iis duo vidi: magni Etruricæ Ducis honestum de me iudicium, & tuū in me amorem. Neutrum mihi nouum. Nam & de munere ab eo proposito, iamdiu inaudiueram; & tuus affectus olim mihi innotuit, cum ante decem plus minus annos haberet me vrbs vestra. Sed quod ad Ducein, ita me Deus amet, vt doleo non posse obsequi. Causa est non quæ sita vlla aut affectata: sed ipsa valetudo, sine quâ nunquam me adiuuerim iis, ad quæ destinamur. Iter longum est, regio olim quidem mihi visa, sed ad habitationem nunc noua: & cum ibi ero, quid faciam? Languebo? vinbram pro Lipsio ostentabo? Medicata domus, & hic ipse Princeps, mihi magnus est, & velim eius causâ multa; sed supra vires nihil possum. Ipse Pontifex, caput nostrum, recenter nunc me Romam inuitauit: sed excusamus verissimo illo valetudinis prætextu. Sumus quidem in eâ curandâ, sed melancholici & chronici isti morbi, tu scis quàm lanco pede veniant, & plumbeo, vt sic dicam, recedant. Deus dedit mihi hanc sortem, ferenda est. Scripsi in similem sententiam, ante menses tres, ad Hier. Mercurialem, illustrem medicum, & tibi notum: qui primus mihi aperuerat mentem Serenissimi Ducis. Scio illum accepisse, & iam iudicium fecisse, vbi debebat. Ego te nō celo, animum mihi in patriâ esse, etsi afflictâ. Deus hanc & me releuabit, cum ei visum: & te stantem firmumque seruabit, Vir Cl. Leodici. viii. Kal. Iul. ∞. Id. xcii.

EPISTOLA IIIL

*Antuerpium.*LAEVINO TORRENTIO, *Episcopo.*

* Sed non
firma: redijt
alia.

QUOD Romani olim peregrè reduces, vt nuncium præmit-
terent sui aduentus: idem ego, sed cum altero nuncio bo-
næ valetudinis, quæ *sera, tamen aliquândo nos respexit. O quàm
animus mihi floret? ij intellegant, quos habuit chronicus ali-
quis & teter eiusmodi morbus. Vt serpentes positis exuviis re-
dire dicuntur in nouam iuuentutem: tale mihi, qui nunc de-
mum auspicari videor vitam. Si ad salutem ea res, perseueret: sin
ad lasciuiam, abeat, & simus potiùs qui fuimus, aut etiam non si-
mus. O quàm vtile multis, frænum & coërtio hæc morbi? Nam
reuerà, sicut Athenienses de Pace non nisi atrati cogitabant, pri-
sci oratoris dicto: ita plerique nostrùm, vix de Deo nisi afflictî.
Ergo hoc eum rogo, vt non quod volo velit, sed quod expedit:
etsi hoc fateor, valetudinem non quidem velle me, sed inalle.
Eam tibi magne Antistes, ex voto nostro, & bono publico opto.
Leodici. Kal. Iul. ∞. Id. XCII.

EPISTOLA V.

I. LIPSIVS N. N.

CERTE cum dolore meo intellexi dolorem tuum: atq. cum
duplicem, qui vno panè tempore matrem & filium tuum
amisisti. Quis negabit iustè dolere te? natura & mos ita iubent,
aut permittunt: sed iacere te & affligi, negamus & dissuademus.
Tolle ad alta oculos: erigèris. Vnde tibi hoc vulnus? à Deo, du-
bitare non potes; & æternum illud fatum temperat & disponit
fata cuiusque nostrùm. Quod si ab illo, id est, à solo & summo
bono: quid nisi bonum est? Atqui inopinatò mihi accidit. Tua
hæc culpa est, qui præscire non potuisti tantùm, sed debuisti.
Age, nōnne, ab ipso die natali, adhæret nobis mori? Nōnne tot
immatura & acerba funera, non dicam vidisti, sed ipse deduxi-
sti? Atque in aliis mirum aut nouum tibi non fuit: cur nunc
in tuo est? aut quis te excepit à comuni illâ & æternâ lege?
quam vates altâ & quasi præconiâ voce expressit:

* Parca
mortalibus
instantia

— χρίτες ἔφες αὐτὸν σταύρωσον

Μορτα,

Μυρία, ας ἐκ τῆς φύσεως βεγόντες, ἐδὲ ὑπερδύναται.

5 *Milena,*
quae nemo
hominum
vites fugi-
at.
Homer.

Vt in pyro aut pino arbore, cum vndique fructu suo onusta est, alia confertim & impetu, alia seorsum & singula, sed tamen assidue cadunt: sic in nostro hoc genere, & densi aut singuli morimur, proprio vel communi aliquo fato. O imperitum, aut stultum, qui miratur! Ecce solem oriri cottidie, & occidere, sine motu videmus: vos Bataui, in mare adire & abire: quare? quia assueuimus, & naturæ hunc ordinem scimus. nonne idem in vitâ & morte est? Atque age, non sit hæc lex data: vide quò descendam; ego audacter dixerim poscendam à Deo esse. Vide miseras huius vitæ, seriò inquam vide & examina: mala quæ corpori, quæ animo adherent, quæ in nobis, in liberis, cognatis, aliis sentimus, vel audimus: dic lodes, iuuet inter ista immortalem esse? Ego sentio, ut in turbido mari, optandum defungi; & felices, qui quàm celeritè venerunt ad portum. Illum, inquam, mortis portum, ubi liceat tutò dicere:

—*spem, vota, timorem*

Compositus placido sine relinquo aliis.

Tuis igitur hoc factum, mi amice: gratulari si non potes, noli queri, aut (quod ipsi certè nolint) reuocare. Ecce ego haud longè à metâ (valetudo mihi dicit:) absit, absit reduci, & ad carceres iterum reponi. Malus & præposterus athleta, qui ipsos non illam spectat. Hæc pauca tibi firmando, quem & naturâ satis fortem cognoui, & lectiōne soles excitari. Fac nunc, & quæso abi ad nostrum Senecâ aut Epictetum: & illos profectò si oculo & mente legis, non luges. Leodice, prid. Idus April. ∞. 10. XCII.

EPISTOLA VI.

FRANC. AERSSenio S. D.

A PATRE amor in te deriuatus est; quia illum vti singulariter amo, ita etiam te, qui pars es illius, & ex stirpe illâ ramus. Sed auxisti tu quoque hunc affectum, cum prouum & volentem te ostendisti ad virtutes, & bonas artes: horror autem vti perseueres, id quæ tuâ causâ. Cui feritur hîc, aut meretur? tibi. & mihi crede, si ver hoc æui sine semente abit, dolebis postea, & horrea aliorum plena aspicias, vacantibus tuis per tuam culpam:

Non sunt hæc verba. res cotidie clamat, & audire ipse potuisti voces eorum, qui per desidiâ aut incuriâ neglexerunt. Quàm illi nunc penitent? quàm vellent reuocatos priores annos? Exemplâ vide, & tibi cape: & dum licet, velis, quod voluisse gaudebis in omne æuū. Secordiâ breue, & panē sine sensu, gaudium est: diligentia fructus se exserit, neque nunc solum, sed in futurum delectat. Caduca & fragilis res, homines sumus: sed ut simus etiam cū non sumus, & ut bona fama (sæpē etiam pecunia) mortuis nobis supersit, pendet ab industriâ iuuenili. Fateor esse, qui prioris ætatis culpas gnauiter, sequenti ætate & diligentia, obliterarunt: sed raros: laudo eos, qui bonâ ambitione, non subsequi eligunt, sed præire. Deus & superi istis fautores: & cothurnatus ille philosophus rectè,

* Namq. al-
laborat &
laborans
Deus.

* Τὸ γὰρ ποιῆντι καὶ θεὸς συλλαμβάνει.

Mi Aersseni, in animum hæc conde, ac me vnâ; qui tui amans sum atque ero, quamdiu priores illâ causâ erunt & fomenta. Ut ignis sine materie languescit, aut deficit: sic noster amor, sine Honesti alimento. Leodici, VI. Kal. Sextil. ∞. IO. XCII.

EPISTOLA VII.

Antuerpiam.

FRANC. SVEERTIO S. D.

ACCEPERAM iamantē, mi Sveerti, icones quas ad me miserâs duplices; vnâ non visâ mihi antea, alteram illam de Venere Lucretianâ ante triennium, aut amplius, ex Italiâ acceptam. Gratias tibi hoc nomine habeo, & est vtraque imago scitè & venustè facta. Nos in docendo iam sumus, faxit Deus ut cum fructu. Nam iuuentuti Belgicæ fauimus, & ducere eam vellemus in rectam viam studiorum, quam pauci hîc viderunt. De Poloniâ, mira sunt quæ memoras, sed nec inexpectata: iamdudum audio occultas ibi factiones & cætus fuisse. Deus bone, quis Europæ tandem status? aut quis noster? Nam res mihi neglegi videntur, sic ut nauis quæ permissa ventis. Sed fortem & felicem, qui non angitur, qui cogitat in supero illo consilio iâdiu decretum, quid terrenis his rebus regniq. fiat. Ipsa Belgica, quota pars magni mundi? ego & tu, quota Belgicæ? Ut folia cadunt & nascuntur, sic homines: nec frustra cum iis comparauit maximus poetarum. Illud fateor, ingeniis infelix esse æuū, & quo

agrè

ægrè se attollant aut exserant rectiores mentes. Prurigo ista dereligionis differendi & litigandi, quæ pessimum aut vilissimum quemque tenet, causam his malis dedit & dabit. Wingium in Italiâ obiisse, credo te audisse: nec dolco, abiit ad meliora loca. Fuit insignis alioqui iuuenis, & longiore ævo, sed in bono sæculo, dignus. Ortelio nostro scripsi, Michaeli vander Hagen quæso ut amicam salutem à me dicas. Louanij, III. Kalend. Decembr. ∞. IO. XCII.

EPISTOLA VIII.

*Antuerpian.*IOANNI BRANTIO, *Graphiario* S. D.

AMO plures in vestrà vrbe, & ab iis amor: tu mihi deinceps inter vtrosque es, & qui exhibent & quibus exhibeo hunc affectum. Litteræ tuæ primæ, tessera & quasi confarreatio sunt huius societatis. De me, videbis quasi ignem esse qui faciliè comprehendendo, vbi materia apta ad honestiorem flamam. Gratularis mihi & vrbi, in quam veni. Atqui vt semel scias consilium & scopum mei aduentus, Quies fuit. Iactari apud eos, qui in bello arminisque sunt, displicuit: & pedem extuli locis, in quibus alia omnia copiosa & benigna. Sed longius prospeximus, & temporis quoque eius rationem habuimus, quod post nos erit. Sic hîc omnis felicitas: quid si Fama & Salus lædantur, quàm illa infelix? Nec leuitatis crimen erubescio: imò delector conuicio, quo meliorem me agnosco. Hæc tibi, sed non tuâ causâ. Confido de optimo tuo iudicio: quod nisi esset, non sic me amares. Nemo fideliter diligit, nisi qui probat. Sum ergo Louanij, rebus meis bonis, etsi non laxis. Tranquillitate fruor, atque etiam securitate vel inter circumfusus hostes. Deus manifestò protector huic opido, & vix cadet nisi cum causâ bonâ. Quod addis audisse te scribere me aliquid de Cruce: verum est, aut potius iam scripsisse. Opus tamen quod nolim in expectatione apud vos esse, quia nihil in eo magnum præter argumentum. Pietas huc duxit. illa ipsa quæ vobis & Senatui vestro in oculis, cum salute hoc signum in vrbe mediâ erexitis, trophæum in illius hostes. Si decorè alibi potero, meminero: possem, si ad vos irem, vt in CONSTANTIA feci. Nunc tamen vix arbitror, & alij sunt qui pri-

mitias

mitias quasi iure suo volunt. Videbo, & te qui me sic amas meritò redamabo. Louanij, III. Kal. Mart. ∞. Id. XCIII.

EPISTOLA IX.

*Bruxellam.*IOANNI BERNARTIO *J^r* S. D.

AEGRE tibi esse, mi Bernarti, quòd à me abes, id verò mihi non est ægrè. Delector hoc tuo angore, & ita ille crescat, vt breui ad nos redeas, nec nisi alloquio meo illum ponas. Parentes tibi illic, scio, fratres, cognati, & omnia quæ naturæ ductu ames: sed ecce hîc quoque parentes, quos iudicio elegisti, & qui internum illum Bernartium foueant & forment. Me inter eos pone, inò primum, si res est affectus. Quod iniicis de inuidis quibusdam homuncionibus, per Deum hanc curam pone. Quò virtus perueniet, si sistitur ad has remoras? vt gloria illi comes, sic inuidia: sed hanc adeò non curat, vt vix cernat. Minuti qui non se attollunt, nolunt etiam alios: & factis cùm obitare non possunt, conantur linguis, & spargunt verborum leuia ista tela. Atque id cininus, vt Parthi fugientes. nam cominus non se componunt, nec rectis oculis splendorem nostrum intueantur. Mi Bernarti, quis nostro æuo (ad vetera non te mittam) paulum modò altior, detractiunculas has non sensit? Cuiacium vide, me vide. ille ab improbâ, ego rusticâ etiam manu vapulamus: quid vapulamus? sic vt in somnio, non sentimus, nisi imagine & opinione. Nemo nos tangit, nisi ipsi volumus, & fregit hæc omnia tela, qui contempsit. Indue hoc robur, & in primis ab iis caue qui insurrât, & specie beneuolentiæ nocent. Memento non credere, nisi illud, quòd te amo ex quo noui, dignissimum cui hoc fiat à bonis. Cetera coràm. nam te reuoco, & mihi quoque ingrata absentia tua, si longa. Capita bina carduorum altitium accepi, gratias tibi & parenti ago. Oudarto, si illic, pro me complexum & salutem dato. Louanij, post. Nonas. Iul. ∞. Id. XCIII.

EPISTOLA X.

*Antuerpian.*IOANNI BOCHIO, *Senatui à Secretis* S. D.

QUOD iamdiu facere te aut me optauì, factum est, & fundamēta posita amicitie nostræ. Ego decreueram in affatu & ser-

& sermone id præstare, cum apud vos essem : opinione meâ & voto, extremo hoc Septembri. Sed bene quod præcepisti. & hoc plus tibi debeo, quod affectus tuus calidior (maior non dicam) ad vinculum me duxit, cui iamdiu cupio illigari. Ex animo Bochi. pauci sumus meliorum artium inter Belgas : quid optabilius, quàm nosse inter nos, & cohætere ? Etiam aliarum animantium quæque aggregant se ad suum genus : ergo inter homines merito, quibus est similitudo & paritas aliqua vel artium, vel ingeniorum. Credo hæc in nobis esse. & nouite iam ante annos aliquot è scriptis, quæ sparsim edita, aut non edita etiam, apud amicos vidi. Non multa, inquires. Esto, sed è lineâ, vt scis, artifex artificem dignouit. Sed quid opus ista? blanditiæ absint, iudicio me facere puto, si te amem. Hoc satis ; & addo mansurum me in hoc foedere, quod nunc pangimus, quamdiu in me, qui es eris. Vale mi Bochi, & hæc sint pleni sermonis, quem spe iam occupo, libamenta. Louanij, post. Kal. Sept. ∞. IO. XCIII.

EPISTOLA XI.

*Antuerpian.*IOANNI LIVINEIO, *Canonico.*

EN tibi *Cuspiniani Panegyricos*, quos volebas. Vtere, & ede mox in tuam famam, & nostrum bonum. Pluscula in eos adnotata mihi, & nunc ad Plinianum mitto. Non sumus parci aut conditium: libenter participamus, & præsertim iis qui iudicio electuri & vsuri, quod de te confido. *Hesychiana* emendatiuncula vera est, & tibi inscriptam in calce *Notarum* videbis. Puto me etiam rectè iudicasse in *Dionis* loco, vbi *ὄχρ* restitui, & *Theniam* sum interpretatus: miror te verbo non adprobasse. An dissentis? significa, & caussam. Ecce alium *Dionis* locum, de *Triumpho Cæsaris*:

Καὶ ἀρσινόη γυνὴ τι βῆσα, ἡ βασιλὶς ποτὶ τοιμυθῶσα, ἐν τε δῆμοις, ὃ μάλιστα ἐν τῇ
 ῥώμῃ ἐγγίνετο, ὅφρα τῶτα πάμπαν οὐκ ἔτι ἐβόλα. Καὶ τὴν οὖν τῇ
 φάσιν αὐτῇ καὶ τὰ οὐκ εἶδη παρὰ τὴν ἀρετὴν ὄντο: Quod esset: Et *Arsinöe*,
 quæ mulier & aliquando regina fuisset, in populis conspecta, multam
 sui miserationem mouit. Et per hunc mox prætectum, *Romani* pro-
 pria sua mala palàm deflebant.

Displicet illud ἐν δῆμοις. nam quid noui aut mali in publico ad-

spici reginam? Puto in *Διομῳς* fuisse: in *vinclis*. atque id miserabile, nec antè ibi visum. Bella autem conclusiuncula, & interiori Quiritium affectui explicando: quam certum mihi esse ab Homero. Quid enim ille vir occultum non vidit & protraxit? Nam ita de fœminis captiuis apud Achillem, quæ Patroclû lugebant:

* Sic dixit
lacrimant.
alia mox
collacrima-
runt,
In specie
Patroclum,
in re & sen-
su sua da-
mona.

Ὡς ἴπατο κλαίῳσ', ὅτ' αὖ δὲ σὺ δ' ἔχοντο γυναικας
Πάτροκλον ἀρόρασιν, σφῶν δ' αὖτ' ἄλγ' ἐκείνη.

Simile & in Statio:

*Prospectant matres, seuoque infanda precantur
Oenide, tacitoque simul sub pectore regi.*

Sed hæc talia quando coram? si viæ tutiores, iam esset: si vel intuta, fiet, & cum præsidio aliquo ad vos ibo. Nimis lubet vesteres ibi amicos recognoscere, & oculis vsurpare.

— spes anxiam mentem

Extrahit, & longo consumit gaudia voto.

Vale mi Liuinci, & interim litteris nos adfare. Louanij, III. Kal. Nouembr. ∞. Id. XCIII.

EPISTOLA XII.

Antuerpiam.

ABRAH. ORTELIO S. D.

NON multos tibi commendo aut ingero, nec meus mos est: sed hunc singulariè, Ger. Buytvechium, qui anno & sex mensibus apud me egit: tantâ modestiâ & probitate, vt suprà nihil fatear vidisse. Is ad suos nunc redit, videre & salutare te voluit: rogo vt illi pateas, atque etiam bibliotheca tua. Pauca verba facio: si tu totidem cum illo, satis seipse commendarit. Louanij, III. Non. April. ∞. Id. XCIV.

EPISTOLA XIII.

Antuerpiam.

HENRICO VIVENO I^{ro}.

PRIMA est hæc tua scriptio, & pergrata. Affectu & cogitatione sæpè inter nos loquimur (opinor de te, ex meo iudicio): sed fiat stilo quoque interdum, scis quâ lege? cum valdè vacabis, aut si id tibi rarum, cum valdè voles. Hanc legem tibi dico: mihi duriorem, & nolo excusari nisi valetudinis causâ. Sed gratia, in-

ta, inquam, tua scriptio: tum quia in eâ animus ille tuus niueus appâret, & in ipsâ niue (quod miremur) ardens. Amas me puriter, iamdiu vidi; atque etiam liberè, quod nunc probas. Subiicis iudicia quorundam de libello nostro (semper mihi tali, nec unquam magno) cetera bona, in eo duriora, quòd videor quædam dicenda non dixisse. De usu salutaris eius signi inferi volebant: quod potuit opportunè, fateor, sed mihi Vixit semel hoc nosce, tractata aliis non libens retracto. Nónne pridem istud theologi? nec vnus aut alter, sed multi & è summis. Me hoc iterare, fortasse nec decorum sit, nec iis gratum. Nō illud, quia extra meam Spartam, quam colo: non istud, quia re didici, non amare eos, qui scandunt in illorum fines. Et meritò. nam profectò fit cum periculo erroris aut lapsus. sicut iis euenit, qui non edocti, fabros aut regularios imitantur, & per culminâ domorum aut tecta incedunt. Habes causam vnicam, & mihi etiam nunc firmam. Ne philosophiam quidem attingo, ne offendam: vult me aliquis Theologiam? resilio. At tu, mi amice, hæc & alia audacter nihilominus suggere: amo, etsi non nunc possum, in aliis audire. Louanij, quo die in curiâ olim Cæsar. ∞. 10. XCIV.

EPISTOLA XIII.

Machliniam.

NICOLAO OVDARTO S. D.

CARMEN accepi castigatum, & vnâ tuas litteras. Respondisse citius, sed reuera distrahor, præter alias occupatiunculas, etiam ædificando. Nam domum emi, reparo, & dum leue opus censeo, crescit cottidiè, & bulga mea decrescit. Stultum me (fateri debco) qui cœperim: & fortasse illud quod Crassus olim Deiotaro, mihi aliquis dixerit, *Duodecimâ horâ diei ædificare cœpisti.* Nam etsi per ætatem possum viuere, nescio an per valetudinem: cuius ipsius curam cogor deponere per hæc tempora, nec salutaris Spada me videbit. Inuitor sanè ab amicis Leodicensibus: sed multa impediunt. itinerum difficultas aut pericula, & nec in ipso loco securitas: tum etiam, nequid mentiar, sumptus. Non tam laxè mecum agitur, vt his omnibus sufficiam. Rex donum nuper dederat, sed adhuc in titulo: re nihil etiam accepi. Hartium nostrum rediisse audiui, sed vt censeo, cum exiguâ spe pacis. Quæ

quamdiu non est, frustra in pretio esse velimus pacis nostras artes. Senecam de *Tranquillitate* publicè hîc docco, priuatim ad me apto. Si cura illa ædificandi reipsâ non mordeat, cetera paxnè sum tranquillus. Opto te mi Oudarte. saluta, sicubi vides, nostrum Harrium. Louanij, x. Kal. Iunij, ∞. ID. XCIV.

EPISTOLA XV.

*Leodicum.*PETRO ORANO I^{to}.

PER hunc æstum languco mi Orane, & planè valetudo mea eget fontani refrigerij vestri. Sed quid faciam? multa impediunt: pericula in viâ, & in loco: iam & ædificatio, quam institui, in domo recenter emptâ. Benè cedat, inquires. Deus faxit, sed bulga mea exhauritur, non ab Alphonso aliquo aut Leone implenda. Fui Antuerpiæ vt mea quædam ederem, quo tamen hodie fructu? Plaudunt, laudant, *vt pueri Junonis auem*, ait ille: & hæc sunt præmia nostra. Hæc & talia in sermone coram, si venio, sed serenâ fronte: nec id impediuerit tranquillitatem nostram, inò nec iocos. Vale mi Orane, & saluta fratres à me tuos. Louanij, x. Kal. Iulij, ∞. ID. XCIV.

EPISTOLA XVI.

ABRAHAMO ORTELIO S. D.

AH tristes mihi litteras, super Bencij mei fato! nimis me ille vir amauit, ego illum; & id vsque à primâ iuuentute nostrâ. In ipso flore ætatis amicitia Romæ coaluit, & paucis annis me præcedebat. Quid autem hoc est, quod ego æger iste animam tam diu traho, & tot validi præripiuntur? nescio quid Deus etiam seruare me videtur, vtinam in publicum vsus! Sed adnitar, & adnitor. etsi nunc valdè sanè distrahor ædificatiunculis nostris. O inconsultum consilium in emptione! Gallorum hoc vetus est, *Feminam faciendam parare, domum factam*: ego in utroque peccaui, & luo ac luam pœnas. Sed extra iocum, domus dat negotium, cœpta, & idè perficienda. Vellein cum Moreto nostro videre tibi semel aninus sit, atque vtinam cum Viuiano: cuius viri memoria & affectus in me vigent, & cogitatione sæpè exsul-

exfufcitantur. Scriptione rarius, quia nec argumentum eft, & defidere in hoc genere ac remittere incipio: quod fcire velim amicos, & ignofcere. A Scaligero nobilis iuuenis Gurges apud nos fuit, multa dixit quæ volupe audire. Quod ad infcriptionem illam Romanam, ne dubita quin EX VISV fit ex fomnio, & fignificat fe monitu diuino id feciffe. Sæpè in lapidibus notauit. Vale mi Orteli, XI. Kal. Iul. ∞. IO. XCIII.

EPISTOLA XVII.

LAEVINO TORRENTIO, *Epifcopo Antuerpienfi.*

NON aliam à te epistolam accepi (etfi sæpè tales) magis benignam. Non aperis pectus & affectum, fed effundis; quod gaudio & folatio mihi eſſe, in publicis priuatifque moleſtiis, debeo fateri. Nam publicè quidem, quid non triſte? & ita, vt deteriora etiam ſint in metu. Hoſtis inualeſcit, nos langue- mus, & penè veteri illo Demotheſis dicto, quaſi mandragoram qui biberunt, iacemus. Ne magni quidem iſti ictus nos excitant? Niſi quid tamen occulti conſilij alibi vel auxilij, in quod non inquiero. Sed de priuatis, domus me etiam tenet, quam lente, & vt operæ iſtæ ſunt, pergitur ire exſtructum. Cui ormandæ & verè illuſtrandæ, quod vltro tam liberaliter polliceris, accipio, vti & à Prunio noſtro. De voluntate veſtrâ cùm conſtat, cura- tum hoc ego porro reddam. Quod ad Ordines, totum tuum eſto, ſi agendum, & quando agendum. Equidem cùm tempora intueor, venit in mentem ſubuereri interdum etiam de firmitate ſolutionis: quam N. iſte expedit, ſed hoc quoque, vt meæ operæ, lente. Si in vrbe veſtrâ Antuerpienſi (in quâ nescio quomodo plerique mei amantes) delegatio ea facta fuiſſet; magis id ex meo uſu fortasſè, & certè voto. Sed vereor, vt ſerum ſit im- mutare. Ego tamen, ob hæc & talia, nihil etiam de migratione cogito, quantumuis exteri inuitent. Niſi vis aut iniuria me pel- lant, æternum ſum veſter. Accepi nuper Poëmata tua, gratum mihi donum. ad Bernartium Statij codicem miſi. Ill^{mo} Borro- mæo reſpondi, & ad te mitto: vnà hunc animum, qui ſeriò ſem- per eſt tuus. Louanij, XIII. Kal. Septemb. ∞. IO. XCIV.

EPISTOLA XVIII. *Recommendam.*

GVIL. CRIPIO SECVNDO S. D.

SERIVS ego litteris tuis respondeo, quia redditæ mihi serò. Aliàs, profectò non tamdiu vices istas scribendi protulissem, vel tuâ vel parentis clarissimi causâ, quem iam olim & colo & amo. Eum ais (me dolente) in morbum venisse inco similem, id est pessimum morborum. Vexat, trahit, lancinat, idque per interualla, & omnino est pro Tyranni illius voto, qui homines *se mori* volebat, *ut sentirent se mori*. Decem amplius annos in co sum, vespertilio (vt sic dicam, & iocer) nec inter sanos nec egros, & mediæ cuiusdam sortis. Non inter egros dico, palàm egros, ambulo, fabulor, alia vt alij ago, & plusquàm alij comedo ac bibo. Nam habet hoc iste languor, vt homines edones faciat, & in cibum ac mensam statim suâ horâ, vel ante horam, imminentes. Quàm bilis mihi tunc prompta, si non cibi? & facit hoc calor atque æstus, circa imum stomachum inclusus. Obstructiunculæ illæ in venulis mesaraicis, quas medici vocant, heu, nimis mihi notis. Inde flatus, inde vapores, qui caput petunt & sacram hanc mentis sedem. O quis Deus aliquando me liberet? quis annuum det vnum vacuum ab hac noxâ, quem lucubratiunculis meis impendam? Nam nunc quidem, cum parata multa habeam, vix digero aut effero: ita horæ & dies labuntur, in vinculis & nexu tristioris illius morbi. nec temerè appello vincula. non enim corpus solùm ligat, pigrum tardumq. reddit: sed linguam, sed mentem, & vno verbo, ex homine cadauer parè reddit. Querebas habes, tu solatia, vel auxilia quærebas. Vnde habeam? nemo me dicorum dedit, aut, credo, dabit. Quod tamen vsu me iuuat, aut didici, cape. Primas tenent acidulæ Spadanæ, aut aliæ tales; quæ propriæ mihi videntur (si iudicio vtare) in hunc morbum. Inter recentem eum tollere possunt, non dubito: veterem, saltem adiuuare. Sperabam repetere hoc remediũ istâ ætate: sed multa impediuerunt, & via inprimis non tutæ. Alterum quo vtor, Aqua intybi stillaticia, quam aceto aut vino leuiter tempero, & manna admixto pauillilo aniso & faccero bibo. Mitigat æstus, aperit præcordia & subiacentia, denique ad tempus iuuat. Sed ad tempus. carnifex ille redit, & solita mox admouet tormenta. In cibis abstinco

abstineo ab omnibus calidis, non etiam in potu : & video vina Rhenana, aut siquæ talia *superius* & penetrantia, auxiliari. Opus etiam iisdem, & interdum largioribus, ad fumos aut tristitias pellendas, quæ congenitæ huic morbo. Plura non habeo dicere. amo te, Patrem veneror & saluto. Louanij, III. Nonas Sext. ∞. Id. XCIV.

EPISTOLA XIX.

IOANNI BRANTIO, *Graphiario S. D.*

ISTEIPSE mihi tuas tradidit, qui meas nunc tibi. Grata tua compellatio, animi memoris & affectus in me index : quæ vtriusque de me tibi potes polliceri. Ego verò cogitationes & animum sæpè mitto, quò non manum aut litteras : & is quoque cultus amicitiae est, desiderare & meminisse. Vos mihi Antuerpiæ amici aliquot, fateor, imò plures quàm in aliâ vnâ vrbe, ac provincia pænè dicam. Utinam, utinam infelicia tempora permittant inuisere interdum & alloqui, atque, vt solet, arbitrio nostro ire, redire. Suauior vita esset, & valetudo ipsa melior, temperata sic amicis alloquiis & conuictu. Non datur, non dabitur quod petus est, vt res quidem publicæ eunt aut potius fluunt. Ego, nisi arcana aliqua consilia regum sunt, de his quæ in aperto nihil boni auguror, domi militiæque disciplinâ corruptâ. Æmulatio, contentio, rebellio passim, atque etiam confusio, nec data consilia aut imperia opportunè, nec capta. Larga querelæ materies, sed non sapienti, qui altiore in his causam inspicit, & scit hæc sequi Prouidentiae currum. Triumphat in eo æternus ille rector, & nos sequimur. liberi ac velut milites eius, si volentes; captiui ac serui, si nolentes. Illud simus, mi Branti, boni beati quæ etiam in malo xuo. Socerum tuum & uxorem saluto. Louanij, pridie diei qui Lucæ sacer, cum ingrediar ætatis quadragesimum octauum annum. ∞. Id. XCIV.

Consulem Malinaum & Secretarium Bochium amanter resaluto. Addo Thesaurarium Robianum.

EPISTOLA XX.

HIERONYMO ROVELASKO S. D.

ALLOQVI verbis me poteras & sermone isto litterario, mi Rouelaski, etiam si res non adfuisset: id est, etiam si minuscula & semina non misisses. Nam ego te commendatum mihi ab aliis, postea à te ipso, amaui cum Louanium venisti; & magis magisque, quò magis noui. Vidi serium tuum ingenium, ad recta natum, cum iudicii bonâ normâ: quod caput ego censeo in homine & vitâ humanâ. Si ea norma obliquat aut se inflectit, prauum exspecta quidquid sequitur: & tela omnia aberrant, ubi collineatio fallit. Gratulor tibi hoc bonum, quod à Deo & à naturâ est: sed magis hortor, ut idem iuues industriâ & lectione. Crede mihi, inspectio rerum & peregrinatio, actio ipsa & inuersatio, multum iuuat fateor, & momentum ad prudentiam adfert: sed plurimum lectio, si bona, si bonorum. Hæc præter prudentiam, constantiam etiam adfert & robur quoddam animi, quo in hac vitâ turbidâ egemus: denique sapientiam, quæ in vulgus hominum non cadit. Quòd adhuc Antuerpiæ es, non miror. nam quò eas? quis in Europâ locus aut tutus, aut quietus? Italia tua videtur: sed vereor ut & illuc bella, quorum semina certè video: & faxit Deus, ut vaticinando errem. Nam diligo gentem, & voueo illi perpetuam hanc quietem. Vocarunt in Bononiam nuper, calidè & perhonestè: retineor, quid dicam à fato, an à meis? Splendidior ille locus, scio; fortassis etiam ego ibi utilior: sed ut dixi, arcanum illud in nobis dominans vincit, Præuidencia siue fatum. Te mi Rouelaski amo, & meum esse semper cupio. Gratiam pro seminibus habeo, & Patri tuo V. C. salutem dico. Louanij, v. Kal. Maij, ∞. Id. xcv.

EPISTOLA XXI.

*Leodicum.*PETRO ORANO *Ith* S. D.

QUID doleam, quid scribam, haud planè etiam scire me fateor: & tamen doleo, ac scribo. Estne ictus ille qui te & familiam percussit, an rumor vanus aures istas percussit? Vt in istud sit: sed ecce iam nunc cum scribo tristior iterum nuncius, & qui

qui audita illa adfirmat, & distinctiùs denarrat. Heu tristia, heu tragica! quæ nec nunc plenè lubet credere: & tamen vel sic ambigentem amor impellit scribere, & vt in certâ calamitate amicui solari. O si verbis, & vultu, & lacrimis etiam liceat! nam & has sparsissem, inferias optimæ matronæ; quam gens vestra Eburonum vidit. Fateor me aduersus hæc fatalia decreto animi iamdiu satis firmum: tamen hîc motus sum in morte tam inopinatâ, & quam fraus aut insolens nimis casus dedit. In mensâ venenum? inter amicos, inter plures, in publicâ hilaritate, & quo turba hominum simul petita? Hæc deiciant mi Orane, nisi melior ratio & sapientia fulciant: quam tu, per Deum, & illam ipsam quam luges, admitte. Functâ est inopinatio. quid relict? functâ est, & cottidie in magno hoc orbe tales inexpectati casus. In eo peccamus, quòd quisque de se suisque tantum cogitat: & insolentiam aut iniuriam interpretatur, quod in familiâ non vidit. Quòd si oculos per vniuersum mittas, si facta olim & facienda cogites: nulla hîc nouitas, & videas omne hoc genus esse sub eodem Fati iugo. Atqui in bono etiam ego periit. Quàm multi præter illam? etiam ex ipsâ stirpe & prole tuâ quidam æuo meliore. Denique omitte hoc, periit: error aut mendacium verbi est; abiit, transiit in loca latiora. Hoc ex nouâ & Christianâ sapientiâ si cogitas, si apud beatos beatam agere: dolori tuo quis hîc locus? Aut si dolori, non est amor: cuius hoc proprium, etiam cum suâ noxâ benè factum velle illi quam ames. O si pauca verba ingeminare tuæ in aures tuas detur? Quid fles aut suspiras mi Orane? Meum abscessum? vide vbi sim. Tuam solitudinem? non diu erit. Præiui, sequêris, & omnis illa caterua è nobis nata. Liberi & nepotes, quos Deus videre & frui suauiter dedit, hîc (ita spes est) me amplectentur: pergant modò in pietate & virtute, quam à stirpe & præceptis nostris hausierunt. Lugere, vix viri est; certè Christiani non est, cui mors est ipsa hæc vita. Hæc illa, & addam. munus etiam & stationem tuam cogira, quâ hîc in terris Deus voluit fungi. Consilia aut iudicia publica tractas: sustine personam, nec priuata calamitas in patriæ noxam vertat. Olim Q. Marcus eo robore animi fuit, vt ab ipso rogo filij, & quidem vnici, in curiam veniret, & Senatum quem more tunc habere oporteret, euocaret: non imitare tantum, sed imitare, &

priuato luctui creptum publicis vsibus te redde. Vna & vera cogitatio obuerfetur ad fiduè, commune hoc mori esse, æquè atque illud nasci: & vtrumque certo suo die & horâ à Fato deuinctum. Nec hominibus tantum, sed opidis, terris, elementis; & quidquid hoc nos sustinet, alit, cingit, imminet, magno illo die vertetur aut peribit.

—*Omnia funèta*

*Aut peritura vides. obeunt noctesque diesque,
Astraque, nec solidis prodest sua machina terris.*

Mihi crede, mens quæ ad ista adsurgit, ad luctum non demittitur: & scit mortem generi humano non tam supplicium esse, quàm tributum. Cogita, & te vel propter tuos etiam firma, quibus vnicum nunc præsidium es & fulcrum. Scripsi. & cum aliquis tuorum certiora suggeret, fortassè vberius: atque ô vtinam hæc vana esse! Louanij, postrid. Idus Febr. ∞. IO. xcv.

EPISTOLA XXII.

GER. SANDELINO S. D.

QUOD saluus adueneris, quod tuos, & in iis *Buytevechium* videris, gratum est: sed hoc gratissimum, quod nos cum non vides, cogitas, & visere iterum optas. Ista certi affectus signa sunt, in quo vt constes perpetim, in animo isto volo. Nam amo te Sandeline, & quod sequitur, volo amari. Quod non omnia illic ex cogitato aut voto sint, nolo te mirari aut moueri. Vbique gentium & locorum sic erit, imò vt poëta ille ait,

—*medio de fonte leporum*

Surget amari aliquid, quod in ipsis floribus angat.

Temperies hæc & mixtio est in humanâ vitâ: noli fastidire, sed quod in naui solet, contra nauseam hanc te firma, quo? Pharmaco à Sapientiâ, & è Senecæ nostri officinâ. Virum & libros eius nosti. *Robur & as triplex* circa pectus induendum est, vt nunc sunt homines, tempora, mores. Fac, & ita valeas. Louanij, III. Idus Iun. ∞. IO. xcv.

Carmen, quod honori tuo scripseram, hîc habes.

AD GERAR-

AD
GERARDVM SANDELINVM
IC^{ti} TITVLO ET HONORE
DONATVM.

SANDLINE eximie in meis amicis,
*Quem virtus mihi & elegantioris
 Coniunxit studium eruditionis:
 Grator & faueo tibi hunc honorem,
 Quem nunc Iustitia manus seueræ
 Alumno tibi donat atque mysticæ.
 O felix honor, ô beata cura!
 Priuatis simul esse publicisq̃ue
 Rebus præsidium: bonos tueri,
 Malos opprimere. euge mi GERARDE
 Surge atque exorere; esto sol, & istas
 Quæ passim obtenebrant, fuga tenebras.
 Sis tutor miseris, probis asyllum;
 At terror scopolusq̃ue sis scelestis.
 Sic Deus tibi pluria vsq̃ue donet,
 Sic gradus modò hic esto, & ampliorem
 Nanciscaris honore ab hoc honorem.*

EPISTOLA XXIII. *Louanium.*

MARTINO DELRIO, *Societ. Jesu.*

SALVI fumus, mi frater, salui: & id palàm beneficio diuino. Vide rei seriem. Kalendis ipsis Iuliis Nuncius Apostolicus INNOCENTIVS MALVASIVS litteras à Præfecto Limburgensi accipit, quibus nunciatur Batauos transinisse Mosam, equites ad trecentos: & occulto bonoq̃ue auctore se habere, Spadam rectà venire. Ille cùm legisset, statim ad me hominem suum misit, & ipsas litteras, vt viderem & arbitrarer. Dixi me subsequendum, & coràm sententiam dicturum. Dum paro me, ecce

ab illo alius, cum alteris etiam litteris à Præfecto Geldriensi, quæ eadem fortius adfirmarent, & caucri inonerent. nos enim certò peti. Ergo propero, colloquimur: & aderat in hoc senatulo Marchio Malaspinæ, vir militaris. Illi uterque propendere, imò virgere ad abeundum, & iam ante aduentum meum conuassari iusserant: ego contrà (non abnuo imprudentiam) ad inanendum & resistendum. Aiebam subitum periculum non videri. si trecenti essent, magnam manum ad prædandum, nec posse fallere: vndique mox nuncios venturos. Quid autem, aiebam, si in Galliam eunt, regi illi suppetiatum, neque nos petunt? Maneamus, exploremus, rusticis emissis, qui per compendia viarum exquirere possunt & nunciare. Non sum auditus, quod gaudeo: & illi sub horam pomeridianam secundam Francimontem, in arcem se recepturi, discesserunt. Ego subsistere adhuc deliberabundus, non an irem (vndique enim de periculo iam nūcij) sed quò irem. Stabuletum peti tutius videbatur, atque ibi delitescere, quàm Francimontem: quò tota ferè aquantium turba concesserat, exemplum magis, ut solet, quàm rationem secuta. Tamen & ego mox Francimontem, quia P. Leonardus & Smithus vestri eò inclinabant: quos, vinà cum famulo meo, comites habui huius viæ. Vespere peruenimus, omnia plena aduentorum, loci nihil in hospitibus: ipsa arx nec Nuncio adhuc patebat. Itaque, Deo bono inspirante, porrò iuimus in pagum proximum, cui *Tēum* est nomen. Grandior ille, & vel opidulo similis, creber ædificiis incolisque. Placuit, & omnia ibi tuta visa: cœnamus, dormimus, ad templum manè imus. atque ego peracto sacrificio, ad P. Leonardum, Quàm mox ad Nuncium? audire lubet, cequid magis certum aut lætum. Imò prandere mihi animus Spadæ est, & tibi ac collegæ condico. gallina caput conuiuij erit. Garrimus, imus: ecce obuius ipse Nuncius (quod saluti ei fuit) cum Marehione, & famulatio pauco. Occupat, Quò vos? ego ad te Lipsi. Et cur herè in cœnà non adfuiisti, securior futurus in arce? Ego ridere. & omnia hîc tutissima, inquam. vides frequentiam, & magnitudinem? non ausint huc vel alteri trecenti adspirare. Videamus, inquit, ambulemus, sacris mox operaturi. Facimus otiosè & securè, & ad templum iam ditigebamus: cùm pallens à laterali viâ rusticulus, Vestri Francimonte capiuntur, Obuertimus. quid ais?

ais? inquit Marchio. nos iam illinc: homo ludis. Verba vix dicta, ecce

Ἰ' παῶν ὠκυπόδων ἀμφὶ κτύπῳ ἕατα βάλαι.

ecce tuba insonat, & ipsi conspici in tergo nostro. Eram Nuncio ad latus, sequebantur alij: diffugimus. plerique omnes cum Nuncio ad templum: ego subsequente P. Leonardo in transfuersam angustam semitam, quæ ducebat ad hortos. Nam turbam sequi, non erat consilium. At ecce ea semita peruia non erat: sepes obiecta, quæ à viridario disparabat. Hic hæsimus:

— αὐτὰρ ἐμὲ Ζεὺς

Ἐρίψαθ', ὅς μοι ἐπαῶσα μὲν λαίπρᾳ τε γένηται.

eripuit, inquam, me Deus, & sepem illam aliamque transcendimus, palliis, & quidquid morabatur, abiectis. Impetum euasemus, nondum periculum: verebatur enim cingi & inquiri. Itaque ad montana, rustico vno duce, confugimus, inde ad siluestria, & denique Frepontem pagum, vbi nauigatio & flumen. Nuncio, inquires, quid factum? euasit hoc modo. Templum intus occluserant, ære Campano sonitum dabant ad rusticos vndique excitandos. Hostis interea terrere, inuadere, quidam ex equis descendere, & ariete portam velle diffringere. Sed Marchio & famuli viriliter agere, & qui primus hostium accessit, glande cum traicere. Id repressit ceteros. & simul incolæ atque acolæ conuenire, & sanctimoniam templi velle tueri. Francimontem igitur, & mox Spadam repetit, captiuos abducunt ad vigin- ti è Belgis: ipsos Eburones, Germanos, Gallos spoliât & prædantur. Nuncius & Marchio euadunt, iumentis impositi nos consequuntur, & gratulamur mutuam salutem. Nauigio vectos Leodicum habet, etiam nunc trepidos à casu, & à fatigatione adfectos. Deus firmabit, tu gaude & votis auxiliare mihi Pater. Leodici, II. Non. Iul. ∞. IO. XCV.

* Ὁ παῶν
παῶν το-
λαίπρᾳ
sonitum
quasi an-
tes.

* - sed me
Deus ipse
Eripuit, vi-
tes dedit: &
velociter
membra.

EPISTOLA XXIIII.

BALTHASARI MORETO suo S. D.

MIGRAVI his diebus, sed è cubiculo in cubiculum, & bibliothecam dumtaxat transtuli: tamen rem, ita me Deus amet, negotiosam. Omitto, disponere iterum: sed caput mole-

stix & culmen est, chartas excutere, secernere, & purgare. Dum facio, incidi in Valeriana quædam olim mihi concinnata, ut ad vos mitterem: si fortè auctorem illum recuditis, Notis scilicet meis addenda aut inferenda. Tuæ curæ erit: si tanti tamen hæc erunt. nam meliora aut grauiora prior deflorauit electio. At tu vide, & habe. Lib. I. cap. v.

At Cæcilia Metelli, dum sororis filia adultæ ætatis virgini, more pristino, nocte concubia, nuptialia petit, omen ipsa fecit.

Putarem: nuptiale petit omen, ipsa fecit. Ipsa videlicet suâ voce omen fecit deditque, quod petebat. Sequētia dicunt. Lib. II. cap. I.

Nulli enim tunc alienorum matrimoniorum subseffores oculi metuebantur: sed pariter & videre sanctè & aspici mutuo pudore custodiebantur.

Obscurum, & in scriptis reperio custodiebatur, singulari numero. Elicio, custode dabatur: & allusio ad Rom. morem, quo fæminis sui custodes. Eodem libro, cap. x. de prædonibus, qui admiratione ducti ad Africanum visendum venerunt:

Quod ut prædones animaduenterunt, dimissis militibus, abiectisque armis, ianua appropinquasse.

Itanc milites cum prædonibus? non ego opinor: & scribam, dimissis militaribus abiectisque armis. Libro III. cap. IIII.

Unde processerit, aut quod peruenerit, statuæ ipsius titulus abunde testatur, seruili cognomine & regiâ appellatione perplexus.

De Seruio Tullio sermo: at nullum ei cognomen, sed nomen ipsum seruile. Scribe ergo, seruili cum nomine. Eodem libro, cap. II.

Cum pro castello, cui præpositus erat, dimicaret, Cneijq. Pompeij præfectus, iussu eius, summo studio & magno militum numero ad id capiendum mitteretur, omnes qui propius accesserant, interemit.

Fœdata hæc glossis aut insertis, quod intendenti promptum. Nam quis iste Cn. Pompeij præfectus? Legatum dixisset: & historia ac res abnuat, scimusque Pompeium ipsum in re præsentis fuisse, & satagisse. Scribam: Cneiusque Pompeius summo studio, & magno m. n. ad id capiendum niteretur. Pluscula deleo, etiam vocem Præfecti: pro quâ si quis præsens volet, aut profectus, potest. Libro v. cap. I.

Liberalitati quas aptiores comites, quàm Humanitatem & Clemen-

tiam dederim? quarum prima inopiâ, proxima occupatione, tertia anticipati fortunâ præstatur.

Apertius & tamen acutius esset: quarum prima inopi, proxima occupatione. Nam hoc dicit, Liberalitatem inopi fortunæ subuenire, Humanitatem occupationi & inuolutæ, Clementiam ambiguae & periclitanti. Eodem libro, cap. III.

Gaudio exultans Caietam cucurrit, & virum, omitto quod amplissime dignitatis, certè salutis eius auctorem, studio etiam præstantis officij priuatim sibi venerandum, iugulum præbere iussit.

De Popillio ista, & Cicetone. sed libri scripti, quos consului, pro his verbis *salutis eius auctorem*, vnicum hoc habent, *salubritatis*. Et verò damnanda illa sunt. nam etsi verè dicat *salutis auctorem* ei Ciceronem; tamen non fecit, sed postea addit, *studio præstantis officij venerandum*, hoc nempe defensionis & tutelæ sensu. Itaque legam ex libris: *certè celebritatis, studio etiam*. Cicero, inquit, fuit vir amplissimæ dignitatis, itemque celebritatis & famæ. Libro IX. cap. x.

M. Flavius Tribunus plebis ad populum de Tusculanis rettulit, quod eorum consilio Velternos Priuernatesque rebellaturos diceret.

Imò non futuram culpam, sed factam æquius punire erat, & res etiam fuit. Neque enim *rebellaturi* illi erant, sed iam fecerant: quod ex Liuij VIII. libro discas. Itaque omninò hîc scribendum, *rebellatos*. Nouitas verbi ne offendant. ita *Palatos* pro *Palantes*, & plura præsci: hoc ipsum etiam in Tertulliani v. adu. Marcionem: *Quæ gratia à non offenso? quæ pax à non rebellato?* Sunt alia, sed minora fortasse, nec nunc exscribenda. Tu valebis, mi Morete, & nos amabis. Louanij, IIII. Kal. Ianuar. ∞. ID. XCVI.

EPISTOLA XXV.

Antuerpiam.

BALTHASARI ROBIANO, Senatori S. D.

AMICA epistola tua me affecit, vt sermones & conuersatio solent. Fateor enim candidè, exhilaresco & vegetor cum apud vos sum, viros beniuolos, prudètes, doctrinæ & mei amantes. Affectum illum verum in vultu atque oculis video; quomodo non eundem rependam, & deuinciar mutuo quodam nexu? Enimuerò facio: & si vllos mortalium, vos aliquot Antuerpiæ ca-

* plures
prole.

piæ calidè & fideliter amo. O probitas, ô candor, si tales apud plures sint? aurea sæcula redeant, & viuamus in terris cælestem aliquam vitam. Sed non hæc felicitas huius sæculi, quo maximè Biantis illud verum est, * *οἱ πολλοὶ κακοί*. Speramus emendationem, aut leuamentum aliquod, à nouo nostro Prorege, quem laudari variè audio, etiam ab iis qui interiùs nouerunt. Faxit Deus, vt firmâ rectâque mente sit, nec abripiant eum aut flectant praua nostra & detorta. Eligat & discernat, quibus credat, & quos audiat: caput, nisi fallor, imò & pedes, in bonâ gubernatione. Diuturnum hoc bellum ciuile labes multas aut corruptelas inuexit, & pro virtutibus pænè quædam habentur: magnitudine animi opus est ad corrigendum, sed & prudentiâ, vt sensim & sine motu. Bataui vicini nostri si sapiant, pax & boni mores ad nos redeant: bellum & vitia extra fines istos eant. Sed illi peruiaces; & de plenâ medelâ vix sperandum, quamdiu pater iste malorum *Mars* erit. Duremus, peiora tulimus: & aliqua tamen serenitas per nostrum hunc *Serenissimum*, spero, illucebit. Te valere cupio mi Robiane, mei amantem & memorem. Louanij, post. Kal. Feb. ∞. ID. XCVI.

EPISTOLA XXVI.

BALTHASARI MORETO suo S. D. *Antuerpiam.*

MORTEM auiæ tuæ, etsi matura ea fuit, & iam ipsa in metâ xui, tamen tristis audiui. Matrona fuit bonis probisque moribus, sine fūco aut pompa, viri olim amans, domus suæ & œconomix intelligens & curans. Et satis hæc in fæminâ: plures laudes qui quærit, vitia fortasse congeret, in specie virtutum. Mulier, quæ vltâ mulierem sapit, non sapit. Carmen tuum libens vidi, & lacrimas, quibus meritò ei parétasti. Extremum officium est, sed & decorum officium est: & laude ac memoriâ bonâ prosequi defunctos, ratio & sapientia probant. Mihi ab amicis haud aliter eueniat, nec lessò aut planctu, vt ille ait, funera quisquam mihi faxit. Miscere te autem interdum actuosæ tuæ vitæ has meditationenlas aut scriptiunculas, tibi quoque & animo tuo vtile: quem nunquam ita merge vndis istis rerum, vt non emergat interdum & respiret inter litterarum flores, aut poëseos pigmenta. Sed

Sed & pascat cum interdum fortior lectio, & Sapientiæ colleum illum lustret. Fac, & vale mi Morete. Louanij, vi. Kal. Sept. ∞. Id. xcvi.

EPISTOLA XXVII.

IANO WOVERIO *suo* S. D. *Antuerpiam.*

EN, habes sodalem tuum veterem, citiùs quàm opinio tua aut nostra ferebat. Sed ita fert mare, violenta pars mundi, & cui nemo imperat, præter illum qui cunctis. Fruere igitur eo paullisper (nam nec diu aderit) & tædium hoc pelle, quod in animo tuo scribis innasci. Remedium petis. à mène? cur non potiùs à libris, ad quos te misi? Nam mihi crede Woueri, in cā officinā herbæ, succi, medicamenta, quibus honesta omnis voluptas in animo excitetur; quibus & virtus, ac robur, in omnes res aduersas. Atqui hoc ipsum subinde dolet & cruciat, auulsum sic esse. Gaudeo hunc dolorem tuum; & maneat: sed tamen sic, vt quemadmodum amantes abiuncti paullulùm aut exclusi, acriùs amant, aut redeunt: sic tu quoque vel furtim fruarè, & vîsas idem ad nostras illas Nymphas. Vnum Senecam tamen, ad firmandum animum, vel maximè tibi ingero: ceteros, ad docendum aut delectandum. Eum nunc legebamus publicè, nescio an cum iuuentutis magno fructu (quæ tamen frequens satis & alacris audit:) at cum nostro tamen, qui honestis illis fortibusq. monitis erigimur, & subleuamur. quod necessum est in multis aduersis aut tristibus, quæ publicè & priuatim suppeditat hoc æuum. Vale mi Woueri, & amandus aia. Louanij, prid. Non. Mart. ∞. Id. xcvi.

EPISTOLA XXVIII. *Eodem.*

HENRICO VWENO *Ith* D. S.

PRO amico fecisti, quòd libellos qui me tangebant, miseris. quos legi statim: & quid dicam? parùm aut nihil me repperisse, præter voluntatem lædendi. Designant magis reum, quam peragunt; & communiter contenti Antiquitatis inuidiam nobis obiecisse, desistunt. Mira hæc accusandi ratio, pedem non con-

ferre propius, non loca ipsa aut phrascs notare & excerptere, quas damnes. Interea cum benè abiecerunt & contempserunt totum hoc nostrum scribere; metuunt ne iuuentus imitetur, & precibus monitisque eam auocant & abducunt. Quid timent, si Veneres aut lepôres in eo nulli sint? si barbara, vt aiunt, & spurca? Sed conscientia ipsos quoque conuincit (testor eam & appello) stilum nostrum aliquid viuum, alacre, sed & eruditum habere: quod ipsi ore magis, quàm corde spernant. Nouimus hoc genus. miselli, manent in suis præceptiunculis: *Hoc Exordium, hæc Narratio est: Hic Allegoria, hic Metaphora*: & præclare censent Ciceronem se interpretatos, tum & Ciceronianos esse. Quo argumento? quòd clumbia quædam, & extingui scribant: quòd iacentia verbis, sensibus, numeris: quòd denique sic argentia, vt refrigerare possint Germanicas suas niues. Et ô ridiculum! nec ad Ciceronem quidem seriò nos vocant: sed ad Melanchtonem suum, virum mihi, nisi à religione, haud aspernabilem; sed nec inter duces aut antesignanos ad eloquentiam ponendum. Hunc admirantur, hunc tollunt, numen cum altero suo numine habent: de quo verissimè Bonamicus in Italiâ interrogatus dixerat: *Videri eum Latine loqui incipere, & tentare*. Reuera ita est. isti velut in margine & finibus Latij hærent; adspiciunt elegantiam, & mirantur; intra pectus, aut linguam, non admittunt. Atqui nos obscura & intricata scribimus. Nescio, dicam liberè, mihi de me non videri: imò hoc in laudibus meis vel maximè censeo, quòd in breuitate nubes vito. Dicant & iudicent, qui Latine modicè intelligunt: dicant, qui vel leuem gustum habent politioris litteraturæ. Quòd si ad istos occupatos aut ignauos vocamur, qui supini & oscitantes nos inspiciunt; cum supercilio, sed & fastidio, imò cum præiudicio iam legunt: quid speremus? Et faciant tamen dicantque, misceant Orationes & Carmina: en me vatem (quæso, liberum hoc potius, quàm superbum sit) viuent scripta quædam Lipsij, & ad posteros venient: imò ipsa Germania, in quâ flammulas has inuidiæ excitant, ipsa Pannonia & Polonia approbabunt. Nam de Gallicanis & Italis iudiciis, eâ parte securi satis sumus. Nec tamen nego, esse aliquid alibi in meis scriptis vel verustius fortasse, vel concisius dictum: quod sic solum prolatum, in culpam possit cadere: sed idem excusari & erigi, si quo loco, argumento, vel

ad quem scriptum sit, videatur. Nempe ecce in *Criticis*, vbi ex professo litteraria & antiqua tracto: quid mali sit, vocem aut phrasim esse interdum antiquiorem? Vt in epistolâ ad virum subtilem, & doctum: cur non breuius aut eruditiùs scribam? Fecit Cicero ille, & variauit, cum ad *Lentulum*, *Pompeium*, *Celium*, aut *Atticum* scriptitaret. Nec affectatio ea in nobis est. ah quàm errant! eodem calami tenore & impetu, illa mollia aut vulgata, & hæc strictiora aut meliora scribimus: quod sciunt, qui à manu mihi fuerunt. Sed caput tamen criminationis viuut, inquires, nec inciditur, *Tullianum te non esse*. De isto aliàs, & fortasse publicè: atque vtinam, Tullio ipso iudice, certare hanc litteram possim! Sed hoc tibi modò dicam, quod ipse attigisti. istæ iaculationes, isti lapides, in nos pluunt ab vnâ hac causâ, quod fortiter & feliciter deseruimus illam causam. In quâ tamen corpore potius, quàm animo fuimus: quod nouit ille, qui hunc & recessus eius intuetur. Non expedit Lipsium in admiratione esse, qui tacitus & exemplo partes eas damnat: tacitus? imò iam nuper apertâ professione & scriptis. Hoc mordet, hoc pungit, hoc voces excitat languentes & fractas; & quæ in medio spatio deficiant, priusquàm ine tangant. Habes de libellis breuiter: quibus an aliter etiam respondeam, meæ deliberationi relinquo. etsi nunc non videbantur tanti. Vale, & saluta optimos vito amicos nostros, *Prunium*, *Robianum*, *Scotium*, *Ortelum*, *Bochium*. nam *Malineum* scimus, & gaudemus, Bruxellæ à publicis iam consiliis esse. Louanij, III. Idus Februarias. ∞. IO. XCVII.

EPISTOLA XXIX.

Eodem.

CORNELIO KILIANO S. D.

ETYMOLOGICON tuum nuper vidimus affectum, & speramus nunc confectum. Industriae testimonium dare possumus, vtinam & præmium labori! Vtili labori, fatendum est: & qui in publicum plus conferet, quàm multorum speciosi, addam & famosi libri. Sed xui nempè nosti, certè debes in eo iam vetus, & inclinare aut ruinam spectare quidquid hoc est litteratum. Eas tantùm? probitas & virtus abeunt, ac bella ista & mixti exteri Belgicam, vt sic dicam, è Belgicâ tollunt.

DD 2

Hoc

Hoc fonte derivata clades

In patriam populosque fluxit.

Sed quid ista? hoc volebam, testimonium tibi reddere, & gratiam spondere, si non isto, meliore & post-futuro ævo. Testimonium quidem subscripsi: si non ipsum, animus placebit tui volens. Vale mi Kiliane. Louanij, Kal. Mart. ∞. Id. XCVII.

IN CORNELII KILIANI

ERV DITI VIRI

Etymologicon.

QVISQVIS Belgica amare, Belga, verba
Audes; hunc quoque amare KILIANVM
Aude. qui egregio suo labore
Sermonem tibi patrium propinat,
Iam purum nitidumque. qui fuisset
Aut aui, aut proavi tui, meique.
Non hinc Galle tuas, tuas fere,
Tuas fæle nunc repofce voces:
Noftra hæc fabula, fcena tota noftra eft.
Ite exotica verba: KILIANVS
Dat pura & puta Belgica. & quid vltra?
Et pura & puta dat fimul Latina.
Duplex gloria. gratia efto duplex:
Et Belga hunc amet, atque amet Latinus.

I. LIPSIVS *ixidiare.*

EPISTOLA XXX.

Bruxellam.

OTHONI^o HARTIO I^o S. D.

LITTERARVM excimplar, quas Rex meâ gratiâ ad Proregem scripsit, ad te mitto, uti videas breue & ferium de me testimonium: sed præter iudicium, ut opinor, nihil ad me accedet. Quod factum est, pro rato erit: & reuerâ vltra nihil spectro, nec vota mea longius mitto. *Quisquis de accipiendo cogitat, ait Seneca,*
oblitus

oblitus est accepti. Non sic ego. & scio alioqui quantum naturæ satis sit, & hoc me rura mea Iſcana ante bîdium docuerunt, quæ inſpexi. O ſi viuere illâ in ſecuritate & tranquillo otio liceat! Apud te non nego, adſpiro. Et proſectò, vt res publicæ grandibus paſſibus nunc eunt, breui mutatio aliqua inſignis ſperanda in Regis & noſtrum bonum. In Caletibus res magna geſta eſt. quid in progreſſu ab eo ſperes, qui ſic incipit! quæ opera erunt, cùm hæc rudimenta? Equidem quin Rex de mari & claſſe cogitet, non dubito: atque vnica ea via eſt mittendi in compendium belli. Sed ad me. DE MACHINIS libri quinque finem mox ſpectant: cui dedicabimus? ALBERTO opportunè in nouâ hac victoriâ, & expugnatione per Machinas: ſed ſiſtit hoc vnum, quòd Principi Electori Coloniënſi ante annum hoc ferè addixi, aut certè ſpem feci. Ipſe liber ita compoſitus, quaſi ad illum velit ire: & Leodicenſes amicos, interlocutores feci. Itaque non muto, & noſtro aliud aliàs erit. Louanij, VII. Kal. Maijas. ∞. IO. XCVI.

EPISTOLA XXXI.

Leodicum.

IACOBO CARONDELETO V. R. & N.

SIGNVM mihi non fallax affectus tui eſt iterata hæc ſcriptio, ſimputanda mihi, non excuſanda. Nihil gratius. Libros meos Mechanicos breui habebitis, ſed nolim res maximas exſpectari, nec id argumentum tulit. Proſectò allidimus ingenia ad arenas quaſdam aut vada ſcriptionum, vt ſic dicam, & in alio argumêto faciliùs & feliciùs plenius velis ferremur. Sed id factum eſt. ſicut & de inſcriptione, cui Præfationem & alloquiũ haud ieiunum aut indecorũ fortàſſè ſubiunximus. Ipſos libros per te tradi, mihi in voto ſit: ſed videndum, an non per Billéum præſtet, Principi, vt ſcis, intimum; & mihi, vt ſenſi, amicum. Eius quoque ratio habita in ipſis libris, & facio interuenientem & loquentem. Quod tu ſuadebis, id fiet. De N.N. libro nouello, nondum hîc vidimus: & notet ibi me an alium, neſcio; ſed hoc ſcio, quòd ſi me, non curantem aut attendentem. Iamdiu morbum hunc aut tenebritudinem animi depoſuimus, ad ſingula iudicia concuti aut moueri. ſcriptionum genus quod hætenus ferè inſtituimus, *Φιλολογικὴ καὶ φιλαρχαία*, tale eſt, vt vniuerſè probati poſſit; in partibus,

*litterariâ
& anti-
quariâ.*

tibus, emper aliquid desiderari aut notari. Nosti illud Home-
ricum:

* non da-
tur uni
Omnibus
in rebus
guarum
dolum
clueret.

— ἐδ' ἀρετῶς ἦν

Ἐκ πάντων ἔργων δαίμονα φῶτα γινώσκει.

Certè in istis, quæ ab antiquitate petuntur, quæ coniecturis, opi-
nationibus, variâ lectione & testimoniis constant, siquid minus
alibi certum est, & aliâ aliquâ lectionunculâ infirmatur, non moue-
mur, non miramur: fecimus ipsi aliis, ab aliis nobis fiet. Quod
ad publica, iam quies est & tacitæ cum Gallo velut inducit. De
apertis sermo etiam erat; sed vix puto Regem nostrum id factu-
rum sine fei pretio, cum pressum premi, ei maxime conducatur.
Habet sanè hoc noster Philippus & Crassorum omnium Cras-
sus, ut ducere bella possit, perennibus erarij fontibus, quos alij re-
quirunt. De Massiliâ obsessa aut obsidendâ, hîc sermo fuit &
litteræ; nec abnuam ego, quia valdè firmandis rebus in Italiâ &
toto illo mari sit urbis eius possessio: sed an ex facili paranda?
Porro audiemus. Turcica lata fatis, excipio de Clissa. Sed quid
aliud expectandum, in Vscochorum, id est prædonum incerto
imperio? Si rex aliquis aut Princeps insedisset, firmitus, credo, mu-
nuisset & tenuisset. Ego & alij, qui res paullo priores Turcarum
legerint, mirari debent hanc illorum nunc vel ignauiam vel im-
potentiam. Sed ignauiam potius, & à fato veterum: quia magna
imperia limites suos habent, quò cum venerunt, sistunt, retro-
eunt, ruunt. Vir Reu^{de} & Nobil^{me} salue. Louanij, IIII. Idus Iu-
lias. ∞. IO. XCVI.

EPISTOLA XXXII.

N. N. S. D.

DOLVI serio, quòd non licuerit mihi nuper respondere, cum
id parantem facere, subito exteri interpellarent ac distune-
rent; atque ij, quibus honestè me negare aut subtrahere non pos-
sem. Nosti hac in re sortem meam, & talibus saluatoribus tem-
pus & me sæpè dandum esse. Sed magis dolui, quia res tua sana
erat, in quâ consulebar. Audi nunc igitur, ex animo & affectu.
Proponis duas vias vitæ, à parète tui amantissimo ostensas: quarû
altera, ad quietum & salutare genus ducit, Ordinem Ecclesiasti-
cum; altera, ad commune & ciuile, & ad sæculi dignitatem.
Equidem

Equidem difficulter aliquis tibi dixerit, vtra ineunda sit, præter ipsum te. Si enim ad matrimonium adspiras, & videris sine con-
sorte non posse vivere: prius illud omittendum est, & cum bo-
no Deo alterum hoc amplectendum. Sed tamen quia nescio de-
cretum hoc tibi esse (imò puto non decretum) si omnis delibe-
ratio in integro est; debeo liberè & ingenuè priorem illam vi-
tam, id est sacram, anteferre. Omnis ratio calculos huc confert.
Naturam tuam si inspicis, quieta & non ambitiosa est; si studia
hactenus vsurpata, eò ducunt; si vora parentum, eò; sed quod ca-
put est, in mundo isto tranquillitas, in futuro salus, eò vocant.
Non, quin etiam secunda illa via illuc ducere possit (non nego,
nec sic infanio:) sed quia plures in eà remoræ, salebræ, turbæ, pe-
ricula; & nobis, qui experti sumus, atque experiimur, hoc crede.
Omnis modò difficultas initio est, & lucta aliqua cum calore
isto iuuenili: qui cum deferbuit; Deus bone, quàm non facilia
solum omnia, sed iucunda? Si externa etiam consideras, hæc vi-
ta opes habet, dignitates habet, imò supra illam in sæculo: si quis
tamen ea quærat, & me auctore non quæres. Si adiiciantur, esto:
finis ille non sit, sed Deo placere, & te in tranquillo ac tuto collo-
care, inter istos mûdi fluctus. Habes breuiter sententiam meam:
quæ tamen alterum ita laudat, vt alterum nec damnet. & vt ini-
tio dixi, tecum seriò disputa & te examina, non solum quid ve-
lis, sed quid possis. Si distinctiùs ad me scribes, respondebo etiam
distinctiùs, & te amantem mei (hoc enim scio) & amabo & cu-
rabo. Louanij, xvi. Kal. April. ∞. Io. xcviij.

EPISTOLA XXXIII. *Leodicum.**

P. ORANO suo S. D.

EN tibi libros POLIORCETICON, in quibus fabellas no-
stras videbis, nec miraberis, gnarus scilicet & moris & li-
centiæ, quam Dialogi habent. Mentiri illis non solum licet, sed
oportet, si serium aliquid & extra vulgus sumus dicturi. Imita-
tionem veritatis Dialogi habent, non tamen ipsam. Certus por-
rò amoris tui, laudes non quæro: malle iudicia, siue tua, siue a-
liena. Nos enim qui docemus, discere etiam possumus: atq. ego
eo ingenio sum, vt seriò velim. Sed & tota hæc res intricata est:
moni-

monitore alibi egere possumus, aut ductore, præsertim in fabrilibus, quæ non sunt propriè meæ artis. Hæc ad te, & per te ad alios. illud etiam, vt de Præfatione mihi significes, siue ad gustum? Blandicella nimis verba dare, non est incum: serias laudes malumus, & quas cui damus, & qui audiunt, pariter agnoscant. Ipsum volumen Principi destinandum ad Billéum mittimus, virum amicum nobis, & apud Principem in auctoritate & fide. Iuuet nos vel iudicium eius, vel amor: qui meus in illum quoque hoc scripto apparebit. Vale mi Orane, Louanij, XII. Kal. Septemb. ∞. ID. XCVI.

EPISTOLA XXXIV.

GERARDO SANDELINO I^{no} S. D.

SALVVM te gaudeo, saluum ex illâ tépestate an naufragio, &
Suspendisse potenti
Vestimenta maris Deo.

Mihi quidem improuisum hoc periculum fuit, & in tranquillo ac summâ malaciâ vehi te iam censebam. Sed nimirum

Quid quisque vitet.

Disce, disce, cauere & timere nec timenda; & magis disce, ferre & excipere, cum euenerunt. Para te etiam ad alia: quia cathenata hæc inter se, & casum excipit casus. Misera nostra! nisi tamen animo stamus, & confidimus, solo hoc decreto beati, neminem ab his externis miserum esse. Facile hæc dogmata tibi nunc canam, quia cottidie hoc ago in Scholis, & Senecam nostrum De CONSTANTIA SAPIENTIS (*secundus de Tranquillitate* inscribitur) explicamus iuuentuti, vtinam talium capaci! Sed & à me facile. qui plures annos ista iam meditor, & stilus ab iis, spero & animus, colorem aliquem ducit. Quid tu? veni, veni in easdem curas: aut si es, mane. & esse te intellego, in vrbe inquietâ quietè agentem, in studiis, in libris,

Curantem, quidquid dignum sapiente bonoque est.

Perseuera, & ætas atque vsus magis dicent, me vera dicere: nec pretium ullû homini in humanis, nisi à se esse. At tu putas, etiam risu & naso suspendisse nos pericula vestra. nósne? securi scilicet, qui nunc triumphum & iocum dedimus vobis; & ecquid ali-
 quid

quid de Louanio, aut longius, garritis & speratis? Sed

O nauis refrent in mare te noui

Fluctus. o quid agis? fortiter occupa

Portum.

Quem portum? quietis & pacis, si me auditis. Sed ridetis. tu quoque fortasse, qui fieri non potest, quin fiduciæ aliquid trahas, inter tam fidentes. Quid tamen clavicula illa in Iberiâ? nihil vos commouet? — *cras solis nemus.*

Sed desino iocari: & reuerà hæc publica, vix, nisi vt ludi, me tangunt. De priuatis, benè est; si corpusculo & valetudini meliùs paullo esset. Sed sic quoque benè, quia ferre iam non ratione solum, sed assuetudine possum. Te ex animo valere opto mi Sandeline, & interdum per litterulas nos affari. Scripsi postridie eius dici

Quo fracta virtus, & minaces

Turpe solum tetigere mento.

Louanij. ∞. IO. XCVII.

EPISTOLA XXXV. *Antuerpian.*

HENRICO HALMALIO V. N. S. D.

OCCASIONEM scriptioni tuæ *Scarebergerum* dedisse, id gaudeo; & hoc magis iuuenè amo, quòd amicitiam inter nos palam, & quasi fœdere inito, conciliauit. Enimuerò liberè hoc dicam, sunt in vrbe vestrà plures quos æstimo & amo: ad eos te aggregari, quem etsi non consuetudine, tamen famâ meliore notum habui, fuit mihi votum. Atque in eo te mecum consensisse, & ex lucubratiunculis nostris affectum aliquem in me hausisse, & credo, & lætor: atque vt perseueremus in mutuo hoc iam amore, te rogo. Quod ad *Scarebergerum* sanè tuum attinet (quidni tuum, cui auūculus & tutor, & velut patris iam loco es?) quod ad illum, inquam, is hætenus se mihi probat modestiâ, & discendi cupidine: & spero aut confido potius, parem eum opinioni vestræ futurum. In quo opera mea, aut directio, non deerit: quæ eò prolixiùs adhibebo, quia te quoque hac ratione deuinctum iri scribis. quod ex animo cupio, & studia atque officia mea (si qua facultas aut occasio erit) fideliter tibi probare. Vale Vir N. & Cl. VI. Kal. Iunias. ∞. IO. XCVII.

EPISTOLA XXXVI.

Eodem.

FRANCISCO HOVIO suo S. D.

DE hortu nostro cogitare te, reipsâ ostendis; & id gratum animo meo accidit, quem scis in vniçâ illâ delectatiunculâ refici & laxari. Nam publicè alioqui, aut priuatim, quid solatii est? turbæ è turbis, vexatiunculæ, lites, & quæ solent in rebus humanis. Nuper & hostis vicinus nos terruit, & armati scilicet in mœnibus steterimus: quid censes? si Demetrius Poliorcetes ille venisset, Rhodios suos inuenisset. O bone Deus, quàm tuas vires & tutelam video, cùm nostram inopiam aut imbelliam considero! quæ nusquam clariùs appâret, quàm cùm in vnum cogimur, pauci, debiles, inermes. Tamen spiramus altum, & loquimur: & hæc fiducia quoque an non à Deo est? Sed audi tamen, cautelam etiam adhibere incipimus, & de oppido muniendo seriò deliberatur. Deliberatur? inò disceptatur. nam controuersia est, & Senatus vrbanus exteriorem murum firmari vult; noster Academicus interiorem, & portas ac repagula ei addi. Hæc nunc agitantur, quæ scribo ne nihil scribam: tu mihi, pro hisce nouis rebus nostratibus, sedulò Italicis submitte, quas iuuat legere, etsi sæpè vanas. Vale. Louanij, VI. Kal. Iun. ∞. ID. XCVII.

EPISTOLA XXXVII.

Eodem.

ANDREAE SCHOTTO Soc. Jesu S. D.

AN fileam in tuo reditu? ipsum quidem te exspecto, & cum poëtâ, breui

lucundum os oculosque suauior:

sed tamen & epistolam hanc præmittere ad te debui, animi gaudijque mei indicem, & reditum tibi ab interuallo in patriam gratulantem. Benè & feliciter veneris mi Schotte, feliciter agas, diu agas. Ecquando ad nos? Longi dies & horæ huic voto, quod festinat, & amplecti amat pænè veterrimum amicorum. Non plura, si redamas veni. Louanij, IIII. Kal. Iulias ∞. ID. XCVII.

EPI-

EPISTOLA XXXVIII.

FRANCISCO AERSSenio S. D.

NON tu libentior aut frequentior ad me scriberes mi Aerf-
seni, quàm ego responderem, si assiduæ meæ aut occu-
patiunculæ, aut interpellationes, paterentur me quod vellem
posse. O hominem amicum quieti, & ab eâ semper alienum!
Malo fidere natum me dicere (eâ quidem parte) si aut pietas
aut sapientia paterentur diuinis refragari. Illa sic me voluerunt
esse, viuere & lucere aliis: fiat, & ipsa inquieta sidera mihi erunt
in exemplum. Breuiter & semel hoc excuso, vt si interdum si-
leam, causam prænoueris, & fugias aliud suspicari. In libris op-
timis te versari, & occultè ac paullatim illo rore imbui, gratum
mihi est, tibi vtile in omne æuum & iucundum. Non sunt alia
gymnasia ad virtutem & prudentiam, præ istis: exercere, & in
omnem fortunam te firma, ad omnem conditionem & statum
te forma. Historia, Philosophia, Geographia, omne hoc genus
te habeat: sed vt fructuosè, semper cum pugillaribus & stilo. Ex-
cerptenda inquam sunt, & in locos quoque digerenda, Plinij il-
lius exemplo: de quo alter Plinius, *Nihil vnquam legit, quod non
excerperet.* Initio tædium hoc aliquod habet, postea voluptatem,
cùm crescunt opes, & miraris ipse tuas messes. De SENECA quod
ais, obscura & dubia tibi quædam esse: non ambigo. sed & hæc
ab illis Excerptis paullatim peruades; & ego aut alius (quod
optas) publicè fortasse iuuabimus. certè ego, si ex voto meo vi-
uo aut scribo. Sed aliena ambitio aut imperium aliò nos trahit
sæpè: ferendum est, & hoc quoque sciendum à Deo esse. Dat me-
tas ingeniis, quò & quatenus currant: & idem in famâ. Vale mi
Aerfseni, cum parente mihi peramico. Louanij, III. Id. Xbres.
∞. ID. XCVII.

EPISTOLA XXXIX.

Ariam.

HIERONYMO DE FRANCIA, *Præposito Arienfi* S. D.

PERGRATVM mihi fuit epistolam à te videre, & in eâ affe-
ctum ac memoriam mei: quæ vtraque à nobis tibi reddi,
certò te velim scire. Ita vixisti apud nos, eo studio pietatis, cultu
EE 2 mode-

inmodestia & industriæ, vt Schola nostra in te habuerit & ornamentum & exemplum. Votum meum sit, tales è iuuentute & optimatibus ad nos venire, tales abire. Esse te nûc in quiete tuâ & firmo domicilio, quò Deus & dignitas tua vocarunt, equidè gaudeo: & spero stabilem ac firmam eam sedè tibi futuram, nisi tamen idem Deus & virtus tua ad alia & maiora te vocant. Interea in sacro illo otio, non ambigo quin studiis & optimorum librorum tractatione sæpè te delectes. quod hortor vt facias, & monita ex iis haurias ad prudentiam & virtutem. Enimuerò & in meis libris esse te significas: qui vtinam eodem conducant ac iuuent! Conati sumus certè, & hunc finem scriptionis mihi fuisse, atque etiam esse, Deum testor. Abite litteræ, & tot labores, si nomen aut fama tantùm, id est nugæ & vanitas, ex iis quærantur. Conamur idem in docendo, vt scis: & vocem ac præcepta dirigimus ad animos formandos & firmandos. Hæc de nobis: de republicâ, miror in litteris tuis nihil esse. sed hoc fortasse ideò, quòd nihil nunciare haberes, quod delectare. Sumus tamen in magnâ spe, ob magnanimum hoc decretum Regis, & donationem nescio an sæculis vllis auditam. O magne Deus, dirige hæc consilia ad Belgicæ, vel ad Europæ potiùs, tranquillitatem & salutem. Cum Galliâ si pax aliqua aut induciæ sint, nauigemus in portum: nec diffido, ob statum Galliæ afflictum, turbidum, & quietis egentem. Vale Reu^{te} & Nobilis Domine, & nos tuos ama. Louanij, x. Kal. Ianuar. ∞. Id. xcviii.

EPISTOLA XL.

Antuerpiam.

FRANCISCO SWEERTIO S. D.

GRATVM mihi de nuptiis tuis intellegere, atque inter hæc omnia tristia panè lætum. Ætas tua iam eò vocabat mi Sweerti, nec longè ab Hesiodi tricennali illâ annorum lineâ es, quam ipse ad coniugij cursum aperit & demittit. Sed & pater eò, & res etiam tuæ ducebant: quas faciliùs feliciùsque tractabis, adiunctâ vitæ & curarum illâ consorte. Quid naturam dicam? rursus vel inprimis incitabat: & nec vocata illa (vnde ei nomen) Venus ad nos venit,

Omnibus incutiens blandum per pectora amorem.

Itaque

Itaque Deus statim facto homini consortium hoc addidit : suave, honestum, utile, siquis decorè & sapienter habet. Ut possis mi Siveerti, non cunctabor diffundere me in pauca præcepta, & quasi viam hanc tibi præire, ipse in eâ iam vetus. Primum, imò meo iudicio & sensu, vnum est, ut Concordia sit in matrimonio: nec corporum solùm illa iunctio, sed magis animorum. Sicut in fidibus concentu nihil suavius, offendimur dissensu : tale istic. & temperies illa atque harmonia, ut sic dicam, matrimonij delectat, neque ipsos tantùm, sed amicos, imò & alienos. Ut autem ea sit, Amore inprimis opus est: & ut ab ipsâ habeas, tuum affer. Vetus illud est, venenum & philtrum efficacissimum amoris esse, amare. Aristippus olim, cum aliquis de Laide obiecisset, *Ab eâ non diligi. Parum est, inquit. nam nec vinum me aut pisces, quibus tamen fruor.* Ineptè. voluptatem ille solam, & corporis illum fructum quærebat, de animi inclinatione securus. Aliter verò in coniugio. & affectu, ut dixi, quærendus emerendusque hic affectus est: atque etiam comitate quâdam morum & sermonum. Antiqui Mercurium cum Venere in eodem templo soliti dedicare: quid nisi significantes, sermonem & blanditiam conciliatricem amoris esse? & debere igitur adiungi. Fac pro tuâ parte, sed cum mixtâ quâdam & virili gravitate: à quâ lascivi & iuveniles illi ioci vel fabellæ absint. Faciat & illa. ac scitè Solon olim novæ nuptæ præceperat, gustato Cydonio malo, sponso accumbere: non tam leuem breuemque illam oris fragrantiam spectans, quàm hanc ad siduam blandi aut suaviloquentiam, quâ maritum caperet ac teneret. Sed alterum etiam huic Concordiæ præceptum, pati quâdam, & connuere, aut nec videre. Fallitur enim, qui in primo isto contubernio omnia ad votum animumque facta exspectat, aut exigit: fallitur, & aspera quâdam aut certè acerba interuenient, ut sunt animi & turbidi isti affectus humani. Sed ferenda, ut dixi: & ut vuam acerbam non statim abscindas aut reiicias, sed patienter exspectes,

— dum tibi lividos

Distinguat Autumnus racemos

Purpureo variis colore:

ita hîc faxis, & dictum factumve aliquod immitius, iuvenitius, superbius, dissimula, nec auge interpretatione vel attolle. Imò

contrà potius, mitiga & hoc & ipsam. Sicut equorum domitores, ferocientes eos non flagellis exasperant, sed poppyfinis blandè tractant & demulcent: sic in fæminis. & præsertim sub initia, crudo adhuc, vt sic dicam, illo connubiali iugo. Blandire igitur, submitte: mox ipsa vtrumque, & imperio tuo finno in volentem & submittentem vtère. Diomedes ab Homero scribitur nec Veneri pepercisse, in bello: tales mariti quidam læui, imò leues & ignei, qui & vxores suas. ah turpe dictu est, & fitebo. Tu cauebis. & scies non maritipium tibi illam, sed coniugem, id est alterum te esse. Est sanè imperium mariti in istam: sed quale? vt patris in filiam: aut vt melius dicam, vt animi in corpus hoc nostrum esse debet. Ecce hæret vtraque ista pars; ille regit, sed & curat; ad honesta ducit & vocat, sed nec lædit aut deserit renuentem. Suadet magis, quàm cogit. Sicut Dictator cum Romæ creatus, ceteri magistratus abdicabant, solo illius imperio: sic maritum vxor cum accepit, illi vni parç & adspicit, non vtrâ iam in parentum manu vel amicorum. Sed nempe ciuibus imperabat, & ipse ciuis; nec nisi solo illo titulo super ipsos. Ergo & asperitas & superbia à coniugio absint. & sicut præsci illi cum Iunoni lugæ faciebant, fel ex hostiâ reuulsum abiciebant: sic bilis, iracundia, iurgia spernantur à sacro hoc coniugali. Sed tertium etiam ad Concordiam, est Castitas. Non placet illud, etsi ab Imperatore dictum: *Patere me per alias exercere cupiditates meas. nam Vxor nomen est dignitatis, non voluptatis.* Improbè, quanquam argutè. & contrà ego obduxerim: *Vxor vtriusque nomen est, & dignitatis & voluptatis.* Quomodo amor viuet aut aletur, vbi semen eius, vt ita dicam, in alieno solo sic abiicis & spargis? Caue, abstine, & in hac vnâ, quam Deus & lex dedit, deditus esto. Romani Aquam & Ignem coniugiis sollemniter præferebant: quod præter alia, huc quoque ego traxerim. quasi Ignis ille maritus esse debeat, & honesto calore atque amore fouere & tepefacere suam Aquam. Tepefacere, inquam. nam vt nimis illa caleat, non ex mariti, aut eius vsu. Vetus hoc Comicum legi, sed egregium:

— *quæ mulier suum virum*

- *Volet sibi obsequentem esse atque diutinum,
Modicè atque parç eius seruiat cupidines.*

O, inquam, egregium & occulti usus! quod tua atque aliæ utinam sciant! Sciant, & faciant, & Lacænam illam initentur: quæ cum nupta iam interrogaretur, *Ecquid maritum complexa esset?* *Bona verba*, inquit: *non ego illum, sed ipse me*. Sic oportet, & tu quoque cum facis, cum blandâ quâdam severitate, sed & cautione fiat. Numquam in publico nugari, aut iocari, minùs tangere aut os libare. M. Cato Censor quemdam Senatu movit, & caussam subscripsit, *Quòd uxorem coram filiâ núbili osculatus esset*: benè, & pro sapienti illo Catone. Neque enim pudor solum in te atque illâ per hæc talia, sed paullatim & castitas perit: quæ sedem & basim in pudore habet. Maritalis illa conuersation non sanè aloën aut absynthium, sed tamen vinum referat: quod gratâ quâdam austeritate nos capit. Dixi de Concordiâ, id est omnia. nam mihi crede, ubi ea est, felicitas illa coniugij adest: quam tibi tuæque voueo mi Sweerti: & in hoc initio temperatum & firmum quemdam, ut in materie, non ut in stramine, ignem. Iste perit, ille viuit: ut autem mox ex vobis alij, in ætate etiam coniuges, Deum precor. Louanij, VI. Idus Mart. ∞. IO. XCVIII.

EPISTOLA XLI.

Antuerpiam.

ABRAH. ORTELIO S. D.

ARGONAVTICA tua, scitè facta, accepi donum à te mi Orteli, & video nec in languore te languere aut cessare. Nam tristis sanè hoc audiui, valetudinem tibi ab aliquot septimanis parùm ex nostro & publico voto esse. Sed recuperabis illam veterem spero, tum tuâ industriâ & continentiâ, tum & benigni Veris auxilio, quod genituli suâ aurâ iam adspirat. Alioqui homines sumus, id est non diu sumus: & cum vel ad extremum vitæ terminum venimus, quàm breue id est? Vbi incæ vitæ anni, quos decurri? ut flumen transierunt. Quid præter memoriam ex iis habeo, & si quod opus animo aut ingenio peregi? Sola hæc restant, & tu, mi Orteli, ab eâ parte esto immortalis. O quàm me delectet, hæc & talia vel cum amico aliquo sapiente & bono, vel in Iscanâ meâ villulâ solum meditari? si tamen Deus & tempus hoc darent, quod videtur ire (ut opinio multorum est) ad aliquam quietem. Sed equidem de plenâ eâ diffido, etsi cum Gallo
fortasse

fortasse transigemus. Vale, aut reualeſce mi Orteli: ex animo precor. Louanij, IIII. Non. Mart. ∞. Id. xcviii.

EPISTOLA XLII

CAROLO CLVSIO S. D.

PERGRATA mihi epiſtola, quæ de meliore valetudine tuâ nunciabat mi Cluſi. O longum ita ſit, & in hac ætate vel ſerpentis inſtar (ſi vera eſt fides) iuueſce. Me hæc hiems, & mea bilis ſemper tunc acrior, ad fatim exercuerunt: tamen adſurgo, & vires ac ſpiritus recipio pauxillatim. Magis vtrumque, ſi beata illa Pax adueniat, quæ è nubibus caput paullum exſerit & le oſtentat. Si monſtra non impediunt, fruemur: & ego te fortasse ac veteribus amicis, quos loca ea habent. O Deus, da pondus huic voto. Quod quæris de Giſelini mei natali aut mortuali die, ſcito certum me non ſcire. neque hîc copia eſt quærendi. Noui ab annis triginta virum, & credo fuiſſe quinquennio aut ſexennio me maiorem: obiit autem, vt mea memoria eſt, ante annos circiter ſeptem: id eſt circa quinquageſimum ætatis. Haſtenus poſſum dicere, & te mi Cluſi opto validè valere. Louanij, viii. Kal. Mart. ∞. Id. xcviii.

EPISTOLA XLIII. *Antuerpiam.*

GODEFRIDO VEREYCKIO Doct. Medico S. D.

GRATIAM tibi debeo, V. Cl^{me} atque etiam habeo (ore quidem & animo) pro iſtâ beniuolentiâ mei, imò & curâ. Vtrò de morbo meo ſcribis, & remedia ſuggeris: non amanter hæc ſolum, ſed prudenter. Atque animus ſanè eſt experiri & vti. etſi neſcio quid longiùs iuiſſe morbus meus videtur, & ne apud te diſſimulem, ad tabem vel marcorem inclinare. Cuius cauſſa tamen non à Pulmonibus, fortasse nec Hepate, ſed ab inferiorum viſcerum & Meſenterij caloribus, quos ingentes & crebros ſenſi. Itaq. frigerantibus adſiduè vti mihi opus: & ſcis cum quâ ſtomachi noxiâ. Quid faciam? quod Deus volet, & fatum meum libens excipiam: & te Vir Cl^{me} deinceps amabo, mei ſeu amantem. Vale. Louanij, inter varias nunc appellationes: & ſci Encænna noſtra eſſe. vii. Idus Septembr. ∞. Id. xcviii.

EPI-

EPISTOLA XLIV. *Antuerpiam.*

HENRICO SCHOTTIO 1^{ro} & Syndico
urbis Antuerpiensis.

CREBRI nobis sermones, atque etiam ioci, de linguâ nostrâ & Becano: qui, ut scis, non antiquam & elegantem solum sed primogeniam facit, & ceteras ex eâ velut matrice educit. Noltri atque exteri erecti,

— *stupere omnes tentamina tanta*

Conatusque novos:

multi & risere. Quid ego? virum amaui, & ingenium acre, facile, felix etiam miratus sum: felix, si in aliam rem & materiem vertisset. Nam ista quem fructum, imò quam fidem habet? Nostram esse antiquissimam, fætam mysteriis & arcanis Sapientia: cui persuademus? De antiquitate, vereor ut sacræ ipsæ litteræ & prisci patres annuant, qui Hebræam præponunt: & ratio certè aut argumenta non eò ducent. Nô sine hîc in frigido axe primi hominum? nos soli (ô cæli beneficium!) intemeratam linguam & sine mixtione seruauimus? nos ad alios, coloniis credo missis, propagauimus? Risum, vix oppositionem, merentur: & mentem qui per volumina temporum, per vastâ hæc terrarum mitteret: inueniet à primâ illâ confusione linguarum, Sacris libris expressâ, infinitum easdem mutasse, variasse, multiplicasse: ut gentes hominum confusæ mixtæque inter se fuerunt, & iterum propagatæ. Nostrum orbem lustra. vbi vetus Latij lingua, quæ sub Latino rege aut Carmentâ fuit? vbi quæ sub regibus Romanis, quæ sub Decemuiris? vbi ipsa, quæ sub Principibus, nisi in libris? Idem in Galliâ, in Hispaniâ, in Britanniâ: pereunt illæ, aliæ succedunt, & ut nos mortales, sic ista è nobis. Vna illa noua Gallica, id est è Romanâ traducta, quam à trecentis annis, aut circâ, mutauit: & post trecentos magis faciet, nec posterî fortasse agnoscent. Leuissimis causis hæc eueniunt. gentium nouo aduentu aut coloniâ, imperio nouo, pulsione, immigratione: & quas alias ex historiis & obseruatione est haurire. Quod si in Nouum etiam orbem imus: eadem. Peruanum ibi regnum vastum, cum Ingis (ita Reges suos dicebant) paruit, linguam communem ab iis

per septingenta & plura milliarium spatia accepit : & singulæ tamen valles (centenæ sunt) suam quæque habuit propriam, & diuersam à vicinâ. Non credis nunc Hispanos & externos qui immigrant, multa è suâ inferre? certum est: & fit tam multiplex diuisio, vt Homerus, ille fons arcanæ sapientiæ, non alio epitheto aptius censuerit nos appellandos, quàm * *μειοπρασ δισπείρους*. Hæc cum ita vsus & obseruatio vbique doceat: quâ prerogatiuâ nostra lingua ab ipso Adamo vsque perennarit?

* homines
diuersiflin-
gues.

— credat *Iudeus apella*, Non ego:

ait ille. Et quæ credam, cum exempla aut testimonia habeam insigniter mutata eius ab annis sexcentis, aut circâ? Censebo mille ac mille annis suprâ constituisse, cum in breui notoque spatio variè videam vacillasse? Appello ad libros maiorum æuo scriptos: multa vocabula desita, multa obscura, nec nisi coniecturis indaganda. Et vis in pauculis videre discrimen? Nithardi, nepotis Karoli Magni, Historia beneficio Pythæi exstat, de dissensionibus filiorum Ludouici Pij. Ibi iuramentum est, quo concordiam inter se fanciunt Ludouicus & Carolus: Ludouicus quidem *Romanâ linguâ* (id est corruptâ hac Gallicâ) sic perorauit:

*Pro dō amur, & pro Xpian poblo, & nro cōmun saluament, dist
di en auant in quant d's sauir & prodir me dunat si saluarai eo cist
meon fradre Karlo & in adiudha & in cadhuna cosa si cum om p
dreit son frada saluar dist ino quid il mi altre si fæzet & abludher
nul plaïd nunquam prindrai qui meon vol eïß meon fradre Karlo
in damno sit.*

Quis hæc cepetit, nisi commodum interpretatio adiuncta in veteri Germanicâ linguâ? Sic enim idem Nithardus: *Quod cum Ludouicus expleßet, Karolus Tensiscâ linguâ sic hac eadem verba restatus est:*

*In godes minna indiuites Xpianes solches ind vnser bedhere gealtniße
von tesemo dagē framordeßso Fram so mir got geuwiß ei indi madh
surgibit so bald ihtis an minam bruher scal inthi wißa zermigßso
madro*

*madno indunit luherem in nothe in mit hing nege gango theminam
villon imo ce scadhen vverhen.*

Sed nec ea ipsa intellegenda, nisi composita inter se dent lucem,
& interpretatione item nostrâ addamus. Vidi Psalterium vetus
apud insignem & optimarum artium virum, Arnoldum Wach-
tendonckium, circa eadem illa tempora scriptum: Latinum qui-
dem, sed inter lineas, ad singula verba, Germanicâ interpretatio-
ne superscriptâ. Delectauit, lêgi, & studiosè elêgi, quæ abire ab
hodiernâ linguâ videbantur. Pauca velut in gustum dabo, rario-
ra magis aut subducta: & primò

NOMINA.

Abalgi, Ira. vide *Balgon*.
Abirthou, Postea.
Arusm, Curis. vt Galli *Ruses*.
Adro, Diluculo.
Aster, Secundum.
Asterallo, Vsquequaque.
Ahtuaga, Numerum.
Aleudi, Insulæ.
Aleiuon, Reliquiæ.
Ambachtman, Ministri: quod
Cæsar & Festus, *Clientem*
Gallis significare notant.
Anagen, Principium: &
Anagenni, Initio.
Aubardon, Ascia.
Ansfeson, Interitus.
Ando, Zelus. vide *Andoda* verbū.
Anliton, Vultus.
Anluce, Facie. vide *Anlucon*
verbum.
Antom, Frænum: nunc *Toom*.
Anst, Gratia: alibi, *Enst*.
Angust, Angustia.
Anuarnunst, Intellectu.

At, Escas. vide *Atoda* verbum.
Afca, Cinis.
Andran, vel *Andarn*, In vanum:
nōne Italarum est *Jndarno*?
Afgetali, Obluioni.
Ana, Extra vel Præter.
Arug, Peruersa: nos *Arg*.
Amunendeliken, Intolerabilem.

VERBA.

Afierthunfun, Detrahebant.
Aftrithunfundi, Detrahentes.
Ahtidon, Persecuti sunt.
Alhuti, Illumina.
Anastandunt, Insurgunt.
Anastandandan, Insurgentibus.
Anariepon, Irruerunt.
Andredit, Timet.
Andredandi, Timentes.
Andradandoro, Timentium.
Andradondi, Timentibus.
Anlucon, Aperuerunt: sicut *Be-
lucon*, Concluserunt.
Antloc, Reuela.
Antbeban, Prohibebo.
Anthatta, Prohibui.

B.

Balon, Cicatrices.
Baldo, & alibi, *Bolatico*, Fidu-
 cialiter.
Begihite, Confessione: nos *Bich-*
te. vide *Begigan* verbum, &
Giet.
Behatuo, Retrorsum.
Besuicheide, Scandalum.
Bethiu, aliàs *Bithiu*, Propterea.
Bilithires, Figuli: &
Gebilthe, Imaginc.
Bivvie, Quare?
Bisner, Opprobrium.
Bisa, Turbo: vt *Gallis*, *Vent de*
Bize.
Bisphilla, & alibi *Spella*, Para-
 bola.
Blasma, Flamma.
Buokestaf, Litteratura, vel po-
 tius ipsa Littera.
Burgisli, Sepulchrum: quasite-
 gimen hominum & opercu-
 lum.
Burthon, Oncribus.
Buteric, Vter: & *Butrice*, Vtrein.

V E R B A.

Barida, Germinans.
Befillidi, Prosterneret.
Beko, Proba: alibi, *Bekunmo*,
 Tenta.
Begegunsta, Cœpi.
Begian, & *Beian*, Confiteri.
Behoscodon, Subsannauerunt. vi-
 de *Hofce*.

Belgon, Irafci.
Belgonsal, Irafcectur.
Bilgiſtuthi, Irafcêre.
Befcediuvit, Obscurabitur: qua-
 si à *Schaduue*, Vmbrâ.
Befcurgi, Præcipita: &
Befcorgingun, Præcipitationes.
 vide *Gescurgidi*.
Besueuit, Soporatus.
Besuick, Supplanta. Suprà, *Be-*
suicheide, Scandalum.
Besuikit, Decipit.
Bethadon, Absconderunt. alibi,
Behaton, idem.
Bethunnendero, Deprimētium.
Binuollon, Infecta.
Binuollona, Inquinatæ.
Binuellan, Prophanabo.
Benuildi, Possedisti.
Bizzedon, Fremuerunt: à *Biza*,
 suprà.

C, vel K.

Kellera, Promptuaria.
Keucra, Bruchus.
Kimo, Germen: &
Kuni, Semini. vide *Thindekunni*.
Kippon, Compedibus: à Latino
Cippo.
Cocare, Pharetra.
Krepinda, Reptilia: quasi *Cruy-*
pende.
Kunnea, & *Kunni*, Generatio.
Kuofmecer, Butyrum.

V E R B A.

Kestegoda, Anxit: an à castigādo?
Corodos,

Corodos, Probasti.
Criedon, Cognouerunt.

D.

Dfiunt, Diabolus: quasi *De vyandt*.
Drohtin, & *Druhtin*, & *Druftin*, Dominus.
Druftene, Domino.
Drugina, Dolus: vnde *Bedriegen*.
Drumbon, Tubis: nunc *Trompen*.
Dniri, Ianuas.
Dumba, Stultus.
Dumpeide, Infipientia.
Duom, Iudicium: & *Duoma*, Iudicia: & *Duomot*, Iudicatis.
Duomis, Templum..

VERBA.

Duelont, Errant. nunc *Dolen*.

E.

Egiffō, Pauor.
Egiffin, Horroris.
Egislíkis, Terribilis:&
Egislíko, Terribiliter: nos *Eisselik*.
Edunit, Opprobrium.
Eht, Verò.
Eft, Autem.
Eino, Solus.
Einodis, Solitudinis:&
Einodi, Solitudine.
Eintifce, Antiquos: à Latino, vt

videtur, vt nos *Antikfche*. & *Eintifcen*, Antiquis.

Eitir, Venenum: an *Etter* nostrum, id est Pus?

Elclendig, Extraneus: &
Ellendiga, Adueniam:&
Elclendis, Peregrinationis.
Eldi, Senectū:& *Vreldi*, Senium:
 Nam *Vr* auget.

Emiceio, Semper.

Ercetere, Medici.

Era, Corona. vide *Geheredes*.

Eruri, Pauimento. quasi *Ertvrij*, quòd terram tucatur.

Ereude, Fines.

Ereue, Hereditas.

Euua, Lex:& *Euun*, Legē. vide *Vuitut*.

Euuenlari, Legislatorem.

Euuethon, Æternum.

VERBA.

Ehton, Persequi.

Ehton fal, Persequar.

Ehtindon, Persequentibus.

F.

Fakinga, Dormitatio: nos *Vaack*. vide *Facon*.

Farbrokanuffi, Præuaricationes..

Fardrumcon, Crapulatus..

Farkutha, Abominabilis.

Faruathana, Maledicti.

Färuathanuffi, Abominatione.

Faruuet, Abominatus.

Farseg geni, Excusandas.

Fastira, Munita.

Farthroza, Tædio.

Felis, Rupem.

Ferreno, Longè: nos *Verre*.

Ferthe, Excessu.

Fetheracco, Alarum: nos *Vederen*.

Fio, Pecora: nos *Vee*.

Fiu, Pecuniam. nota sic à *Pecude*, vt Latinis.

Filoberth, Præclara.

Filuberthou, Præclaris.

Filoscire, Præclarus. in his talibus *Filo*, est *Veel*, siue Multum.

Filohardo, Vehementer.

Fillunga, Flagellum. an quia cutem radit, quasi *Villen*?

Finistre, Tenebræ: Germani hodie.

Forthora, Dextra: &

Forthoron, Dextris.

Freisou, Interitu, & Interitionibus. alibi, *Froisou*.

Frihof, Atrium: &

Frithouo, Atria.

Fremithorona, Alienigenæ: quasi *Vreemtgeborne*.

Fruo, Manè: nos *Vroeck*.

Fuetkippon, Compedibus: supra in *Cippon*.

Fulitha, Putredo: quasi *Vuylichey*. & *Fulithou*, Sordibus.

Fullethou, Abundantia.

Fuotscamel, Scabellum.

Futhou, Austro.

Fullust, Adiutorium. vide *Folleisten*.

Furist, Princeps: & *Furistingo*, Præpositione: nos *Vorst*.

Furitekin, Prodigium: nos *Voortceeken*.

VERBA.

Facon sal, Dormitabit.

Facodon, Dormitauerunt.

Farliehon, Transierunt: &

Farliet, Transeat.

Farbelgeda, Exacerbauit: vide *Belgan*, & *Irbelgiden*.

Farsihit, Expugna.

Fardiligo, Dele: nos *Verdilgen*.

Faruuellunt, Prophanauerunt: vide *Biuuellan*.

Farschiton, Concidet, mediâ longâ.

Farnozzan vwurthan sal, Consumetur.

Fellon sal, Destruet: nos *Vellen*, Deiciet.

Ferterron sal, Perdes: nos *Vetderuen*.

Fertherithu, Perdas.

Feruuerthan sal, Peribit.

Feruuerthet, Pereatis.

Folleisten, Opitulentur.

Forhsuor, Prodiit.

Framforithu, Recessisti.

Frangeneian, Declinare.

Frangleidon, Abduxerunt.

G.

Gaienuverde, Cōspectu: & alibi

Gaienuverde: & *Genuuert*.

Garo, Paratus: & *Garn*, idem.

Galen.

Galenderi, Incantantis.
Galico, Subitò.
Gariwon, Manipulos: nos *Geruē*.
Gedruſi, Turbata.
Geberge, Cubilibus: ab occul-
 tando.
Geprauannuſſi, Sculptilia.
Un-geſremiſ, Imperfectum.
Gehworda, Fornicati. alludit, ad
 Hoere, meretricem.
Geluu, Conſenſu. an *Gelivi*?
Geliuore, Libera.
Gelibedelc, Depræcabilis.
Gelende, Accola. vide *Elelendig*.
Gemerke, Terminos.
Gueri, Libera. vide *Geuere*.
Genuhte, Abundantia. ab eo
 quod nos, *Genoech*, Satis. vi-
 de *Genuhtegod*.
Genuht ſamori, Vberi.
Gequalhit, Coagulatus: vide
Geuuallit.
Gerihthnuſſi, Reſectionis.
Geſcendidi, Confuſi.
Geſigenero, Inclinato.
Geſiſte, Viſione.
Geſcathot, Condemnatus: an
 propriè Mulctatus?
Geſelt, Tentoria.
Getugel, Linguoſus.
Getuuvving, Diſciplina.
Getunſt, Pactum.
Geuerthe, Iter. vide *Verthe*.
Geuuede, Veſtimenta.
Geueſannuſſi, Subſtantia: &
Geuuin, Poſſeſſio.
Geuunſt, idem.

Genuitti, Scientia.
Genuitſcopi, Teſtimonia.
Genuiſſo, Etenim, Enim.
Giuerſunthedion, Opportunita-
 tibus.
Gipondi, Patens: nos *Gapende*
 fortè.
Gibeita, Vota: alibi *Gibeta*. vide
Heitinga.
Glauuon, Prudentem.
Githuue, Diſciplina: ſuprà *Ge-
 tuuvving*.
Giuepene, Arma: quaſi *Geuuae-
 pene*.
Giualitte, Abundantia: ſuprà
Fullethon.
Giuittenon, Afflictus.
Glidir, Lubricum: &
Glideri, Lapſu.
Gothehten, Cogitationibus: nos
Gedachten.
Gruowa, Lacus: quaſi *Groene*
 nobis, Foſſa.
Guolike, & *Guilike*, Gloria: & a-
 libi, *Guolicheide*. vide *Guoli-
 can*.

VERBA.

Gebalthon, Irritauerunt. vide
Balgon.
Gebreduerthiſt, Fundatur.
Geherides, Coronati: & alibi,
Geruuit, Coronat. itemque,
Geredoſtu, Coronati.
Gehirmon, Quiſcere.
Gehirmeda, Quieuit.
Gehirme, Quiſcam.

Vngehirmelick, Incessabilis.
Gelicoda, Complacui. vide, *Li-*
cont.
Gefwogan, Adiicies.
Getouwurthun, Obriguerunt.
Gemutos, Mutabis.
Gemeini, Communicabo.
Giueri, Libera, Imperandi.
Geuereda, Liberaui.
Geueran sal, Liberabo.
Genuhtegod, Abundauit.
Geocodon, Abdiderunt.
Gequicco, Viuifica.
Gequicceda, Vinificet.
Geruon, Parare: *thu Geruidos*,
 Parasti: *Geruon sal*, Para-
 bit: *Geruidon*, Parauerunt:
Geruindi, Præparas: *Gerui-*
da, Parauit: *Gegeruot*, Præ-
 parabitur.
Gespuredos, Inuestigasti.
Getimbrit, Ædificatur.
Getrimbedos, Fabricatus.
Getocon, Adiiciam: suprâ, *Ge-*
fuogaw.
Geuuegit, Vexatus.
Geuuijt, Benedictus: &
Geuuijunga, Benedictio.
Geuinfos, Visitas.
Gidolot, aliàs *Gittolot*, Super-
 bit.
Gemacoda, Concinnabat.
Ginroda, Genuit.
Giminsoda, Diminuit.
Gigeroda, Parauit.
Gimarfada, Mirificauit. vide
Gomarda.

Gisuiundon, Accelerauerunt.
Gimikiloda, Magnificabimur.
 vide *Mikil.*
Gibrefti, Desit.
Gieruun sal, Hereditabit.
Gistatodum, Locauerunt.
Giet, Confitetur. vide *Begibte.*
Giscurgidi, Expulisti. vide *Bef-*
curgi.
Gomarda, Mirificauit. à *Mir*,
 Fama.
Goumanwirkint, Epulentur.
Gnolican sal, Glorificabo: &
Gnolican sulini, Glorificabunt.

H

Hasta, Captiuitas. In Vbiis ho-
 die, ita Carcer.
Hardo, Valdè, Nimis.
Harman, Calumniis.
Hategon, Æmulatione.
Hatongon, Iracundiam.
Heigero, Pellicano.
Heimodi, & *Heitmodi*, Furor.
Heitinga, Vota. Hodie Galli,
Soub-haiter, compositè. Vide
Geheita.
Hera, Cilicio: quasi *Haera*, à pi-
 lis: & *Heren*, Cilicium.
Hereberga, Castra. Nos latius,
 pro omni diuersorio: sed il-
 lud propriè & primò.
Heribergo, Castrorum.
Heuode, Possessio. suprâ *Geuui-*
Hero, Lutum. vide *Horo.*
Hiera, Hic.
Hiret, Cernuus.

Hi uuisce,

Huuisse, Familix: quasi *Huyf-*
sche, à domo. & *Huuisseu*, Fa-
milias.

Hlothu, Præda. an *Lot* nostrum,
quia sæpè sorte?

Hobthodt, Captiuitas. suprà, *Ha-*
sta.

Horo, Stercus: &

Horouue, Stercore: &

Horvve, Lutum.

Hofce, Subfannatio: & *Hofc*.

Hofcoui, Illusiones. vide *Beho-*
scodon.

Horfcom, Vehementi.

Hue, Quis. nos *VVie*? &

Huo, Quanta.

Hundeftiga, Cynomya.

Hulpilos, Inops. quasi *Hulpe-*
loos.

J.

Jagere, Fenerator.

Jocunanda, Suspiciatus.

Iemer, Aeternum.

Ieuuefcom, Aeternus. vide *Euuif-*
con.

Jo, Semper.

Io bin, Sum.

Ioh, Nónne, Nunquid?

Innethron, Visceribus.

Jinneronthron, Inferioribus.

VERBA.

Intlouc, Aperuit. vide *Anlucon*.

Irbelgedon, Exacerbarunt. vi-
de *Farbelgeda*.

Irfangon fal, Increpabit: &

Irfienge, Increpasti.

Irferron fal, Obstupescias.

Jrquicke, Excita.

Jrquickon fal tu, Viuificabis.

Jrfsal, Increpuit.

Irruort vverthe, Commoueat.

L.

Lap, Oram vestis.

Legerstede, Cubilibus. vide *Ge-*
berge.

Lepera, Labia. hodie, *Lippen*.

Letiston, Nouissima. nunc *Lef-*
ten.

Lina, Vita: & *Lines*, Vitæ: &

Lif, Vitam. Nos *Leue*. tamen
& vulgò, *Bij lijue*, illo sensu.

Lifnara, Cibaria: quasi, *Lijf-*
vvaere.

Lockis, Capilli: & *Locke*, Capil-
lis.

Lofen, Dolosum: &

Lofin, Dolofo: &

Lofonga, Dolos.

Los, Sortem.

Lincucmin, Paullominus: nos
Luttelkemin.

Luetika, Pusilla.

Luzzilon, Paruulis: & *Luticon*,
idem.

Luoginda, Rugiens: & *Luonde*,
Rugientes, alibi:

VERBA.

Licont, Placent. vide *Geliconda*:
& *Licon fal*, Placebit.

Ludon fal, Tonabit. nos de arc
GG Campa-

Campano.
Luuuethu, Præstitisti.

M.

Mancrefte, Maiestas. ipsa vox
tamen Viri robur magis sig-
nificat, *Mans-cracht*. Sed a-
libi, *Megincraft*, Maiestas: &
Megincrefti, Maiestatis.

Mangon, Maxillas. si recta scrip-
tura: nos *VVangen*.

Melm, Pulvis. nos *Mulm*, & *Ge-
mul*.

Meistero, Maximo: nos *Meeſte*.

Mendiſte, Lætitia. vide *Mendian*.

Miedon, Mercis.

Mikil, Magnus, Multa, Copio-
sa: & *Mikilon*, Magnis: & *Mi-
kilo*, Magnificè: & *Oimikilit*,
Magnificate. vide *Gimikilo-
da*: & *Mikile*, Magnificè.

Muodis, Mentis. Nos, *Moet*.

Muos, Esca, cibi. Nos pro Ole-
re.

Musca, Passer.

VERBA.

Mendian ſal, Exultabo.

Mendida, Exultabit.

Mendit, Exultate.

Mendodun, Exultauerunt.

Mendon ſulum, Exultabunt.

N.

Nauo, Sed: &

Naio, Pænè.

Neok, Nec.

Neriando, Salutare: & *Nerian-
do*, Liberator.

Nenviht, Nequam: quasi di-
cas, Nullius pretij aut pon-
deris.

Nieviht, Prauum.

Nimmeht, Non. & *Numeht*,
idem.

Nieuuergin, & *Niergin*, Vſque-
quaque.

Northaluon, Aquilonis.

Nowan, Sed. ſuprà *Nauo*.

Nowanthog, Veruntamen.

VERBA.

Nerukiat, & *Neruokit*, Nolite:
& *Neruwokt*, Noli.

Niet, Posside: & *Nieton ſal*, Pos-
sidebit: & *Nutun*, Posside-
re.

Nofada, Impediuit.

O.

Ouiranungifcoht, Superuacue.

Ouirhoriga, Præuaricantes: vel
potius, Mandatum ſpernen-
tes.

Ousta, Pomorum. Nos, *Ooſt*.

VERBA.

Oigi, Ostende. ab oculis du-
ctum.

Oginon, Ostendit: & *Ougoda*,
idem: & *Ougonſal*, Ostendam.

Ordon, Habitabat. Horda Ta-
tarorum.

Prifna,

P.

Prisna, Vfsura.

Q.

Quena, Vxor. Anglis hodie Regis vxor *Ῥέγινα*, siue Regina.*Quiccase*, Animalia: quasi, *Quicvee*, Viux pecudes.

VERBA.

Quat, Dixit: & *Quethe*, Dicat: & *Quit*, Dic. Nobis mansit geminatione vitiosū, *Quetseren*.*Quezzodos*, Allisisti. Nos *Quetsen*.

R.

Ratanussi, Irritatione. vide *Ratodon*.*Radiuagon*, Currus. quasi *Radt-vvagen*, à celeritate. an & *Rjed-vvagen*, ab vsu? Istinc *Reda*.*Ref*, Venter: & *Reuis*, Ventris: & *Rewe*, Ventre.*Ripoton*, Maturitate. nobis *Rÿp* mansit.*Ritha*, Torrens.

VERBA.

Ratodon, Irritauerunt: & *Ratnot*, Irritat: & *Geratot isl*, Concitatus est: & *Ratunussi*, Irritatione.*Ribaridos*, Denudasti. sic nobiscompositum, *Openbaeren*.*Rebarnussi*, Reuelatione.*Refangan*, Arguam: & *Refagnussi*, Redargutiones.*Respias*, Arguas. Nos componimus, *Berispen*.*Ruecont*, Fumigabant: quia *Rooc*, Fumus: sed & alio sensu,*Riechon sulun*, Fumigabunt, ab odore.*Roduwarthan*, Mouebitur.*Rundon*, Sufurrabunt.

S.

Saca, Rem.*Salda*, Salutare: & *Saldo*.*Salethu*, Tabernaculo: & *Selithon*, Tabernacula: & *Selitha*, Tabernaculum. Nos *Salletta*, paullo alio sensu.*Sammung*, Synagoga. Vnde *Verfaemen*, & *Summungun*, Cleros, causâ collectionis.*Scale*, Seruus. Vnde *Maris-scalcus*, qui Equis curator.*Scaehon*, Pudore.*Scaehon*, Ouil.*Scama*, Reuerentia.*Scarsahs*, Nouacula. Nam *Sahs*,Cultrum notat: vnde Saxones *Withikindo*.*Scesti*, vel *Scepsti*, Sagittæ.*Scepeno*, Iudex. hodie *Scepenen*, Scabini.*Sceihtlon*, Verticem, & *Sceclon*.*Scerni*, Subfannatio. & *Scern*, Illusio.

Scieri, Lucidum.

Scimo, Splendor : nos *Schijne*.

Sciuno, Citò.

Sclot, Sera.

Senifte, Mitis. Germani: & *Senifti*, Mansueti : & *Senihtē*, Mansuetudinis.

Serin, Tribulato. vt *Zeer doen*, Belgæ.

Setti, Sedes.

Sethelgangi, Occasum.

Serauada, Cremium.

Scriebre, Protector. an à *Schirmen*? an *Scrijmen*?

Sidin, Moris. nos *Seede*.

Sinuoluatdun, Septuplum: quasi *Seuenvvoudt*.

Sien-ogun, Pupilla oculi.

Sigimari, Victor. in Tacito, *Segimerus*.

Sin, Vt quid?

Slapigravi, Sepulcrum. supra *Burpifli*.

Slahta, Generatio: & *Slahten*, Semini. Nos compositè, *Geslacht*.

Spietis, Hastæ. Nos, *Spieffe*. Nomen primogenium à mucrone, *Spiets*.

Sprinco, Locusta.

Spel, Fabulatio: & *Spelle*, Parabola. Vide *Bispille*.

Sniuno, Velociter, Confestim: & alibi *Sliuno*.

Solre, Solium. an Solarium?

Soumilican, & *Souwelix*, Quacunque.

Stouwingon, Incepcatione. Nos pro Stimulatione.

Staf-suvert, Framea.

Stedinussi, Stabilitatem.

Stros, Strati. vide *Store*.

Sueiga, Armentum: & *Suegon*, Armento.

Suliton, Salsuginem.

Switho, Nimis.

Suero, Dolorem.

Sufie, Pestilentia.

Suenot, Coagulatus. vide *Gequallit*.

Sule, Columna: & *Suli*, Columnas.

Smerenne, Adipem.

Sneue, Nivis.

VERBA.

Scathan sal, Damnabit. vide *Gefcathot*.

Scedemon sal, Obumbrabit.

Sculdm, Incepuerunt. Nos *Schelden*, & compositè, *Beschulden*.

Scurgi, Auerte. vide *Befcurgi*.

Scutta, Excusit.

To-Store, Destruens.

Stiltan, Aedificabis.

Stincan, Odorabunt.

Stukida, Irritauit. vt nos metaphorice *Stoken*.

T.

Teseuon, Dexteram. & *Thesuum*, Dexteram. vide *Fortbora*.

Thegentliche, Viriliter. Nos *De-gentlijck*, paullo alio sensu.

Thiat,

Thiat, Gens: & *Thiade*, Gentes: &
Theado, Gentium: & *Thiaddon*,
 Nationes: & *Thiede*, Gentes.
Thiadekunni, Generationes. Vi-
 de *Kuni*. nam cōpositum est.
Thierno, Iuencularum. Nos
Dierne. de vegetâ fâminâ.
Thinnongun, Tempora capitis.
Thio, Femur. Nos *Diē*.
Thurthic, Egenus: & *Thuregin*,
 Egeno.
Thuvve, Ancillæ: & *Thuvvon*, &
Thiuvvon, idem.
Totbiti, & *Totithi*, Apud.
Touferes, Venefici. Nos *Toou-
 vers*.
Trego, Dolor: & *Tregon*, Dolor:
 & *Trege*, Dolores: & *Treghaft*,
 Dolens.
Tylon, Fimbriis.
Trisenuorin, Thesauris.
Triumboz, Tubæ. Nos *Trom-
 pen*.
Tvvifolda, Anceps. qui in duo
 distrahitur. vnde & Latinis,
Dubito, quasi *Duito*: & Græ-
 cis Δις δ'ω.

VERBA.

Tesfuor, Defecit, Periiit.
Tesarando, Deficientes.
Thenit, Intendit: & *Theneda*, Te-
 tendit: *Thermon*, Extendes:
Thenin, Extendant: *Thenedos*,
 Extendisti: *Thenedon*, Exten-
 derunt.
Thinoda, Scruiuit: &

Thianimvi, Scruiamus nos.
 Inde *Dienen* hodie.
Thionfullun, Abundabunt.
Tholon, Patientur: & *Tholindon*,
 Patientibus: & *Tholodit*, Sus-
 tinuissim: *Tholoda*, Tribula-
 rer.
Thunse, Extraxisti.
Thurosfremidos, Perfecisti: &
Thurosfremig, Perfecta: & *Thure-
 fremigero*, Perfecto: & *Thuro-
 framingon*, Consuminati.
Thuroliton sal, Pertransibit. Nos
Doorlijden.
Tian, Enutries. Nos *Tijen*, & *Op-
 tijen*.
Tilo, Accelera: & *Tilont*, Festi-
 nant.
Tilogon, Excrcitationem: & *Ti-
 lon sal*, Exercebor: & *Getilot*,
 Exercitatus.

V.

Verthe, Itineribus. suprâ, *Ge-
 uerthe*.
Vla, Olla. Siburgi hodie, *Vlen-
 gasse*, Platea figulorum.
Vnera, Reuerentia: & *Vneron*,
 Pudore.
Vndirthudig, Subiecta: & *Vn-
 dirthudiga*, Subditi. Nos *Vn-
 derdaedich*.
Vngesceid, Vacuè.
Vnsuoti, Molesti.
Vn, Vsq̃ue: & *Vntes*, Donec: &
Vnt, idem.
Vmbeuollan, Immaculatus.

Vmb-math. Quare? quasi *Om-vvat?*

Vorton, Timore.

Vrkundum, Testes : & *Vrkunt-scap*, Testimonium. Est Valdè noscere : nobis mansit in Formulis, *Oirkondt*.

Ursagon, Excusationes. Valdè & multa dicere.

Vtriston, Extremis. Nos *Vuyter-sten*.

VVala, Abyssus. *VVal*, idem.

VValalicondi, Beneplacito.

VVambon, Vtero.

VVan, Spes.

VVanda, Vestimentum : &

VWat, Vestem, Vestimenta.

VVashemo, Fructus. à Crescendo : & *VVasino*, idem.

VVelimo, Singulos.

VVerolt, Sæculum : & *VVerold* : & *VVerildi* *VVerildis*, Sæculum sæculi.

VVether, Nunquid?

VVige, Prælium, Bellum : & *VVigis*, Belli : & *VViga*, Prælia. Reperio & *VVie*, Bellum.

VVirt, Holera : & *VVurti*, Herba. Inde *VVirtespurgum*, Hætibolis.

VVirscapandis, Epulantis.

Vvithersacco, Aduersarius. quasi, *VVedersaeck*, aut *VVedersager*.

VVitti, Prudentia.

VVitut, Lex : & *VVitute*, Lex : & *VVitutdraghere*, Legillator. A promulgando, & longe lateque spargendo.

VViolango, Vsquequod?

VVoligis, Vtinam.

VVop, Fletus : & *VVophis*, Genituo : & *VVopindi*, Lugens.

Vurisit, Gigas.

Vvrehthon, Iniquitatibus. quasi *Omrecht*.

Vtferdi, Exitus.

Vvntstandilico, Desolatoriis.

VERBA.

Vardilgodos, Delesti.

Vorrenuet, Compungimini : quasi *Berouuvet*.

Vpslagoda, Distulit : & *Vpslagodos*, Distulisti.

Vvunalle, Scateat. de Fontibus.

VValdan sal, Dominabitur.

VUandos, Existimasti.

VVelida, Elegit.

VUiepon, Fleuimus : & *VUopindi*, Lugentes : & *VUopanvvir*, Ploremus. Vide *VVop* supra.

VVilid, Possedit : & *VVield*, Possedisti.

VVitonodon, Tribulauerunt : &

VUitinunt, Tribulant alibi,

VUixcinunt : & *VUistmunda*, Tribulantes.

VUeigoden, Vexauerunt.

VVedan sal, Induâ. supra *VWat*.

Hæc es, quod sufficiat in specimen : & dic sodes : pleraque omnia quàm à sermone hodierno diuertunt? Verba plura ignora & desita,

delicta, ipsæ terminationes, *Casus*, & *Coniugationes* (vt Grammatici appellant) differentes. Quod si à septingentis aut circiter annis tanta mutatio, quid ab alteris alterisque illis factum? Errat enim, qui in re instabili maximè, id est linguâ, quærit firmitatem. Quam tamen aliquam à litteris dari fateor, *vnâ fideli custodiâ re-* Liuus.
rum; sed vbi ex maioribus nostris fuerunt? Græca & Latina quod perseverant, siue Hebræa: est à litteris & libris. Tolle, vestigium non exstet: ac simile iudicium de Germanicâ, de Galli-
& veteri linguâ, cur nō fiat? Fateor quidem latè patuisse nostram illam: atque hanc cassam fuisse, cur diutius perseverarit. quoniam finitimæ ipsæ gentes, quæ miscebantur aut immigrabant, in eâ conueniebant. Rodericus Toletanus scripsit: *Tenonia, Dacia, Noruegia, Suetia, Flandria, & Anglia, vnicam habent linguam, licet idiomatibus dignoscantur.* Hoc ille ante annos nondum quadringentos: paullo suprà, potuisset & Galliam addidisse. Non enim nos Belgæ tantum, sed vltiores atque interiores Celtæ, & quidquid Franci occuparunt, linguâ etiam eorum, id est Germanicâ, vsi. Exstat Canon Concilij Turonensis, sub Carolo Magno: *Vt Episcopus Homilias apertè transferre studeat in rusticam Romanam linguam, aut Theotiscam, quò facilius possint cuncti intelligere.* Itaque apparet Theotiscam tunc honestiorum & nobilium fuisse, rusticos & viliores Romanâ illâ corruptâ, id est hodiernâ Gallicâ, vsos. Quæ tamen mox inualuit, illâ pulsâ. Atque vt Franci suam eo, sic Longobardi in Italiam intulerunt. Paullus Diaconus, *De gestis eorum* scribit: *Relicte provincie, Schuldaben ab iis lingua propria dici: qui est Schulteiz Germanorum.* Item *Argam, inutilem & inertem*: siue prauum & peruersum, vt hodie. quod nostrum est, et si affidet Græcorum ἀργός. Item, *Lanam, piscinam: vnde quidam Lamisso dictus, quia infans de piscinâ extractus.* Nos *Lanam* dicimus hodie: et si Festus quoque *Lanam* pro *Lacuna* agnoscit: & in Gl'is sunt *Lame*, ἀνδάδες ὕδατος. Idem Diaconus, *Campos patentes sermone Barbarico Felden appellari*: quod nos agnoscimus. Et Alboinum, occiso Cunimundo, *caput abstulisse, & ex eo poculum secisse, quod Scala dicitur.* Item, *Stratorem dici Marpais: quod est, Mar-paige.* nam *Mar*, equus. Item, *Scilpor, Armigerum*: & talia, quæ linguam nostram satis adfirmant. Simile in Britannîâ, quam *Angil* è Saxonîâ immigrarunt, & veteri pulsâ, suam, id est nostram.

nostram linguam intulerunt. Planè nostram, vt olim quædam fuit: nam postea Normannorū è Galliâ superuentu mutauit. Beda notat: *vocari locum Anglorum lingua Hefenseteb, quod dici potest Latinè Cælestis campus.* Nam *Hesen*, siue *Hewen* (vnde nostrum *Verheffen*) *Sublime* notat siue cælum. Item *Midil engli*, inquit, *Mediterranei Angli: Denises Burna, Dionysii riuus: Heruteu, Insula cerui*, quasi *Hert-au*. nam *Au* regio vel insula. Sic *Elge* (malim *Elgeu*) à copiâ anguillarum dicta, quasi *El-geu*: g. inlito euphoniz causâ, vt in *Rijngouu*. Idem Beda, *Aid barne, Ad nemus*, interpretatur: & incertus de rebus Britannicis scriptor, *Per munstrum nomine Thunre, quod Tonitru significat.* Idem, *Edgaro regi* (anno DCCC LXXIII.) *in siluâ vocem insonuisse, incertum vnde missam, Vuelist, id est, Benè est tibi.* Diuide, *Vuel ist eu.* Matthæus Paris, in narrandâ morte *Vualtheri Episcopi Dunelmensis*: vnus ex Anglis patriâ linguâ dixit, *short red, good red, flea ye the Bishophe*: quod est nobis, *Kort raedt, gaedt raet, slaet ghy den bisschop.* Sunt plura, quid recensitu opus, cum constet sic fuisse, & integra etiam scripta ab eo xuo existent? Latè igitur nostra patuit: sed vt ad Becanum redeam, ne credamus tamen in orbem terræ sparsam esse. Atqui voces multæ sunt in Hebræis, Græcis, Latinis, quæ adsonant vel consonant. Quid tum? non magis hoc argumentum sit, à nobis illos, quàm nos ab iis sumpsisse. Tu sic pertendes, ego aliter: quis decideret? *Nil agit exemplum, item quod lite resoluit.*

Fatendum sanè est, & ego obseruo, vt ratio communis hominum, sic & verba alibi esse: siue traductione & gentium mixtione, siue casu potius, an genio administrante. Sed in quibusdam maior conuenientia aut crebrior. vt in Persicâ, quod miremur. Nam ij & voces plures nostras habent, & flexus conjugationum haud nimis diuersos. Illorum est,

<i>Auar, Ouer, Super.</i>	<i>Benastand, Clauserunt.</i>
<i>Aual, Aennâl, Initium.</i>	<i>Cah, Caf, Palea.</i>
<i>Achterraet, Achterraedt, Cautio.</i>	<i>Câl, Cael, Caluus.</i>
<i>Band, Bandt, Vinculum.</i>	<i>Casti, Cassé, Cista.</i>
<i>Beradar, Broeder, Frater.</i>	<i>Cebar, Gebaer, Rumor.</i>
<i>Batsa, à Latratu, Catulus.</i>	<i>Codi, Godt, Deus.</i>
<i>Begrijs, Fleuit.</i>	<i>Dandan, Tand, Dens.</i>
<i>Benaft, Clausit: &</i>	<i>Däre, Duere, Ianua.</i>

Dochter,

<i>Dochtar, Tochter, Filia.</i>	<i>Mah, Maen, Luna.</i>
<i>Drog, Bedroch, Mendacium.</i>	<i>N a, N ee, Non.</i>
<i>Fadar, Vaeder, Pater.</i>	<i>Nām, Naem, Nomen.</i>
<i>Grift, Begriipt, Tenuit.</i>	<i>Nambar, Naembraer, Nomina-</i>
<i>Garm, Gram, Ira.</i>	<i>tus.</i>
<i>Garph, Graph, Profundum,</i>	<i>N au, Neu, Nouus.</i>
<i>transpositione litteræ, vt læ-</i>	<i>N eber, N eue, Nepos.</i>
<i>pè.</i>	<i>Nazdic, Naflich, Propinquus.</i>
<i>Jock, Iock, Iugum.</i>	<i>N uh, Nun Gerin. Nouem.</i>
<i>Madar, Moeder, Mater.</i>	<i>Phristar, Urijster, Ancilla.</i>
<i>Madah, Maechde, Femilla.</i>	<i>Stär, Sterre, Stella.</i>
Quid dicis? nōne germanitūs hæc Germana? nisi quis litem moucat, in <i>Madar, Cāl, Casti, Jock</i> : quæ & Latini possint vindicare. At ijdem magis certò ex eādē Persicā,	
<i>Chus, Sus.</i>	<i>Neēlar, Optima pars.</i>
<i>Du, Duo.</i>	<i>Parah, Pars.</i>
<i>Deleri, Deletio.</i>	<i>Sag, Canis. quāsi Sagax.</i>
<i>Lab, Labium.</i>	<i>Tu, Tu, & Tuus.</i>
<i>Mast, Mustum.</i>	<i>Bina possit addi, Vidua.</i>
<i>Mucz, Mus.</i>	

Sed & Italicas ibi voces vestigo. vt *Mesquine*, quod iis *Pauperem* notat: nōne est Italorum *Mesquinus*? Item *Maschargi*, Persicum, quod *ludum* & *iocum*: nōne *Mascari* adsidet, ludionibus & personatis? Mixturam vides: sed & in aliā gente. Apud Aegyptios *εβλας τινὰς πωλητὰς* (verba Agathārcidæ) *εποσινγορδισι κδοσαι*: *vestes quasdam cōactiles* vocant *Casas*. Acue in vltimā, habes nōstrum *Casack*, difficili aliàs originatione. *Balari* Corforum linguā, *Exsules* dicuntur *Pausanix*: nostrā *Balling*, & *Ballarts*. Apud ipsos noui orbis Indos similia. Illi *Pa-godi*, *Idola* dicunt: & Dei nomen agnoscis. *Guāiras, Flabella*, quibus in argentariis excitant ignem: sunt nostri *VVayers*. *Topos*, *Tegmen capitis*: à *Top*, quod verticem nobis sonat. Iam *Lama, Onis*: palām est *Lam*. Sicut & Latinis adsidet *Anro*, Dies: etsi à significatione leuiter abit. & *Chonos*, Canis, vocalibus immutatis. Si longiūs eam, vbi non aliqua paratio? vtique in Hebræis & Græcis multiplex: quod viri docti iam nuper ostenderunt. Idem in Latinis. neque negamus sexcenta esse, quæ prorsus Germanissent: sed ancipiti, vt dixi, argu-

mento ab iis esse. Imò contrariò certius dixerim, quædam à Latinis sumpta: cum ij imperitum in nostras has oras promouerent, & simul ad limites Germaniæ vtriusque. Quis abnuet, *Vinum, Oleum, Ficus*, & talia ab iis ducta, cum nec rem antè haberemus? Sed & alix voces manserunt, leuiter immutata, truncata, aut & tota, vt

Abies, *Abeel*.

Ager, *Acker*.

Altare, *Autar*.

Angustia, *Angst*.

Armus, *Arm*.

Auena, *Euen*.

Auris, *Oir*.

Bacia (poculi genus) *Back*.

Becario (idem) *Beker*.

Bestia, *Beest*.

Boccola (item poculum) *Boccael*, vt & Itali.

Boia, *Boien*.

Bos, *Os*.

Calix, *Kelck*.

Capſa, *Cassè*.

Caules, *Koolen*.

Cellarium, *Keller*.

Ceres, *Koren*: inutatione E. in O. crebra, & C. prisco pronunciatu.

Cocus, *Cock*.

Colci (aurium tuarum venia) *Col*, & *Cul*.

Corona, *Croon*.

Crabatus, *Crebbe*.

Crustum, transpositione *Curst*.

Culcita, *Culst*.

Cutis (iterum venia) *Cut* : id est pellicula illa turpis, nec serio nominanda.

Dirus, *Dier*, ipsa Fera.

Ebur, *Enoir*.

Edo, *Ete*.

Dama, *Dain*.

Facula, *Fackel*.

Ferus, *Fier*.

Flamma, *Ulam*.

Floccus, *Ulock*.

Fomes, *Vonck*.

Fullo, *Voller*.

Granum, *Graen*.

Gramen, *Gras*.

Grusum (purgamentum in Glossis) *Gruys*.

Herus, *Heer*. nam istud nouellum est, & olim *Druchtin*.

Hora, *Ure*, sine adspiratione.

Longus, *Lang*.

Linum, *Lijn*.

Lista (æquum Glossis) *Liste*.

Magister, *Meister* : etsi Græco etiam adsonat, *uhsap*.

Mamma, *Memme*.

Mantellum, *Mantel*.

Mare, *Mer*.

Mola, *Meule*.

Moneta, *Munte*.

Mus, *Muys*.

Mustum, *Most*.

Nebula, *Neuel*.

Pellis, *Vell*.

Piscis, *Visch.*Pix, *Peck.*Planca (lati asseres) *Plancken.*Puteus, *Put.*

Raudus (rude & asperum)

*Ravv.*Remus, *Riem.*Rota, *Rat.*Sal, *Saltz* Germ. nobis *Saut.*Scribo (I longo) *Schrijue.*Sculpo, *Scelpe.*Scylla, *Scol.*Semen, Germ. *Saemen*, nobis*Saet.*Sicula (I longo) *Sijckel.*Sparus, *Speer.*Stramen, *Stravv*, & *Stroo.*Speculum, *Spiegel.*Spuma, *Scuym.*Squama, *Squame*, vel *Squabbe.*Strundus, (in Glossis) *Strondt.*Succus, *Soch.*Tabella, *Tafel.*

Plura etiam sunt, sed timidiùs adfirmanda. etsi cur timidè *Caput* originem faciam nostri *Cap*, deinde *Cop*? Nam truncare, peculiare nobis est: itemque Vocales illas alternare. Sic à *Cantharo*, *Kan* scindimus: à *Nomine*, *Naem*: ab *Oculo*, *Oc*, & *Oog*: à *Labio*, *Lep*, & *Lip*: à *Iunior*, *Iong*: à *Blenno*, *Blendt*: & quæ plura liceat, si libeat, adferre. Vidco & mutationes quasdam auribus nostris insolentes, sed, ita me Deus, vsurpatas. *Sol*, nobis *Son* est: *Mat*, *Man*: *Stella*, *Ster*: *Nox*, *Nacht*: *Lux*, *Lucht* Germanis, & tenuiùs *Liecht*: *Frux*, *Urucht*. in quibus X. Latinum in *cht* mutatur, vt audis. Quid si *Cornu*, *Horn* esse dicam? *Porcum*, *Percken*, & deinde *Vercken*? *Anatem*, *Ent*? *Nepotem*, *Neue*? *Glebam*, *Kley*? & alia, in quibus alius se iactet. Sunt item occultè ducta, vt *Noen*, à *Nona*. Nam ita nos horam cibi vocamus, cur, nisi quia olim *Nona* legitima erat? Credam & à *Circo Kirch* nostrum esse: quia veterum

Tego, *Decken*: & *Tectû*, *Dack*.Tener, *Teer.*Vacillo, *VVachele.*Vallus, *VVall.*Vannus, *VVandt.*Vellus, *Vellen.*Velum, *VViel.*Ventus, *VVindt.*Verres, *Beer.*Verum, *VVaer.*Vermis, *VVorm.*Ver, *VVeer* paullò cõmunius.Vidua, *VVidue.*Vietum, *VVeck.*Vimen, *VVijmen.*Vincō, *VVinne*: In his plerisqueV. Consonante, transcunte
in nostrum Digamma.Virago, *Birague*, siue *Biregue*: de
fæminâ masculi animi cor-
porisque.Volo, Germ. *VVolle*, nos *VVille.*Vulgus, *Volck.*

rum templa, instar Oirci, rotunda. quod tamen aliis à Græco *κυκλική* esse placet. *Boeck* etiam vnde *Librum* dicimus, nisi quia è ligno, & fago, acere, buxo olim Pugillares? Prudentius: *Buxa crepant cerata*. In aliis linguis eadem. imò & verba rariora quædam aut antiqua apparent ibi rediuiua. Sicut *Petulum*, Gallis *Petit*: *Visium*, *Vessie*: *Momar* pro stulto Siculis, quid abit à Gallorum & nostro verbo, in personatis? *Combinones*, sunt *Compaignons* Gallis: *Ebriacus*, est *Ebriaco* Itatorum: *Cloppus* pro claudio, eorundem *Cioppo*. Quid *Charoigne*, nōne *Charonium* alludit? Sunt & noua aut ficta, vt *Canaille*: quod in Annalibus alibi redditum legi, *Canile lignagium*. Sed conuicij hæc vox nata videtur à prisco more, de quo Otho Frisingensis De gestis Frider. libro II. cap. XXVIII. *Vetus consuetudo pro lege apud Francos & Sueuos inoleuit, ut si quis nobilis, ministerialis, vel colonus pro huiusmodi excessibus (prædæ aut incendij) reus inuentus fuerit, antequam morte puniatur, ad confusionis suæ ignominiam, nobilis canem, ministerialis sellam, rusticus aratri rotam de Comitatu in proximum Comitatum gestare cogatur. Et addit: Hermannum Palatinum Comitem, cum decem complicitibus suis, Canes per Teutonicum milliare portasse. Eadem Guntherus in Ligurino, libro v.*

*Quippe vetus mos est, uti si quis rege remoto,
Sanguine, vel flammâ, vel seditionis aperta
Turbine, seu crebris regnum vexare rapinis
Audeat, antè grauem quàm fuso sanguine pœnam
Excipiat, si liber erit, de more vetusto
Impositum scapulis ad contigui Comitatus
Cogatur per rura canem confinia ferre.*

Sed & in aliâ causâ & culpâ, ignominia gratiâ sic tulerunt: quod in Dodechino & alibi leges. Iam verò & Gallorum *Garçons*, manifestò sunt *Garriones* Latinis, à garritu: sed I. mediâ in consonantem fortiùs translata. In Cedreno legas: *Constantinopoli conflagraffe incendio τὸ μέγαλον τῆς μεγάλης ἐκκλησίας, τὸ λεγόμενον Γαρσονασάσιον*: mediam Aulam templi magni, quæ *Garsonastasion* dicitur. In margine scripti libri notatu: *Γαρσονασάσιον, ἢ μοι δοκεῖ παιδοσάσιον. Γαρτσόνιον γὰρ παρὰ λαϊκοῖς τὸ παιδίον*: *Garsonastasion, mihi videtur esse Puerorum statio. Garsonium enim Latinis, est Puer. Optimè ille. & nescio an huc faciat Luitprandi Ticinensis scriptio: Obtuli mancipia quat-*

Carſamatia, Imperatori nominatis omnibus gratioſiora. *Carſamatum* autem Græci vocant, amputatis virilibus & virgâ puerum *Eunuſchum*. Imò huc facit, & Græci illi inferiores leuiter corruerunt. Atqui & voces ſunt, in certis finibus aut limite natæ, quæ mox diffunduntur. Sic nobis *Cöker* pro thecâ ſagittariâ aut aliâ, ad nouellos Græcos abiit, quibus eſt *κὺκκος*. Sic *Ruter*, Eques. non hercules à Græco *ῥῦς*, quaſi *ῥῦς*, *Protektor*, vt ingenioſè excogitant : ſed à *Rutá* ſiue Turinâ militari. Guilielmus Neubrigenſis: *Rex*, inquit, *per ſtipendiariam militiam, quam Rutas vocant, expugnato ſſonduno*. Nos *Rottas* etiam nunc appellamus : & fuerunt propriæ ſanè Brabantis. Idem ſcriptor: *Rex ſtipendiarias Bribantionum copias, quas Rutas vocant, accerſiuit*. Vides nos *Brabantos* intellegi : nec ſine gloriâ : quòd etiam à regibus euocaremur, ad ſtabiliendam eorum fortunam. Robertus de Montecordem intellegit, in anno Dominico ∞. C. LXXIIII. *Quod audiens rex (Henricus Angliæ) miſit Brebenſones ſuos, & quosdã de militibus ſuis ad eorum auxilium*. Itaque robur & militia noſtra à tot ſæculis celebris: non etiam innocentia & abſtinentia : & damnati in Cõcilio Lateranenſi, Alexandro Pontifice, anno ∞. C. LXXVII. ſauitiæ nomine ſumus. Canon Cõcilij: *De Brebantionibus, & Arragonenſibus, & Nauarris, Baſculis & Coterellis, qui tantã in Chriſtianos immanitatem exercent, vt nec monaſteriis deferant, nec viduis aut pupillis, non pueris aut ſenibus, non cuiſibet parcant etati aut ſexui, ſed more paganorum omnia perdant & vaſtent, ſimiliter conſtituimus, vt ipſi qui eos conduxerint, vel tenuerint, vel fouerint, excommunicati publice denuncientur*. Nos, inquam, illi ſumus, etſi variè, & pronunciati ferè Gallico, ſcripti. Nam *Bragantes* diuerſi ſunt, qui alibi, & in M. Alberto Argentinenſi ſic nominantur : *Turicēſes cum quattuor millibus peditum armatorum, duobus millibus Bragantum, & ducentis equitibus armatis egreſſi*. Videntur pedites fuiſſe, ſed leues aut inerimes : & inde *Brigantes* etiam hodie in conuicio aut contemptu. Alioqui vox à veteri nomenclaturâ noſtrâ nõ diſſidet: quia regio hæc *Brachanto* dicta, vel *Brachmento*. In veteri ſcripto, de partibus Caroli regis, quas contra Ludouicum fratrem (vterque Ludouici pij filius erat) accepit: *In Brachanto Comitatus quattuor, Cameracenſium, Haniouum, Lomeneſem*. In Haſbaniõ Comitatus IIII. Agnoſcis *Brachantum*, nobis *Brabantum* : ſed

aliter eodem etiam aucto scriptum, in Diuisione ipsâ Ludouici Imp. ante mortem factâ: *Ad Baiuuariam, totam Toringiam, Riburias, Aloarias, Saxonia, Frisia, Ardena, Asbania, Bragmento, Franderes, Menpiflon*, & quæ sequuntur. Vbi & *Franderæ*, siue nunc *Flandria* nostræ, vetustissimam puto esse mentionem. Sed exdamabis meritò mi Schotti,

Quò tantum mihi dexter abis? huc dirige gressum.

In viam & lineam redeo, à quâ patriæ amor (sit venia) me abduxit. Satis igitur docui, & ante me alij, miscellas inter se linguas esse: nec firmum id telum, quo de Primatu pugnent. Et si parationes, aut originationes, quas Becanus adfert, quis sæpè sine indignationculâ aut risu legat? vix hoc Heracletus, si viuat, aut Lucillianus ille Crassus. At argumentum eius alterum, Antiquissima, quæ simplicissima: talis est lingua nostra: ergo & prius. Quòd simplicissima, ex eo parer, quia tota ferè monosyllaba: & verum est examinanti. Quid tum autem? antiquissima? negatur. Si in rerum naturâ & geniturâ manes, fateor, simplicia præire: non idem in sermone, si cum altero comparetur. Neq. enim iste talis & talis à naturâ est, sed ab instituto, arte, casu. Et tamen positioni si adnuam, nec sic obtinebit. Nam Sinenses ecce plerasque voces hodie vni syllabas habent, easque variæ significationis (ita ex iis locis scribunt) nec nisi accentu aut tono, in pronuntiando discernendas. Itaque ij de palmâ certent. Sed desinolu sum: verè talem, nec alio fine aut fructu scripsi. Delectant, fateor, & inuentæ originationes specie acuminis capiunt & detinent: sed non me nimis. Ad meliora & grauiora eamus: tu ad rempublicam tuam mi Schotti, cui valentem & diuturnum te, eius bono, tuæ gloriæ, opto: Louanij, xiv. Kal. Ianuar. ∞. Io. xcix.

EPISTOLA XLV. *Antuerpian.*

IOANNI MORETO, *Typographo S. D.*

VARIE in litteris tuis, vir amicissime, sum gauisus. Primum de filiâ, quam nuptui tradis Theodoro Gallæo Philippi F. quod precor Deum felix faustumq. ipsis esse, tibi & tuis lætum. Et verò fallor, aut nunc & postea etiam erit. Ingenium & mo-

& mores sponsi valdè placent, cuius modestiam (semper mihi originem & matrem virtutum) & industriam partim coràm vidi, partim aliorum testimoniis cognoui. Et tu nostin' Dionysium Villerium, Tornaci Canonicum? insignem virum, & idoneum vel testem, vel iudicem: is futurum hunc tuum mirificè prædicare solitus, à consuetudine imò contubernio notum. Itaquecepta iniici vincla porrò nectite, & adstringite inabrupto illo nodo. Iterùm voueo, felix latumque esto. Sanè vides Deum inter curas gaudia etiam diuidere, & melle temperare vitæ hoc Falernum. Nam & de filio Melchiore, qui ad sacrum genus vitæ se dedit: scio volupe tibi & amicis fuisse: & confide, ex aliis hæc te manent. Quòd siquid etiam interdum quod vellicet aut pungat: nempe scito vitam hanc vt rosarium esse. flores spinis suis intermixtos: sed illos carpandos, has vitandas aut seponendas esse, quantum homini datur. Quidni autem detur? ratio & sapientia est, quâ in hæc artemur: cuius caput, scire conditionem & legem quæ venientibus in hanc vitam est dicta. Quæ? similis ipsi aëri, quem ducimus, & in quo versamur: vt modò sudum, modò vduum sit, tempestas, serenitas, & gaudiis præuiæ aut sequaces curæ. Tu & ego cogitemus mi Morete: magno talium magistro docti, Plantino nostro. cuius viri inter alias virtutes, singularis fuit illa constantia,

——— *tranquillaque magni*

Vis animi, nulloque levis terrore moueri.

Præceptis hæc alij iactent, ille exemplis. Sed quò cò? à nuptiis ad curas, à gaudiis ad patientiam: nec ineptè. nam & illis hæc interuenient (mone tuos) & genus id vitæ largiter admittit. Quò etiam eo? ad nos, inquis, & inuitas. Vellem hercules aut ego aut vxor possemus, & præsentia testari affectum. Non datur. scis domi octo conuiectores mihi esse, id est custodes siue milites? Nam illi profectò tenent, nec commodo in eo aut suo patiuntur abesse. Ergo animum accipe: ego illa hortensia munuscula, quæ tibi & Spiringio ad finem tuo simul inscribam. Crescunt mihi hortenses istæ opes, non valdè illæ ab Indiâ: quid tum, si acquiesco?

*Cui non conueniet sua res, vt calceus olim,
Si pede maior erit, subuertet, si minor, vret.*

An non ego te multiloquio? nescio quomodo nunc iuuat, ab-
rumpo, & vale. Louanij, XI. Kal. Sextil. ∞. IO. XCVIII.

EPISTOLA XLVI.

Mechliniam.

NICOLAO OVDARTO suo S. D.

CARMEN tuum super discessu meo & placuit, & verè dicam
etiam mouit. Durum est auelli à talibus amicis vel in breue
tempus, durius, & morti esset, si in longum. Etsi istud tu times,
& multi vaticinantur, imò magnates etiam nostri in Aulâ: sed
ego tibi assero & Fidem ipsam testor, aut redibo ad vos, aut mors
aut vincula me ligabunt. Blanditiæ, promissâ, præmia, Lipsium
semel noueris, nihil in hoc animo possunt. Animo, destinato in
patriâ viuere, in patriâ mori, vtinam tranquillâ aut securâ saltem,
& quæ Iscañum meum mihi interdum non inuideret. O quàm
suaue, te aut Hartium in libero illo aëre & loco habere! agellos,
prata, siluulas, fontes nostros visere! cœnulam sermonibus, dein-
de & iocis distinguere! Languco, cùm cogito hoc eripi, & vix
spem esse nobis reddi: nisi Deus & Reges aliquid fecerint aut
facient ex occulto. Sed heus, de itinere audi hoc etiam. rumor
obscurus spargi incipit de morbo in vrbe Româ: qui si verus, aut
tollimus iter, aut certè protollimus in tempus Veris. Sed tu
interea quando ad nos? credo Breugelium Consiliarium hîc fu-
turum intra septimanas paucas, vellem te cum Hartio nostro
vnâ. & in tempore aduocabo, ac scribam. Vale mi optime, mi
fidissime Oudarte. Louanij, IIII. Nonas Iul. ∞. IO. XCIX.

EPISTOLA XLVII.

Antuerpiam.

ÆGIDIO SCHONDONCHO Sacerd. è Societate Iesu S. D.

* animi
mordacem
sermonem.

ACCEPI primum tuum, sed herculè tristem & verè * *θυμωδ-
γία μῆθρον*. Itanc subito nobis Liuiocius noster? ille, vt mihi
videbatur, fortis, & nec annis grauis? Nescio quod meum fatum
est, qui in triluistri pænè morbo supersum tamen omnibus vete-
ribus amicis. Bonâ fide, pauculi ex iis superant, & vides me
Priamum aliquem esse. His exemplis an non inciter ego, aliique
ad veram Philosophiam, id est, * *μαλίστῳ θανάτου*? Ita enim, & re-
ctè, de-

* medicæ
rationem
mortis.

Etè, definierunt : qui non facit,

* *Ἀφ' ἧς δὲ καὶ ὁ γὰ, καὶ ἐπιδυνὸς πῶλεϊ αὐτῇ.*

At, ô mi Schondonche, quàm me inter ipsa illa tristitia lætificauit tamen, & suauiter titillauit tuus amor? Rem dico. notus ille quidem mihi antea; sed nunc denique scripto, & chirographo consignatus. Quæso te, deinceps mihi facito affectu non minore; sed restrictiore iudicio: cui fratrium à ratione da, nec sic admitte in meas laudes. Ego, ego me noui, ipsum interiorem Lipsium, quantus est: &, iuro tibi, non esse ad modulum, quem formas. Sed tamen habe, si voles:

* — *τίς αὖ φιλονεικῶν μελετῶ;*

neque enim ipsum illud iudicium aliud, quàm aut Amor, aut proles eius est. Ego hunc in te habeo, habebò: quid ni tanto beneficio affectus? Neque enim fileo, & cordi huic carum fuit, Votatua in COTTIDIANO AVGVSTO SACRIFICIO promeâ salute interponi. O sic perseuera. & de corpore parùm est, quod mihi videbatur paullatim ** τήκεσθαι*: sed pro animo isto interpone, id est, æterno, apud Aeternum. Vale, mi R^{de} Pater, quem animi brachiis amplector, & vnâ P. Scribanium Rectorem. Louanij, x. Kal. Feb. ∞. ID. XCIX.

* *Is demè,*
* *et nec se-*
* *missis ho-*
* *mincio mi-*
* *fic.*

* *et quàm*
* *sic fugere*
* *amanti?*

* *et abesse.*

EPISTOLA XLVIII. *Antuerpiam.*

HENRICO VWENO *J^{to}* S. D.

PEC CAREM, & ipse me non accusarem sed damnarem, si te consilij expertem haberem, quod res meas & ipsum adeò me tangit. Noui animum & curam mei: ideoque iure ad te hoc defero, non vt consilium tamen, sed vt assensum petam. Vides ex hoc ipso, quàm decreuerim. & ita est: res eò venit, vt bonis votis prosequi iter meum amici debeant, non monitis aut cautionibus morari. Vt verbo dicam, addixi Principibus viris me in Italiam venturum: nec ea fides aut promissio, non dicam eleuari, sed tardari debet. Cur fecisti? inquires. Multa inuitabant, ipsi illi primores viri, & nimis in me amici; sed religio maximè, quæ à Bonifacio VII. recepta, culpas omnes in illo anno sacro & Lustrali expiandi, qui nunc instat. Ad hunc vocabar: cur recu-
sarem, quod vltro appetere debebam? Non ad lectiones aut mu-

nera publica iinus, sed ad pietatis munia. ne nomen reuocet, qui illam amat. Valetudo etiam mea si cui curæ est, eodem vocat: & spero planè per hanc locorum, hominum, consuetudinis mutationem, aliquid mitigatum iri perpetem illum languorem nostrum, si non sublatum. Quod suspicetur aliquis de emanatione: testor Deum nihil esse, nec illos petere, aut me agitare. & cur facerem obliquâ hâc & improbâ viâ, qui potui rectâ & apertâ? Scis vocationes meas plures in eum tractum: semper spreui, & animum ac pedem in patriâ meâ fixi. Eadem nunc mihi mens. sed peregrinari lubet, & ignauiam aut veternum motu aliquo discutere, quod corpus & ingenium hoc habet. Dic tu sodes, triginta iam annos amplius aut docui assidue, aut scripsi: & pauci menses non dabuntur ad requiem aliquam, & leuamentum? Ipse Sisyphus in fabulis, qui perpetui laboris damnatus, suspendit tamen Orpheo cantante suum saxum: liceat mihi paullisper calammum & linguam, ad præconium & carmen hoc sacrorum. Pontifex nos vocat, ad sacra *non visa, non visenda*: ego eo, qui liber & sine familiari onere sum, solâ vxore non volente fortassè, sed nec renitente. Habes consilij mei summam: sed quando in rem dandi? Iam sub Autumnum instantem, & September initium viæ mihi erit. Lubet enim paullò citiùs, vt hieme & frigore potiùs, quàm vt in æstu veniam: denique vt Vere pròximo etiam reuertar. Emanatio enim mea tota quinque aut sex mensium erit: si Deus tamen volet, id est si Italia aut Roma sepulchrum mihi non erit. Parce malè ominari, inquires. Nihil mali est, mors hic & ibi imminet: nec mihi triste, apud amatam meam Romam vel cadere, vel condi. Sed spero patria iterùm me videbit, vtinam lætum ipsa læto vultu, & tristitia ac squallor hic bellorum abierint, quæ nunc eam faciunt! Tu salue mi Vvete, ante abitum etiam vidende: & hæc, si commodum est, cum Robiano nostro participa, cui volo scripta. Eidem ex animo salutem. Louanij, XIII. Kal. Maijas. ∞. IO. XCIX.

EPISTOLA XLIX. *Antuerpiam.*AVBERTO MIRAEO, *Canonico.*

QVOD dicis, ita erat. distinebar sanè Bruxellæ, aut potiùs distrahebar, & amicorum beniuolentia me nec mihi permittebat. Ferendum fuit, & vides quàm optata etiam bona sæpè nocent. Quid amicitia melius? si in plures nimis diffusa, turbat, & quod vtilissimum in vitâ est Tempus, eripit aut partitur. Simile in famâ. quam bonam omnes boni volumus: si creuit, & latè se sparsit, pondus vt tucare adfert, & illi non tibi tantùm viuis. O quàm omnia modica optima! & inhi semper id votum & studium etiam fuit, litus legere, vela in altum non dare: & tamen aura aliqua blandiens aut insidians sæpè prouexit. Vereor vt in Italico itinere simile. ad quod amici & magnates illi viri benignè & acriter sæpè prouocant: sed mihi quis fructus, nisi distractio fortassè, erit? Ego tamen constitui, & spopondi: etsi valetudo mea indies tenuior tardat, & ancipitem interdum animi facit. Deum inuoco, vt immittat quod è re & salute nostrâ erit. Quod ad te mi Miræ, gaudeo Antuerpiæ iam esse, honesto loco, inter honestissimos optimosque viros, & florem (ita res est) in eo opido Belgarum. Nec enim ipsum solum eminet elegantia aut splendore, sed & ciues atque incolæ, nescio quo genio, ad bona & honesta eximie inclinati. Me quidem versari cum iis & iuuat semper, & iuuat: nec locus est vbi animus hic magis se explicet, & latius libentiusque diffundat. Itaque benè & ex meo voto, te illuc esse: quod addis de studiis & exercitatione tuâ quam paras, valdè approbo, & toto animo illuc hortor. Ad conciones inquam. quò & pietas ac tua professio vocat, imò & me iudice ipsa Natura: quæ suauiter & grauitè dedit cloqui, nec sine motu auditorum. Delectabis, excitabis, inflammabis: vt specimen ego in te hîc vidi. Quid autem aliis gratius, tibi honestius potes facere? ipsa ianua est ad famam & gratiam: etsi ea finem non habes, scio, sed ad salutem aliorum hæc quoque accedent. Rogas, quos legere ad hanc rem suadeam. Egone? extra meum campum, & velut oleas, me ducis: tamen liberè, & quia inspexi etiam factorum illos auctores, dicam. Mihi inter omnes Græcos placeat Chrysostomus lectus: qui copiam, varietatem, figuras &

flexus sermonis dabit; denique & ornamentum grande, & quod plausus mouet, similitudines atque imagines, quibus scatet. Inter Latinos, Bernardus me capit. & vsum habet excitandi, ob acrimoniam vbique & calorem; tum etiam docendi atque imprimendi, ob sententiarum acumen, quas crebrò & salubriter misceat. Sed hæc alij tibi meliùs, aut certius: vnum tamen perpetuum iudicium meum te non celo, quod est, vt mores in concionibus spectes & formes, potiùs quàm dissertatiunculas aut altiore doctrinam. Mihi crede, hoc expedit, imò verò necessarium est, si vnquam, in confuso & vitioso hoc æuo. De religione satis multi loquuntur, pauci vitâ exprimunt, & mores à professione discordant. Ille vir est, ille Deo plenus, qui formabit & corriget: nec Ecclesiæ solùm, sed Reip. optabilem operam nauabit. Deus tibi det velle, & posse, & me amare. Louanij, prid. Nonas Iulias. ∞. I. C. XCIX.

EPISTOLA L.

Antuerpiam.

ANDREAE SCHOTTO, Presb. Soc. Jesu S. D.

DE fratris tui filio quod repetis mi Schotte, id verò mihi curæ cordique est, & erit. Quòd ad nos appropere, nihil adhuc opus est: quia non ante medium Septembrem aut circiter, ituri sumus, si tamen ituri. Dubitas? inquires. Dubium me facit tum morbus, qui in Italiæ finibus acriter incipit grassari; tum & mea valetudo tristior tenuiorque facta, vt à vobis discessi. Calidè aut temerè aliquid facere, ratio me vetet, etsi animus valdè impellit. Itaq. videbimus, & pro re ac tempore consilium capiemus. *Itinerarium* tuum ad finem spectare gaudeo: de SENECA patre autem quid amplius, præter dicta, dicam? Edi aut tua, aut ipsum cum tuis approbo: sed vt ego aliquid nunc conferam, vix est in meâ manu. Languor me habet, & harum rerum tædium, nec ad studia aut cogitationes istas adsurgo: ac ne debeo quidem. Libellos tuos remitto. Saluto amanter P. Rectorem, & P. Schondonchum, semper meos. Certè viros amo & colo. Louanij, postrid. Idus Iul. ∞. I. C. XCIX.

EPISTOLA LI.

*Antuerpiam.*IO. BAPTISTAE PEREZIO BARONIO *suo* S. D.

TE quoque, ut video, in parte perculit hæc itineris nostri dilatio, an omissio dicam? Sed causas tamen iustas vides: siue illas publicas, siue hanc priuatam Valetudinem, & quæ me tangit. Fateri debeo, animo me validiorem quàm corpore esse, atque illum agitare & concipere, quæ suscipere atque exsequi negat istud. Meâ quidem causâ nihil moueri in totâ re decet: quid enim non visum (homines aliquot excipio) videndum mihi? sed vestrâ voluisssem, quibus dux & quasi mystagogus esse potuisssem ad penetralia Italorum. Nunc cum Deo aliter visum, & velle, non posse, mihi detur: quid nisi tam suauiter acquiescam, quàm si numquam ea cogitatio animum occupasset? Mi Baroni, hæc summa vel vna potiùs sapientia, Deo & fati obsequi, & infixum habere animo, ab illis dirigi, atque etiam perfici, molimina omnia nostra. Adspirat ille ab alto ventus? vela pando & nauigo: ponit aut se vertit? contraho eadem, & sisto aut flecto. Vitæ longum iter (ita esto) tibi restat: sed semper incertum, turbidum, nisi semel decreta tua ad æternum illud decretum ligas & aptas. Quod vult, velimus; quò ducit, eamus: & nisi facimus, trahendi nihilominus aut impellendi. Sed satis philosophiæ: de ipsâ re, vereor ut multæ mihi etiam à Romanis machinæ & concussionibus. iam recenter vna, à peritâ & forti Baronij Cardinalis manu directâ. Inuitat valdè benignè, & hoc vrget ut veniam ad facta loca & annum, vel in alienum exemplum. Si ætas esset aut vires pro animo; res facta erat, neque deliberandi aut cunctandi locus. Cum me intueor, collabasco: & maximè, quia experimentum iam mei aliquoties feci. Sicut lunonia auis, ubi colorem & plumas circumspexit, sibi placet & fidit; deiicitur, cum ad pedes se deiicit: tale est mihi, animo valeo & præfido, languesco cum ad exteriorem hominem me conuerti. De fratre quæ scribis, grata sunt; & ut solet in præteritis malis, suauis est passum esse. At Hispaniæ etiam illam partem, sanè florentissimam, luctentari, hæctenus nobis inauditum erat. Quid parat ille mundi rector? Europam bellis, morbis, & omni aliâ medicinâ purgare & curare? De curatione, ô ita esto: purgationum iam diu affatim,

vt nostra quidem iudicia sunt & vota. Sed ille, quod volet, faciet: te, mi Baroni, tuosque seruabit. Ad patrem scripsi: auo tuo, & adfini Marco Ant. Perezio, item Rokoxio salutem multam per te dico. Louanij, 111. Kal. Sextil. ∞. IO. XCIX.

EPISTOLA LII

Leodicum.

IO. CHOKIERO S. D.

EGO & reditum è Galliâ tibi gratulor, & de constantiâ affectus tui in me non nego etiam gaudere. Gratum & volupe est, eos qui in curâ aut disciplinâ nostrâ fuerunt, habere beneficij memoriam: quod nimis facile hæc iuuentus aut elabi patitur, aut ipsa abiicit & fastidit. At qui meliore mente & indole ad virtutem sunt, ij verò aliter: & gratiam præceptoribus suis animo debent, atque hoc ipso habent referuntque. Quid enim præteream volumus? & hoc quoque, vt scalarum hos gradus ad Sapientiæ collem magis magisque scandatis, donec ad verticem illum veniatis, in quo lux & tranquillitas est, & despectus simul & despectus rerum terrenarum. Te iam promouisse, & pænè peruenisse, spero mi Chokiæti. quem Gallia illa, bona ingeniorum altrix, aliquandiu habuit, & in maturiore ætate tuâ ad iuris & ciuiliū rerum prudentiam formauit. Vidisti insignes viros, scio: sed & desiderasti insignes, quos vltima hæc tempestas belli abstulit, & eminentibus aliquot titulis Galliam priuauit. Nisi quòd viuunt etiam nunc tamen in animis & in scriptis: & detractâ inuidiâ, solâ laude noscuntur. Ad eorum exempla te voco, ad mei amorem hortor: quem scito me tibi reponere, & paria facere ac facturum in affectu. Louanij, pridie Idus Septembr. ipsâ horâ quâ tuas accepi. ∞. IO. XCIX.

EPISTOLA LIIL

Antuerpiam.

ANDR. SCHOTTO S. D.

ECCE, mi Pater, quod Velfero non ipse, sed pro me ego respondendi. Et si quid opus causas quærere? vtinam ne vna, vna nimis obuia, nimis certa, nimis fontica esset, valetudo. Quam si quis in leui habet aut spernit, cum: cur mihi audiendum putem, non

non video. Cur igitur suscepisti? quia spes impellebat, quia pietas inuitabat: & ista manet, illa defecit. dum leuibus peregrinationunculis periculum mei feci, & video non esse ad quadrantem, aut si minus dicam, longæ illius viæ. Hæc seriò ita habent. Quid causa altera, & emanendi metus? Sepone, inquis: nemo inuitum. Hoc scio: sed parùm reniti me, & sequacem naturâ esse, hoc quoque scio. Ad summam, mutare melius, quàm periclitari: si quis de inconstantia obiicit, in tali re non moueor. haud magis quàm si Bruxellam ire constituissem, & omissem. Cuique sua iudicia, mihi in me mea: & Homerus communiter hoc prætendat,

* ——— *ἐρεῖται γὰρ τι φέρεται ἰσθλῶν.*

*. hominū
mentes mu-
tariet ap-
ta.

Satis de itinere. De SENECAE Notis, benè est: & scis iamdiu meum sensum. Ego in Philosophum paro *Commentarium perpetuum*, & iam in parte affeci. Sed ratio diuersa erit a priore in eo genere, in quo plus aliquid ambitus, aut pompæ; hîc rei non minus, plus breuitatis, & simplicitatis. Videbis & censebis. *Bargem De obeliscis* si non misit, vbi sepofuerim, nescio. Perisse non potest, & excutiam scrinia omnia in otio primo. Quæso, sustenta. Pantinus rediit, libellos aliquot, & litteras à Couarruiâ ad me tulit: sed libellos tamen nondum misit. Bruxellam autè ego non vidi, & quanquam Principum meorum reuerens & cupiens, tamen sine officij fraude censui vnum caput in tot millenis posse abesse. Domus, quies, SENECA me habuerunt. Vale mi Pater, & RR. PP. Rectori & Schondoncho S. multam dicito. Louanij, Idibus Septemb. ∞. ID. XCIX.

EPISTOLA LIIII. *Antuerpiam.*

NICOLAO ROKOXIO, V. N. & Senatori.

BARONIVS. noster tuo nomine munus libri mihi obtulit, in quo collectæ Romanæ aliquot Antiquitates. Negem mihi gratum fuisse? mentiar. delector & re ipsâ, quæ iamdiu animum hunc cepit: & tuâ beniuolentiâ, quam hoc quoque indicio ostendis. Enimuerò sperabam, & iam decreueram, oculis istis visa illa olim monumenta reuisere: vtilius haud dubiè atq. etiam iucundius, quo maior mihi nunc aliquis eorum intellectus: sed.

Deum:

Deum & Fata noluisse palam video, quæ sub idipsum tempus imbecilliores solito me fecerunt, & nec nunc ad vires pristinas resurrexi. Itaque sepono vel nolens hanc cogitationem: in patriam meam acquiescam, & beniuolentiam vestri similitum: addam & studiorum illud oblectamentum, nunquam omissum mihi, & nunc cum metæ appropinquare me video, acrius in seuerioribus libris amplectendum. In iis SENECAM elegi, breui à me dandum, si Deus adiuuet, clariorem & meliorem. Vale Vir Nobilis & Cl^{me}, & in affectu erga me, qui mutuum facio, perseuera. Louanij, VII. Kal. Nouemb. ∞. ID. XCIX. D. Perezium saluto.

EPISTOLA LV.

Montes.

FRANCISCO BVSSERETO, *Episcopo Namurcensi designato.*

ET priuata & publica mihi ratio est, gratulandi hunc honorem, quem non tam Principes, quam Deus, meo sensu, videtur tibi contulisse. Priuatim quidem gaudere me in honore eius, quem amicum mihi sensi, par est: & publicam patriæ causam magis, cui subsidia ista opus talium virorum, & in concussio hoc rerum statu velut noua munimenta. Vt cælo sereno, & mari quieto, minor cura aut inquisitio de gubernatore est: quibus panem sufficit: at turbido hoc & illo, virum nauis quatit, veterem clauis & peritum: sic nunc dixerim, in procellis nimbisque quibus religio pariter & respublica iactantur, magni interesse quem in curam tutelamque eius arcessi videamus. Videmus te, & boni omnes gaudemus: qui præter scientiam, vsum rerum tractandarum adfers, & quod caput est, puram illam & cum candore virtutem. Hoc qui te norunt, de te loquuntur & sentiunt: hoc vulgi voces, & illa

—— *folles deprehendere semper Fama duces.*

Cui parem, imò superiorem te fore, & auguror, & opto, & intimis animi vocibus Deum precor. qui te Reu^{me} Domine, tui similem seruet: in quo voto alia, & epistolam ipsam claudo. Louanij, III. Kal. xbres. ∞. ID. XCIX.

Guilielmus Wargnerius, olim meus, nunc Sacerdos & Canonicus in æde D. Petri, gaudium suum per me profert, & obsequium offert.

EPI-

EPISTOLA LVI.

AD CONTYBERNALES SVOS,

*Franciscum Oranum.**Jo. Baptistam Perezium Baronium.**Guilielmum Richardotum.**Antonium Richardotum.**Guilielmum Scarbergerum.**Cornelium Anchemantum.**Ioannem VVouerium.**Baldwinum Junium.**Philippum Rubenium.**Hubertum Audeiantium.*

Vos verò mihi de Equis etiam molesti estis; quid? ut alam equum, voluptati & valetudini: quid? ut exemplo canum, etiam laudem. Itane grati? & hoc scriptione meâ nuper merui, ut à negotio ad negotium vocer? Tamen durum negare vobis ita cupidis: saltem hoc alterum. nam illud prius arcæ non chartæ res est: & hanc potius impleam, quàm vacuefaciam illam. Ergo iterum ad ludos, & verè Circum: in quo Græco Romanoq. ritu equi nostri currant. Quid de iis dicimus? semper in vsu & pretio fuisse: nec aliud animal, ex quo homini plus visionis aut commodorum. Canis venatur, amat, propugnat: hæc ipsa omnia Equus. & quid præterea? terram arat, plaustra trahit, hominem vehit, nuncios & litteras defert, cursus & ludos exhibet: atque ista & plura in pace. At cum Mars tubam insonuit, caput & aures erigit, terram pedibus pulsat, & in militiam vltro nomen suum donat. Illic armatum virum ipse armatus in aciem defert: eam impetu perumpit, aduersos pectore, capite, pedibus sternit; ore lancinat & mordet. Enimvero Mamalucorum nuper in Aegypto equos sic doctos tradunt, & velut fida quædam auxilia commilitasse. Sed & Plinio scriptum, armigeri aut satellitis munus aliquando subisse, & tela ore porrexisse ac suffecisse. Iam summa utilitas, in ipsâ fugâ. Illi persequuntur, & assequuntur, imò præueniunt: sistunt, cingunt: & absq. iis, quis summam manum & optatû finem bello imponat? Iure igitur hoc animal Marti sacrum, & ei Romæ & in Oriente passim, grata victima, immolatum. Ista vniuersè: magis partitè etiam de Ingenio, & Fide videamus, & Pietate. Ingenium eorum, pænè ad hominis. audeo hoc dicere? mecum vetustas, quæ adeò adsidere nostræ naturæ voluit, ut etiam iungi posse & misceri. Centauros nōne illi formarunt ex

K K

equo

equo infero, & supero homine? Itaque docilitas eorum mira, & ingenia, ut Plinius loquitur, *inenarrabilia*. Frænum ore, equitem dorso suscipere; stare, vertere, minuere, augere gradus, ad leue fræni signum. Quid fræni? imò vocis, aut virgæ. De Numidis, certum est, etiam in militiâ equis infedisse & pugnasse sine fræno. Atquin bonus & terribilis, atque adeò pænè exitiosus Romanis, iste equitatus. Claudianus de iis:

—— *sonipes ignarus habenæ:*

Virga regit. Silius:

—— *Numida, gens inscia fræni,*

Quæis inter geminas, per ludum mobilis, aures

Quadrupedem flectit, non cedens virga lupatis.

Idem Herodianus, idem Strabo tradiderunt: ne poëtarum hæc censeatis. Iam verò & inclinare se adscensuro docentur: imò submittere & velut adorare. Dio Cassius auctor, Traiano, cum in fines Parthorum venisset, oblatum à Satrapis equum, doctum venerari hominem, & ritu adorantis, flectere anteriora genua, capite ad pedes antestantis submissio. Quid, quòd gesticulari, saltare, conuiuari, & decumbere, Pyrrhicas edere, & quæ ipsi homines ægrè exprimant, in theatris olim sunt visi? Plutarcho motus hoc accredat aliquis: sed quis non Iulio Cæsari Scaligero, nouello & oculato testi? *Equum pusillum*, inquit, *deformem circumducebat agyrta quidam, cuius iussu, atque etiam solo interdum nutu, miræ ille faceret. Ambulare, succussim properare, currere, saltare vel quadrupes, vel bipes. Vinum bibere*, inquit, *vidimus, in clunibus sedentem anteriores pedes ad pateram ferre. Peluim siue malluium cruribus sustinere, quasi à tonsore lauaretur. Humo se sternere, proiectum atq. etiam porrectum iacere: ciliorum compressione annuere, caput ad heri nutum tollere, in terga vertere: supinus ostendere, quo sita mulier virum admittat.* Ridere vos video: audite & historiolum cum risu pariter, sed & tristitiâ mixtâ. Sybaritæ olim deliciis & luxu perditæ, vel pro uerbio locum fecere. Inter alia, isti equos ad suefaciebant in conuiuium venire, saltare ad tibiam, pedes anteriores tollere, iisque vice manuum gestus certos edere, velut peritos quosdam cheironomantas. Fors fuit, ut tibicen quispiam, contumeliâ affectus, ab eâ vrbe profugeret ad Crotoniatis, eorum tunc hostes. Desert ingenium & operam, effecturum se ut potiantur Sybaritarum,

tarum, fraudire & sequi se velint. Factum est, copias colligunt, in hostem eunt, tibicine illo duce; qui plures eiusdem artificij apud se habebat. Contrà Sybaritæ exeunt, fiduciâ & fastu pleni, quòd equitatu satis præpollerent. Vicinæ iam acies, & ducis illius iussu vniuersi tibicines certis modulis conspirant: equi Sybaritarum iis agnitis sese erigere, sessorum excutere, & sollemne domi tripudium etiam in acie exhibere. Hostes vi ingruunt, capiunt equites iacentes, & iuxta equos saltantes. Hoc olim: sed & ingenia sua in Circo probarunt, populo Romano spectante. Claudij Cæsaris ludis sæcularibus, excusso carceribus aurigâ, ipsi sponte visi currere, oppositos vitare aut offendere, circa metam peritè flectere: denique septem spatiis legitimè confectis ad metam ipsam stare, quasi palmam poscentes. Et omnium iudicio meruerant: aduersariis tantum dolentibus, & cum pudore indignantibus, *artes hominum* (ait Plinius) *ab equis victas*. At de Fide etiam videte: quâ dominos suos noscunt, adherent, amant; viuos tuentur & seruant, mortuos etiam propugnant aut vleiscuntur. Exempla, id est testimonia, hæc occurrunt. Primum de Bucephalo Alexandri, ob nobilem illum regem ipsum nobile & notum. Agellij purissimis verbis id referendum est: *Equus Alexandri regis & capite & nomine Bucephalus fuit. Emptum Cares scriptis talentis XIII. & regi Philippo donatum: aris nostri summa est sequestertia CCCXII. Super hoc equo dignum memoriâ visum, quòd ubi or-* * 7300.
Philippi
circiter.
natus erat, armatusque ad prælium, haud unquam inscendi sese ab alio nisi à rege passus sit. Id etiam de isto equo memoratum est, quòd cum in eo insidens Alexander bello Indico, & facinora faciens sortia, in hostium cuneum, non satis sibi prouidens immisisset, coniectisq. vndique in Alexandrum telis, vulneribus altis in ceruice atque latere equus perfoffus esset: moribundus tamen, ac propè iam exanguis, è mediis hostibus regere vinacissimo cursu retulit: atque ubi cum extra tela extulerat, ilicò concidit: & domini iam superstitis securus, quasi cum sensus humani solatio, animam expirauit. Tum rex Alexander, partem eius belli victoriæ, opidum in iisdem locis condidit: atque ob equi honores Bucephalon appellauit. Hæc ille: sunt alia. Seuerus Imp. cum Prætorianos altu circumuentos exarmasset, quòd Pertinacem deseruissent & occidissent: & qui inter eos equites, iuberentur deferere equos: fuit vnus, cuius equus retineri aut sisti non potuit, & quamuis ille re-

pelleret, identidem tamen sequens & adhinniens, dominum ita
 mouit, vt gladio educto illum seque interficeret: & (addit Dio)
equus ille spectantibus visus est libens letusque cum domino mori. In
 bello Punico secundo, graui & grandi illâ Cannensi clade, eques
 Romanorum Cloelius fuit, atque is in ceterâ turbâ, vulneribus
 confectus, pro mortuo relictus. Manè factò Annibal pugnae lo-
 cum petit, siue vt spolia reliqua sui legerent, siue vt ipse oculos
 atque animum immanem spectaculo tristi pasceret. Iacebant la-
 cera corpora, trunci artus, truces caesorum formæ, mortui semi-
 mortuis mixti: atque inter istos Cloelius, qui ad strepitum caput
 a linguam mouens, extremam vocem cum gemitu effudit. Ag-
 nouit equus, quem captum Numida iuxta Annibalem inside-
 bat. Aures arrigit, & acri hinnitu edito prosiliens, fessorem hu-
 mo sternit. Currit per cadauera, per arma, & in ore domini iam
 mortui consistit. & cum mouere non videret, ipse collo inclina-
 to, armisque submissis, vt solet, inuitat ad scandendum: diro illo
 Annibale etiam miserante, & fidem animantis demirante. Re-
 centius exemplum Germania suppeditat, illa equorum viro-
 rumque bona nutrix. Inter dissidia ciuilia anno ∞. LXXVI. cum
 Saxoniae Principes pacem victi inissent cum rege Henrico, atque
 obsides etiam dedissent: fuere inter eos duo puelli, Vthonis &
 Dedi Marchionum filij, longè adhuc à pubertate. Ij custodie-
 bantur in arce quâdam, sub Eberhardi custodia regij ministri.
 Apud quem parentes munusculis euicerant, & ipsa teneræ ætatis
 misratio, vt pateretur eos ne tædio aut desidiâ tabescerent, in-
 terdum circa arcem vagari, ludere, equitare, etsi vix firmiter
 etiam possent. Accidit vt venatum ipse iret, istis comitibus. Fe-
 ram excitant, persequuntur cum calore & clamore, vt fit, puellor-
 um oblici aut negligentes (quis enim in eâ ætate fraudem hanc
 speret?) illi cum solos se vident, mutuò alloqui, & adhortari ad
 fugam. Faciunt, equos admittunt, locorum hominumque igna-
 ri, tandem ad Mœnum fluuium, Deo duce, deferuntur. Ibi na-
 uiculas piscatorum conspicati, rogant admitti, & Moguntiam
 transuehi: pretium chlamydulas suas offerunt, quibus amicti.
 Piscator trepidationem eorum miseratus, & de nobiliore stirpe
 ex habitu coniectans, equis delapsos suscipit, in cymbam impo-
 nit, abnauigat. Quid equi? dominos non deferunt, imperu flu-

men tranant, & in vltiore iam ripâ, gressum admoderantes cymbam sequuntur: ita vt cum eunte irent, cum sistente alibi sisterent; atque id per plura millia Moguntiam vsque. vbi domini eos, dominos cognatus Episcopus hilariter excepit. Dicite, an non humanas animas infedisse hæc pectora credetis? Atque ista fides in mortuos etiam perseuerat. Plinius: *Amisso lugent dominos, lacrimasque interdum desiderio fundunt.* Virgilius de Pallantis occisi equo.

— *positis insignibus Æthon*

It lacrimans, guttisque humectat grandibus ora.

Fons istorum Homerus, qui Patroclo occiso canit:

Ἰπποὶ δ' Αἰακίδαο, μάχης ἀπὸ δαδῶν ἰόντες

Κλαῖον, ἐπεὶ δ' ἠ' περὶ τῶ πύθιδ' ἔλωτο ἰόχαιο

Εὐ κοίῃσι πέσσοντος ὕφ' Ἐκτορ ὅς αἰσχροφόνοςιο.

O affectum mollem, & minimè brutorum! At in Plinio vindictæ cupidinem etiam legi. qui scribit, Antiochum regem, cùm proelio Gallos fudisset; Contareti ducis, qui ceciderat, equum insigni specie conscendisse: atque hunc indignatione accensum, spretis lupatis, in abrupta isse, scque & equite vnâ afflicto. Item: occiso Scytharum quodam regulo, singulari pugnâ & ex prouocatione: cùm victor ad spoliandum hostem accederet, ab equo eius morsibus calcibusque confectum. Habetis & stupetis in Fide: accipite Pietatem. Propriè sic appello. nam in parentes & cognationem mirificâ sunt reuerentiâ, vel affectu. Gallus, bos, ovis, ipse canis matrem init: iste abhorret, & iura naturæ sancta habet. Aristoteles prodidit, Scytharum regi nobilem equum fuisse, & pulcherrimæ sobolis semper matrem. eâ causâ motum regem, vt filium generosum matri admisceret, atque ita stirpem auget: sed illum, etsi incitatum à prorigâ, recusasse. Cùm autem placuisset regi matrem, vt imprudens superueniret: factum quidem, sed mox detectâ & agnitâ, flagitij impatientiâ fugam properasse, & per abrupta se præcipitasse. Simile in Hispaniâ Bati-câ nostro sæculo. Equus inter optimos, vnguentis & lenociniis inductus ad matrem incestandam, cognito crimine, morfu sibi ipse naturam, cum magnâ adstantium admiratione, abrupit. Alibi, ipsum prorigam, iustiore omnino vindictâ, legimus ab iis interfectum. Sed & erga sorores notitia & amor, libentiusque in

• *Acacida
sed equi,
paulum à
pugnâ inde
remoti,
Elebant, ut
primâ au-
rigam no-
uere per-
emptum
Eleboris
mânsibus,
deiectum in
pulvere
feda.*

co comitatu iugum ducunt. Hæc pietas fortassè , tum & mira promptaque obedientia effecit , vt in ipsis Sacris libris *Equi & Equitatus*, piorum animas significant : quæ dominum videlicet scissorem rectoremque accipiunt , neque ex suâ libidine, sed eius arbitrio , flectuntur. Imò & eadem fortassè potentes diuinandi fecit: cuius rei vetera & noua exempla. Homerus , super omnes mystas naturæ arcana perdoctus , facit Xanthû Achillis equum instâtem ei mortem præfari. Cæsaris equos, quos ad Rubiconem fluuium liberos dimiserat, & sacrauerat, insidiis in eum paratis & mox patratiss, per aliquot antè & post dies pertinacissimè pabulo abstinuissè, & vbertim flessè , compertum est. Valentinianum Principem pridie quàm periret , consuetus non admisit equus, præter morem ferociens, & pedibus erectis repellens. Quod ille indignatus, stratorem militem, quasi eius culpâ factum , volebat occisum. Illustrius hoc prodigium in Alexio Imperatore Byzantino, qui cùm fratre Isaacio deiecto, & excolato, imperium inuasisset: numine parùm piè salutato, è templo veniens, equum Arabicum, inter auspiciorum pompas, Principali ornatu, parabat inscendere. At ille subduxit, & ore auribusque fremens, oculis sanguineum micantibus, terram pedibus pulsans, eosdemque anteriores attollens, tergo recipere dedignatur scelestum & paricidam. Vt verò multis adstantium poppyssimis, & ceruicis palpationibus visus ferociam remisissè, Imperator subitò in eum se iecit, & frænum prehendit. At ille, quasi deceptus, & scissore quem nollet recepto, cum claro hinnitu in pedes assurgit, nec destitit bacchari & concutere, donec coronam gemmatam capite eius (quæ & fracta est in parte) atque ipsum dorso excussit. Nec fides prodigio defuit, Alexij imperio turbido, & mox ipso depulso. Sed & ego diuinationis aut prudentiæ signum in equo, meâ salute, cepi. Anno . M. CC. LXX. iter in Sequanos institui, adulto iam Autumno. Solus cum famulo eram, viâ ignarus: atque ille casu carrucam repertam conscenderat, laboris leuandi causâ. nam pedibus ibat. Venio vespere iuxta Clareuallè oppidulum, in limite Sequanico: flumen Dubium à parte dexterâ video, inflatum, & ripas ac viam supergressum. Parte sinistrâ rupes altior & abrupta erat, quam perpetuum iugum pænè opido continuabat. Quid facerem? via deserebat, (aquis vt dixi tecta)

& ta-

Iliad. γ.

Æmilian.
xxx.

& tamen iuxta rupem ferri prior orbita ostendebat. Serum redire & quærere, nox imminebat. Animum obfirmo, equum immitto, & rupi quantum poterat admoueo, vt dextrum flumen vitatem. Ille recusat, & obluçantem etiam dextrouersum paulò ducit. Emergo denique trepidus & madidus. sed incolæ, qui ab ipsâ portâ viderant permeantem, consensu dixerunt, si propius rupem accessissem, actum de me & equo fuisse: quia fossæ illæ & voragines, non peruadendæ. Satis, an receptui canimus? an etiam aliquid de exteriori facie habituq. Equi adiungimus? opportunum videtur: & species quorundam satis est noua. Iulio Cæsari equus fuit *pedibus propè humanis, & in modum digitorum ungulis fissis. quem natum apud se, magnâ cura aluit, nec patientem seßoris alterius, primus adscendit.* Rudolphi I. Austriaci imperio, equus Basileam venalis adductus, qui bimus tantum esset, altitudine autem, viros plerosque supergrederetur. Indicatus fuit CC. marcis, venditus C. qui sunt *Philippici quingenti*, grande pretium in illo æuo. Sed magnitudine & formâ stupendum equum fama (nescio an ex vero) sed fama prodidit, & vestigia etiam nunc manent. In Artesiâ haud procul Lillerio Malanoium arx est aut potius fuit. nam ipsa per bella diruta, villa tamen & vestigia manent. In eâ Toparcha erat, qui studiosè equitium alebat, & ioco dicere solitus, Si equi sibi cornuti nascerentur, tunc denique ad bellum Sacrum (ea tunc militia vigeat) se iturunt. Euênit, & equus grandi formâ, cornibus eminentibus nascitur: cui supra vulgus etiam celeritas & vires. Saltus adhuc eius ostenditur pedum circiter LX. & columellæ defixæ sunt: quas Ill^{mus} Princeps CAROLVS *Dux Croius & Arschotanus*, loci nunc eius dominus, memoriæ & posteritatis causâ, iussit renouari. In Principis eius nomine finiam, quem vos mecum veneramini, alti animi, acris ingenij, & honestarum artium studiorumq. amantis. Lo- uanij, in communi domo nostrâ, III. Kal. April. ∞. 10C.

Suet. c. LX.
& Plin.

EPISTOLA LVII. *Antuerpium.*

F. FRANCISCO VILLERIO, *Ordinis eius Dini.*

FATEOR me libentem & epistolam tuam vidisse, & carmen. Vtrumque me docuit, te inter eos esse qui longè se penetra-
runt

runt in litterarum adyta ; & posse hac quoque accessione ornare studia tua diuinæ sapientiæ & pietatis. Hoc magis amaui in te , quia in ordine illo & sacro cœtu es, quem verè amo. At quòd de Carmine sic seriò sententiam meam quæris, habe . Ipsa inuentio arguta, elegans, ingeniosè aptata ; nec phrasis dissidet, nisi quòd genus ipsu carminis maluissèm aliud, & ex vsurpatis esse. Quòd obscuritatem accusent ; illis fortassè, qui vêtus nihil legerunt, nobis non est, qui scimus quò aspicias, & sensus aut verba flectas. En meum iudicium : sed affectum magis ad te mitto, & parem tuorepono. Vale, & precibus apud Numen me iuua. Louanij, v. Idus Ianuar. ∞. IDC.

EPISTOLA LVIII

*Antuerpiam.*HENRICO VVVENO *l^{ro}* S. D.

ANIMVS iubet scribere, & tua compellatio poscit: sed aura & glacians hoc frigus negat. Viden' liquorem etiam negare, & sub manu concreescere? pauca igitur. Laurentius tuus pro voto tuo est, imò vereor vt excedat, monendusque sit temperare sibi in studiis, quæ calidè nimis & assiduè tractat. De scriptiunculâ nunc meâ, cupio te ex Moreto nostro discere, ad quem misi & *Dissertatiunculam* (sic iure appello) & *Panegyricum Commentario* obiter illustratum : quem vtinam, bis vtinam, nostri Principes & capiant & legant ! Quid de æuo isto dicam, nescio: nouitia in pretio sunt, sed per ea quid boni, quid magni geratur, gerendûmve sit, nondum video. O sæcula illa & viros diuersa ab istis ! Sed mitto. puer ille Genialis tuus spem facit mutationis in melius : & libens equidem ista legi. De me si quæris, non est intactus animus superstitione (si ita appellanda sit) hæc credendi, aut certè obseruandi : & exitus docebit, à bono veracique Genio ista sint, an à falso & illudenti. A Genio tamen esse, conuenit : & Theologi hîc nostri (nominatim Delrius) ad exitum vsque iudicium protollunt. Illud ei non placebat de Nube : & ait obseruitalse, deteriores ferè Genios sic apparere. Desino, ab aurâ iubeor, etiam à Legatis, qui me exspectant. Cæsareos dico, quos redisse ad nos scito, reditum parantes, quo fructu ? eodem quo venerunt. O mi Vvvene, quàm quædam mihi non irvidentur,

dentur, quò Genius ille & nos velleinus! Sed Deum respicio, & ab eo auxilium posco, & tibi mi amice tutelam, Louanij, VII. Idus Febr. ∞. IOC.

EPISTOLA LIX. *Antuerpian.*

P. ÆGIDIO SCHONDONCHO, *Presb. Societ. Iesu S. D.*

EN, ad nostrum cælestem iuuenem, & ex vtriusque vestrûm voto. Ita inquam, vt in Italiam viam illi suadeam, faciam, atque etiam habitationem. Certè si quis Lipsio fauet aut vult factum; huic volet, ita calidè commendabo. Vnum illud de Præsidis filio excuso. nec enim potest, & familiam instruxit, & in viam iam se aut dedit, aut statim dabit. Hærebit etiam in Sequanis, rei suæ causâ, aliquot menses. De me, quòd subaccusas non venisse: quid facerem? vísitè vacuum? At ego SENECAM mecum volebam: & hætenus noluit valetudo, quæ tres iam hos menses à scribendo, & præne etiam legendo, arcet.

** Ζῆλος ὡς μίχα χροῖδος ἀτὴν ἐνδὸν βαρύν.*

Si internæ salutis expedit, hæc quoque externam precibus tuis mihi adiuta mi Pater. Louanij, III. Idus Iun. ∞. IOC.

** Me Deus
ille grauem
tristitiam
ligauit ad
Aren.*

EPISTOLA LX. *Antuerpian.*

R. P. ANDREAE SCHOTTO S. D.

CERTE mi Pater, res nostræ ancipites sunt, & quæ vel constantes etiam turbent. Me quidem non dolore solùm, sed præne indignatione adficiūt. Omnia sic regi aut nō regi? Et si Principum hîc nulla culpa, opinor, sed vel ministrorum, vel militum, vel temporû & fati, vt rem dicam, quòd acerbum incumbit Belgis. Patiamur, vt ais, & Philosophiâ nos muniamus. Facio equidem pro virili: sed de SENECA quod ais, & vt pergam; ita me Deus, vt mens & manus torpent, cùm hæc video, audio. & quis scriptionibus inter talia locus aut vsus? Valetudo etiam me cohercet, & non lubet frigore dedecorare si quid meliore igne scripsi. De Velsero autem quid narras? ego verò & librum misi iamdiu, & inter primorum primos, atque etiam tabellam scitulam adiunxi in quâ meus vultus. Nam ita petierat. tu quæso à Mo-

LL reto

reto inquire cui tradiderit, vt puto, eius actori : atque illum igitur, si opus, mone. me autem tui amantem, mi Pater, ama. Louanij, subitò & cùm auocarer, xvi. Kal. Iul. ∞. Ioc.

EPISTOLA LXI. *Antuerpian.*

ARNOLDO CORDESIO.

ECCE vir Cl^{me} inscriptionem sepulchralem, quam Prunio tuo, & olim nostro, libens merito composui. In laudes vbertim non me diffudi, quia nec decere illuc arbitror, sed nec expedire. Sicut pluuia leuis & modica faciliùs in terram penetrat, & humectat : sic laudes in animos, & adhærent. Eius, & tuâ causâ, siquid etiam possim, significa, id est, impera. Tuâ, inquam, qui heres vt opum eius es, ita & beniuolentiæ in me, quam largiter nuperrimè ostendisti. Itaque Plauti dicto,

Ego tibi omnia facta cupio, cupiamque, que voles.

Louanij, x. Kal. Sept. ∞. Ioc.

EPISTOLA LXII. *Antuerpian.*

CAROLO HOVIO S. D.

ITALICAS litteras iterùm tuâ operâ accepi : & gratas eas esse cur negem ? Hoc tamen nolim, oneris aliquid suscipi à vobis meâ tantùm causâ. Iuuat verò nunc audire, quæ in Sabaudiâ & illo Italiæ limite geruntur : atque vtinam audiamus tantùm ! Vtinam non spargant se scintillæ illius incendij, & Belgicam etiam nostram comprehendant ! Spero non fiet : aut aspero & duro bello conflitemur, atque etiam ambiguo, præsertim ambiguis animis popularium qui ad Galliæ fines eolunt. Scis eos abhorreere à bello, scis genti olim dominæ, nunc sociæ, parum etiam amicos. Sed Deus ille, tutor adhuc noster, hæc auerret, aut in melius, & præter spem vertet. De fratre tuo Francisco ecquid audis ? manet Romæ, an ad nos suos redit ? Ego istud mauelim, & suadeâ herclè : nisi fructuosa aliqua conditio aut certa eius spes, eum ibi tenet. Satis inspectioni, fatis & religioni datum. Sed hæc Mag^{us} parens tuus videbit, quem ex animo saluto. Vale mi Houi. Louanij, vi. Kal. Octobr. ∞. Ioc.

EPISTOLA LXIII.

HYGONAEIO GROTIO.

ARATAEA tua accepi, gratum huic animo munus. An non sic esset, cum patrem tuum, cum te cogito: quorum ille vetus mihi & discipulus (non abnuet) & amicus: tu in istâ ætatlâ (sic loquendum est) industriâ & ingenio effecisti, quod pauci in perfectiore illo ævo? Gratulor mi adolescens, gratulor: & animo ac stilo te excito, ut recto pede laudis hanc viam curras. Atque utinam, intimum meum desiderium, tranquillatis rebus fas te, patrem, patruum, & veteres ibi amicos reuiscere! suaue esset, & hæc quasi Lethe sopiat præteritos omnes dolores. Sed voti hoc, vix spei est: utique cum præsentem rerum faciem video: nisi quod, ut ille ait, *ἡ δὲ ἀδελφότης ἀνέβη εἰς θεός*. Is te, mi Groti, tibi modestiam, virtutem, famam seruet augeatque. Louanij, XVI. Kal. xbris. 66. IDC.

utrum in-
opinatarū
viam Deus
inueniat.

EPISTOLA LXIIII.

GERARDO BUYTEWECHIO Iste.

SCRIBO, etsi tardè, non meâ sed bonæ huius faminæ culpâ, quæ moras sic nexuit & tardauit. Pone tamen in lucro, quod scribam. adeo spei eius pænè omnis expers fui ante tres septimanas, cum acri morbo conficterer, & à fati limine paucos pedes abessem. Nosti ad siduum nostrum languorem: cui cum alia concussio accedit, deiicior, nec sum ferendo. Tamen, quæ Dei benignitas est, etiam surrexi, & ambulo, etsi animo ac corpore valdè fracto. Ad te cogitationes sæpè mittimus: & quo loco capitalis tua res, id est, coniugium? Tuos populares imitaris, & immunis vis agere ab omni iugo? *Fac si quid facis*, ait vetus verbum: & ætas te admonet, parentum & nostra vota. Tamen nequid temerè, & ut oculos habeat tuus Cupido. A nobis quod significem, nihil est: ne in publicis quidem, quæ si velim tangere, nec possim. Omnia quasi in vado quodam adhærescunt, & frigus & quies est, an prodromi beatæ Pacis? *ἡ ψυχὴ μὲν ἐλπίς*, *frigida spei*. ut aiunt Græci: & oculi mei claudentur, credo, priusquam lani nostri templum. In vestris siquid rebus est, tuis dico & amico-

rum, significa & nos ama. Ego te fideliter, & tuos patrem matremque saluto. Louanij, iix. Kal. xbris. ∞. Idc.

EPISTOLA LXV.

Antuerpian.

IOANNI BAPTISTAE BARONIO.

PLACET consilium parentum de mittendo te in Galliam, sine dilatione aut morâ. Quid enim in tuâ nunc vrbe facias, nisi oriri & vagari? In fructum hoc tempus cedat, & Gallicis rebus regionibusque detur. Scripsi ad Præsidem Thuanum, ut adire cum tibi fas & innotescere, qui est inter primores ibi viros. Ad Rolliardum nuper item: & eæ litteræ satis te commendarent. Aliàs ad alios, ut occasio scribendi erit. Quod superest, mi Baroni, te ne desere, id est, ab animi curâ & cultu ne ad vana & externa diuertere. Hæc interdum, & leuiter; illa plurimum & fideliter te habeant. quod gaudio, quod fructui tibi sit in æuum. Mores gentis, ad quam tendis, iam sermonibus & iudiciis nostris notos habes. sunt bona, mala, mixta: inspicere, eligere, probare: sed viros reperies ab ingenio, humanitate, etiam probitate laudandos, atque his adhære tantum. Plura ubi animus promptior, qui nunc etiam affectus à morbo. At tu vale, & cum bono Deo abi, mane, redi. Louanij, vii. Idus Nouemb. ∞. Idc.

EPISTOLA LXVI.

*Eodem.*NICOLAO ROKOXIO, *Senatori.*

ACCEPI nummos, quos liberaliter mihi obtulisti, fideliter misisti. Fateor opportunum mihi munus fuisse, ab hoc genere elegantiarum inopi adhuc & destituto: & si quid adstruam & accumulabo, tibi debebitur, qui huius, ut sic dicam, ædificij iecisti fundamenta. Atqui cò se produxit etiam benignitas tua, ut non contentus à te dare, alium induxeris ad imitandum, vel voce tuâ vel exemplo. Nam Franciscus Billiodus, honesti animi studijque vir, ut audio, vltro tuis nummis auctarium adiunxit, & inferioris æui Principes ordine suppeditauit. Et hoc, & illo nomine, tibi debeo. quid enim aliud dicam? solvere nec in manu meâ est, nec in animo quidem, ne mentiar: & li-

& libens deuinctus adstrictusque talibus manco, qui sic libentes beneficia conferunt, vt capere videantur conferendo. Gratum facere, hoc vultis tantum: fecistis, & ego memoriam beneficij æternæ huic parti inscripsi. Vale Vir Nobilis & Cl^{me}. Louanij, postrid. Idus Nquem b. paullò melior ab inualetudine, quæ plusculos dies adfixit. ∞. Ioc.

EPISTOLA LXVII.

Eodem.

BALTHASARI MORETO suo S. D.

OMNINO mi Morete melior est valetudo, gaude: & vt per-
feceretur esse (si ita expedit) Deum vnà mecum roga. Con-
cussiuicula hæc satis vehemens fuit, & pænè mei euertendi. Re-
stiti & euasi, ac iam iterum ad munia mea, id est, amata studia,
mentem & manum verto. EPISTOLARVM partem hîc habebis.
nam ceteras nondum fuit recensere: atque istas ipsas nescio an
intentè satis & curiosè. Ideò pro bono censeam, specimina pri-
ma ad me mitti à prælo vestro, vt in quibusdam soletis: & su-
premi istâ inspectione & velut limâ poliri. In Præfatione eius-
CENTVRIÆ omninò faciendum est, vt lectorem moneam de
spurio & spurco illo fœtu, quem suppositum mihi iuerunt: nec
alibi magis decorè potest. Vidi Curtiana ad Tacitum, & bona
insunt: sed plura hercules à tam vetusto exemplari expecta-
bam. Illud mihi delectationi, & pænè dicam gloriæ, vel centenis
locis comprobari ab eo coniecturas nostras, quas solo ingenio
duce, & timidè sæpè, ponebamus. Vltimam editionem nostram
non vidit: atque in eâ multa seria & noua repperisset. Dissentit
à me sæpiculè. cuique sua iudicia: sed non ideò ego mea semper
muto. Pertinaciam sperno vel odi potius: sed ignauia aut mol-
lities animi sit, ad omnem alienæ sententiæ auram deiici aut va-
cillare. Nos in plerisque stamus, & stabimus etiam iudicio se-
quentis aui. Ceterum ipse Curtius mihi olim per litteras inno-
tuit: & virum melioris animi studiiq; esse, iam tunc vidi. Ex
animo mihi gratum est, tales apud Principes viros esse: pruden-
tiæ illum fontem nostrum amare, atque etiam scriptionibus suis
iuuare aut purgare. Æmulatio in meam hanc mentem (Deum
testor) non cadit. Patrem tuum rediisse nunc arbitror, & salu-
tem ei dices. Louanij, postrid. Idus Nouemb. ∞. Ioc.

EPISTOLA LXVIII. *Antuerpian.*HENRICO VWENO I^{to} S. D.

CERTE ita est mi Vvenc, grauis me morbus habuit, atque etiam nunc quasi in laxâ & senatoriâ custodiâ tenet. Nam viui eius & impetum euasisse videor: plagæ & damna manent, & corpore atque animo sum etiam afflictus. Tamen crescere mihi & adsurgere in dies videor: Deus det vt ad iustum & vetus robur, si ita est in eo aliorumque vsu. Nam quod tu deplores, præclaros conatus meos incidi vel abrumpi: non nego nihil esse: magnum esse non fateor: & ingeniorum ille auctor atque altor alia in tempore excitabit, quæ impleant vel augeant à nobis omissa. Hæc est lex vniuersi, nasci, surgere, languere, mori: & velut lampadem hanc vitæ alij aliis tradimus, successione istâ æterni. Quod de filio me rogas, nolim. illud ipsi impera, vt cum licet (sunt enim ibi sub imperio) ad me veniat, quem vel hoc nomine, quod tuus est, meum ducō. Curabo, iuuabo, dirigam: & præsertim in eâ parte studiorum, quam nos ex professo tractamus, litterarum & artium veterum. quibus vtinam pro dignitate pretium hodie esset! Sed mundi ille rector viderit: ego tibi & pro curâ mei, & pro gratulatione, gratias ago, & vt perennis sit mutuus hic inter nos amor, ab eodem illo Numine rogo & venerans posco. Vale V. C. Louanij, III. Kal. xbris. ∞. Ioc. D. Robiano salutem dico.

EPISTOLA LXIX.

Eodem.

ANDREAE SCHOTTO V. R. S. D.

QUOD gratularis mihi de restitutâ valetudine, gratiam habeo: etsi in spe ea magis talis, quàm in re etiam apparet. Atque vtinam plenè nobis liceat & iustè *ἑὸν ἀποκαταστήσωμεν*: & semel liberari ab illâ Iouis filiâ Ate, quæ tot iam annos *ἀειράται*! Per eam fit, vt omnia nostra, etiam illa ab ingenio, languida sint aut tæda: & in SENECA nostro vides. De quo quod me rogas, ecquando censeam, & tuis illis quid optinè fiat? respondeo, pendere hoc prius totum à valetudine, quæ si læta me respiciat, non diu teneat

in Saluti sacrificare, vna reddere, a laudibus.

reneat is labor. Sed hoc non in meâ manu aut assertione. ideo-
 que de altero censeam, fortassè tutius ineliusq. seorsim te à meis
 dare. Magis, quia Philosophum dumtaxat ego ineditor: & tuum
 vnus illud debet esse opus. In quo non ambigo quin præclara
 notaueris: quid opus te premere, & paratam tibi gloriam, aliis
 fructum differre? *Δεῶν' εἰ π' ἐδοξ'.* De Cornelianis illis Notis, **Fæ. f. quid facies.*
 mecum, & loue æquo, iudicas: bona insunt, & plura à codice
 tam veteri videbamur iure exspectare. Quod à me alibi dissen-
 tit, nihil est. licuit, & licebit: absint morsus aut conuicia, quæ ca-
 nini ingenij homines libenter & frequenter nimis vsurpant. Ath-
 letæ in hoc stadio cutrimus: palma posita est, quiuis petat, vnus
 alterve habeat, cui virtus & Deus dabunt. Ille tibi salutem, Pa-
 ter, & mihi per tuas & Patris Schondonchi (adiungo, & saluto)
 preces. Louanij, III. Kal. Decemb. ∞. IOC.

EPISTOLA LXX.

Eodem.

IACOBO COLIO ORTELIANO.

ANGLICANVM Tacitum tuâ operâ & dono accepi, & Sa-
 uilij vnâ Notas, quas vtinam iuxta tecum intellegam! Sed
 scrutor & coniiicio, & ex verbi vnus alteriûsve vestigiis cetera
 coniector. Velim ad latus mihi sis, vt voues: & grata consuetudo
 tua sit, vel propter magni auunculi memoriam semper mihi sa-
 cram. Etsi à te etiam affatim habes, quæ commendent: vtire, &
 auge, & in oculis illud exemplum habe. Mi Coli, alia nobiscum
 labuntur & pereunt: virtus, eruditio, & ex iis fama perseuerant,
 & si non æterna tamen diuturna sunt. Ingeniuus animus ad hæc
 eat, per hæc ad summa & sola illa bona, quorum compotem te
 meque faciat is, qui nos hoc fine fecit. Louanij, III. Kal. xbris.
 ∞. IOC.

EPISTOLA LXXI.

Eodem.

BALTHASARI MORETO suo S. D.

EN iterum EPISTOLAS aliquot, nec deero submittere in
 tempore, vsque ad legitimam illam, quam nunc facimus,
 Hecatombem. Possem simul omnes, fateor: sed relegendæ & cor-
 rigendæ sunt, vt ab aliâ manu scriptæ, sed & aliter alibi dispo-
 nendæ.

nendæ. In morulâ istâ nihil vobis moræ, nedum noxæ. Atò de nauibus vestris, quàm dolendum & pudendum! Quid iam nisi ludus & iocus, & vt ille ait, *χάρμα θανάμια δυσιδμήτος*? O Belgica,

*a. gaudium
simus ho-
stibus.*

*a. Heu bene,
quàm ma-
la fors, qua
te fataliter
urget.*

** Αὐ αὖ τῷ σκληρῷ μάλα δαίμονι, ὅς σ' ἐλεῖ.*

Atque vtinam spem, id est, consilia meliora videam! quæ dam-
nare tamen nostrum non est, ab vno aut altero euentu. Ego
Principes censeo Prometheos quosdam esse, qui longè provi-
deant: & vt cæleste illud Fatum, occultâ caussarum serie, lata è
tristibus sæpè nectant. Ratum sit. si aliter, neque nos alij: id est,
fileamus, patiamur. quoniam vt ille monet,

** - ira in
tristibus,
nō est bona.*

** θυμὸς ἐν κακῷ ἐὶ εὐμφορῇ.*

En tibi litteras ad Wouerium nostrum, quem & te mecum ve-
lim amare. Scribe, & fove amicitiam adolescentis planè cā digni.
Ad patrem ego nunc nihil: quid inanibus obstrepam? & satis
vel grauib. ad fiduē obruitur colloquiis, scriptis, curis. Salueat
ille, mater, fratres, & tu mi Morete. Louanij, III. Nonas Decemb.
∞. LCC.

EPISTOLA LXXII. Eodem.

FRANCISCO SWEERTIO F. S. D.

OBLECTARVNT nos tuæ litteræ, valdè nunc rerum vberes,
quas nouas aut inopinatas multas, vtinam lætas & optabi-
les, hæc ætas donat. De Galli regis progressibus passim iam lit-
teræ: etiam de pace, quam conciliatore Pontifice alij magis,
quàm ego, sperant. Nam vt ingenium regis & gentis video, in
tam prospero cursu vix quiescent: nec desunt ibi quoque La-
machi aut Trebellij, qui ad turbas trahant. Cynæ pauci ho-
die apud reges, nec audiendi. An non de Hispaniarum quoque
narrant, ipsum expedire ad bellum, & in Cantabros venire aut
venisse? narrant: nec credam temerè: & si ita est, animo huic per-
acescit. Nam certè, vt res nostras video, bello etiā Gallico inuolui
haud conuenit: atqui inuoluemur, si ille. Inter hæc ab Africâ hostis
nōne vires sumit? & si temperat eas clementiâ, vt scribis, & co-
mitate, faciet incredibiles progressus. Nam hætenus nimis om-
nia sæuiter, & pro barbaris: & extremorum ille metus ad extre-
ma audenta multos adiegit. Tolle, submittent, & fidem exuent, &
dominum mutabunt. In comitiis Germanicis haud magna mihi
spes

spes est. toties vidimus conuentus istos, & decreta auxilia : sed omnia deinde glaci tenui fragiliora, & quibus prudens non insistat. Aiunt & Pontificem parare aut promittere copias : sed quàm ex quoque inopiâ, fastidio, morbo facillè soluantur, nec bono aut firmo vsui sint, exempla docuerunt. Duces in iis rem suam faciunt, publicæ parùm accedit. Quid igitur auxilij aut solatij? inquires. à virtute: quæ secura

—— *immotaque cunctis*

Casibus, ex altâ mortalia despicit arce.

In eam arcem te da mi Svecerti : non vis, non hostis eiiciet, non capiet aut quatiet eâ omnibus machinis Fortuna. Satis: tu ad nos plura talia, cùm habebis. Nam etsi vsui vix sint, nisi vt sciamus: tamen sicut platanos, aut id genus arbores in hortos recipimus, vmbra & oblectamenti causâ: sic liceat in aures istos sermones, etsi tantùm delectantes. Quando te aliqua proles? hoc vouco isto nouo anno, & te patrem, non solùm maritum. Salutat te Hub. Audeantius tuus, & litteras expectat quas ei promittis. Louanij, postrid. Non. Ianuar. ∞. 1601.

EPISTOLA LXXIII. *Mechliniam.*

NICOLAO OVDARTO S. D.

ACCVSO menuncetiam, quòd Masium Consiliarium non viderim. Facio apud ipsum in epistolio, quod tradi per te velim, & tuo etiam patrocinio iuuari. Causa difficilis, imò mala est: idèd vobis talibus fulcienda, aut ruit. Vnum solatur, quòd animo non peccaui: & fortis, non consilij est hæc culpa. Sed, si Deus vitam dat, emendanda illius & tuo arbitrio: quod pro me sponde. Audisne? Sed & vetus illud, inquires: *Sponde, noxa adest.* Non aderit, ego si viuo exsoluam. Vale & salue cum illo nostro Hartio: qui an non istuc? optem. Bruxellæ, prid. Kal. Iun. ∞. 1601.

EPISTOLA LXXIV. *Mechliniam.*

ENGELBERTO MASIO, *Senatori in supremâ curiâ.*

MECHLINIAE me fuisse, nec te vidisse, ita mihi displicuit, vt nec nunc acquiescam, etsi per amicos iussi excusari.

MM

Sed

Sed quæ excusatio vel mihi satisfaciat? Distractus fui, fateor, illo die quem tibi destinaueram: sed priore debui, aut & alium addidisse. Ecce, quæ contra me scribo: & ex eo poenitentiam vide, & veniam promptius indulgē. Quæ tamen lege? quam ipse mihi dicam: ut cum vestra me vrbs iterum habebit, torus in potestate tuâ sim, ut vel res mancupi solent. Nam ego Cl^{ms} Domine, iampridem te interiore hoc animo amo ac colo, verè illius ac prius virtutis causâ: quam Deus tibi, te reip. & nobis seruet. Bruxellæ, Kal. Iun. ∞. 1661.

EPISTOLA LXXV. *Antuerpian.*

BALTHASARI ROBIANO, *Senatori.*

ANTVERPIAE etiam nunc esse videor, & vobiscum, ô optimi amicorum, garrere, ambulare, conuiuari. Suaues mercurulè sermones nostri, & ab illâ animorum coniunctione, & quod sequitur libertate orti, faciles, comes, iocis dictisq̃ue mixti, & planè condiendæ ac temperandæ vitæ. Tolle hæc talia: quid omnes epulæ?

— non Siculæ dapes

Dulcem elaborabunt saporem,

Non auium citharæq̃ue cantus.

Atqui litterata aut philologa interdum miscebantur: & memini de *Caminis* iniectum & quæsitum, de quibus certius vberiusq̃ue nunc scribam. Nam dicere omnia, sic inopinatò *ἐξ τῆς παλαιότητος*, difficile: & vix vlla tam felix observatio aut memoria possit. Nunc pro captu meo fiat, & quanquam in æui prisci caligine, perambulabo ædium veterum membra, & curioso ingenij oculo lustrabo. Dicebam Romanos, sed & Græcos, non habuisse ista emissaria fumi, siue ab imo patulas & in arctius assurgentes gulas, quibus Europa hodie vititur: sed inuento haud nimis prisco, etsi bono commodoq̃ue. Nam si antea Romæ, imò in provinciis: cedò, vbi in tot ædificiorum ruinis aut parietinis eorum vestigium? vbi in Vitruuij aut veterum scriptis memoria? Vox ipsa, non nego, exstat alibi, sed sensu alio: nec nisi fornacem, aut talem camerationem, ut & Græcis, notat. Nam à Græcis scilicet Romani hoc verbum mutuati. In Glossis prisca:

Κάμω ☉

καμινός, Caminus, Furnus, Furnax. & scitè Græci magistri deri-
 uant, παρὰ τὸ δύσπορμένον καιομένον : quòd suffert & sustinet calefactio-
 nem. Non aliter Ciceronem accipies, cum Trebatius scribit: *Ca-* Lib. vii.
mino luculento utendum cenſeo. quia in frigidâ scilicet nostrâ Gal- Epist.
 liâ erat. Sed quomodo igitur utebantur? fornaculâ aut foculo in
 cubiculum aut triclinium illatâ, in quâ carbonēs igniti essent. Ea
 ex ære, ferro, testâ crât, pro copiâ aut arbitrio cuiusque. Suetonius
 in Tiberio: *Cinis è ſauillâ & carbonibus, ad caſfaciendum triclinium*
illatis, exſtinctus exarſit repente. Alexandri Magni dictum, pro hoc
 more: *Ες χαμινῶν*, inquit Plutarchus, καὶ ψύχει τὰν φίλων τινὲς ἐσιόντων. In Apoph.
αὐτὸν, ἐχ' δεξιᾷ δὲ μικρὸν καὶ πῦρ ὀλίγον ἐσπέγκαντ, ἢ ἔνυλα ἢ λυθαοντὸν ἐσ-
πεγκεῖν ἐκείνους: Hieme & frigore cum quidam amicorum epulo eum ex-
 ciperet, atque is paruum foculum & modicum ignem intulisset, Aut
 ligna aut thus iussit inferre. Significans & ludens, talem ignem cum
 suâ acerrâ magis supplicationi, quàm calfactioni conuenire.
 Etiam Anacharsidis, apud eundem Plutarchum: *Ὁ σοφὸς Αναχάρ- Quæst.
 σεις ἄλλ' ἅττα τῶν ἰλλύτων μαμφόμεναι*, ἐπικρίτω ἀνθεκίαν, ὅτι τὸν κραιπνὸν Conuin.
ἔξω καταλιπώσας, εἰκαδὲ πῦρ κομίζουσι: Sapiens Anacharsis, cum multa lib. vi. cap.
 Græcorum carperet, laudabat carbonarium ignem, quòd fumum foris re- VII.
 linquentes, ipsum purum in domum inferrent. Itaque accendebant
 foris, accensura importabant. At postea, ab exemplo balnearum
 fortasse, repertus modus alius. atque is fuit, ut fornace siue cami-
 no sub ipso cubiculo aut canatione structo, per tubos & cana-
 les, qui parietibus in orbem inhærebant, calorem ab igne mitte-
 rent in dicta membra. Videmus passim hos tubos ex imbrice
 aut regulâ structos, non in Italiâ tantum, sed prouinciis: & ipso
 Armamentario ad Rheni ostium in Batavis, scio me notasse. De
 his Seneca, De Prouidentiâ: *Quem specularia semper à statu vindic-* Cap. xv.
carunt, cuius canationes subditus, & parietibus circumſusus calor
temperauit. Ait, Subditum: ergo in loco inferiore, ut dixi, & sub
 ipso pauimento. Ait circumſusum parietibus: nempe per unpreſ-
 sos illos tubos. Rem non veterem planè, ipse ostendit in Episto-
 lâ quapiam: *Quedam nostrâ demum memoriâ prodisse ſcimus, ut ſpe-* Epist. xc.
culariorum uſum, & impreſſos parietibus tubos, per quos circumſun-
deretur calor, qui ima ſimul & ſumma foueret equaliter. Dicit, suâ me-
 moriâ prodisse, id est sub æuum Augusti aut circâ. Et verò antè
 Specularia reperta, nec isti cōmodè induci potuerunt: quia fene-

stris apertis, calor exspirasset. Ostendit & vsum, quòd *equaliter ima & summa* calefierent. Verum est. & ideò illa ratio mihi percommoda videatur, ac supra Germanorum Stubas: imò, si copiosior sim, imiter ego fouendo corpusculo & vsurpem. Studiis studiosisq; sit aptum. Didici autem à Nicolao Florentio olim Romæ, hos tubos foramina habuisse: quæ claudi & recludi pro arbitrio possent. Illud, in primo igne adhuc fumido; istud, vbi carbones iam & fauilla essent, & calor tutò ac sine fumi noxâ posset admitti. Quanquam & contra fumum ligna arida accòcta haberent, de quibus mox addam. Sed de Camino, ad hunc talem Suetonij verba in Vitellio referam: *Nec antè in Prætorium rediit, quàm flagrante triclinio ex conceptu camini.* Etiam Amobij: *Lateranus vobis deus focorum: quòd ex laterculis crudis caminorum istud adificetur genus.* Meritò, *crudis*: ad fatim enim ignis mox coquit. An & Sidonius huc aduocandus? *A cryptoporticu in hiemale triclinium venitur, quod arcuatili camino sæpè ignis animatus pullâ fuligine inficit.* Nam quod *Arcuatilem* dicit, ad fornicationem videtur referendum. De fuligine autem quod ait, in longo & crebro vsu, præsertim buccis apertis, id quoque euënit. Idem graphicè, in Burgo Leontij:

*Quæ dominis hiberna domus strepit, hic bona flamma
Appositas depasta traves, sinuata camino
Ardentis perit unda globi, fractoque flagello,
Spargit lentatum per culmina tota vaporem.*

In hiemalibus membris, inquit, ignis luculentus ligna apposita siue iniecta depascitur: quid tum? sed idem ne altum petat, camino sinuato frangitur, & flagellum illud flammæ surgentis repulsum, lentè per tubos & latera ædibus inseritur & inerrat. Iuliani in Misopogone item narratiuncula est, quæ nescio ad istos, an nostros hodie caminos, faciat. Ait *Lutetie Parisiorum se fuisse, in acri hieme, & tamen, inquit, ἐδάπντο ὑδαμῶς τὸ δωμάτιον ὑπερῖα δαδόν, ὅτι περὶ αὐτῶν ἔρπον ὑπὸ τῆς καμίνου τὰ πολλὰ τῶν ὀγκμημάτων καὶ θερμαίνοντο*: non calefiebat cubiculum, in quo eram, eo modo quo solent illic sub caminis loca pleraque calefieri. Ostendit sanè ipsis alium aliquem morem, & diuersum à Romano, illic vsurpatum. & dicit etiam, *sub caminis*: quod mihi videatur ad nostros magis referendum, quia verè sub illis ignis struitur, non autem in illis. Potuit autem esse

Cap. I.

Lib. IV. ad-
uers. Gent.Epist. XI.
lib. I.

esse in medio tale emissarium fumi, siue caminus, vt & hodie in villaticis quibusdam ædibus esse scimus: vsu eodem cum nostris vrbani, etsi non formâ. Addit deinde Iulianus, *se extimuisse calfactionem à camino, ne humor qui in parietibus erat commoueretur: quod noxium in cubiculo recenti aut recentato: ideoque, more prisco Romano, candentes aliquot carbones tantum iussisse inferri.* Nec plura expressa Caminorum vestigia notauit, aut nunc quidem habeo in mente: de Lignis subiungo, quæ in eorum vsum. Dixi sicca fuisse, aut potius cocta. Iurisconsultus, De verborum significat. *Titioes & alia ligna cocta, ne fumum faciant.* Sunt id genus, quale hodie in siluis præurimus, & carbonum deinde vice vsurpamus. *Coctilia* etiam appellarunt. Trebellius in Claudio: *Ligni cottidiani* (id est, viridis ac vulgati) pondo mille, *coctilium* batilla quattuor. Possis & legere, *cottidiana*. In Pertinace Capitolinus: *Pater eius coactiliariam tabernam in Liguriâ exercuerat.* Error est, & nihil ad rem aut verum, *coactilia*; quæ *Feltra* quædam & *lanea* coacta fuisse scimus. Scribe, *coctiliariam*: quia *coctilia* ista ligna vendebat. Capitolinus ipse initio libri: *Pertinaci pater Ælius Successus fuit, qui filio nomen ex continuatione lignaria negotiationis, quod pertinaciter eam rem gereret, imposuisse facetur.* Vides in lignis negotiatum fuisse? Talia igitur illa cocta, & Græcis *ἀκάρια*, *fumi expertia* appellata. de quibus omnino Vlpianus capiendus, cum scripsit: *Quidquid comburendi causâ, siue ad balnei calefactionem, siue ad diatarum hypocausta paratum foret, ligni appellatione contineri.* Nam dubitari poterat, an hæc *Coctilia*, non carbones potius essent. De iisdem Plutarchus: *Jocosè Lacon gymnasiarcham, qui acapna præbuerat, accusare se dixit, Quod per eum nec lacrimare liceret.* Habes Caminos priscos, atque iterum præ nostris mihi probandos. Isti oculos fulgore & fumo præstringunt aut morficant; isti desidiant etiam pariunt, & ignauos ad opera apud se tenent. Quod de Germanis Tacitus, *totos dies iuxta focum atque ignem egisse*: de plebis nostrum in hiemelicet dicas, atque id foci illicio & culpâ. Si verò illa hypocausta & camini subterranei; calor aut tepor sit, noxâ nō sinr, quas dixi. Hypocausta appellauit, vt suprà Vlpianus: & verè talia erant. nec diuersa D. Ambrosius intellexit, vbi diuites iis vsos ostendit, pauperemque solatur: *De hieme forsitan quereris, quia nulla tibi hypocausta anhelantibus ignibus vaporentur:*

L. CLXV.

l. ligni, De
Legal. 111.Conuin.
Quæst. lib.
11. cap. 1.lib. vr.
Hæc em.
cap. vii. h.

sed habes solis calorem, qui tibi orbem terrarum temperet, & hiberno te defendat à frigore. Fuere & in balneis sua Hypocausta, similia istis: atque ea nota. Desino, si hoc monuero, veteres duplicia cubacula vel triclinia habuisse: *Hiberna, & Æstiva.* Hiberna, instructa, ut dixi: Æstiva, contrà aquis & Euripis subter aut circum labentibus refrigerata. De iis aliàs: saluere te ex animo opto. Sed quid abrumpo? etiam memoriæ se sistit, quod video huc trahi. Nam in Athenæo est, de Sybaritarū deliciis: *ἡ δὲ συβάρταυς δ' ἐκ πλῆθους καὶ πύλων, ἐν αἷς κατακλίνουσι ἐπαυλαῖντο.* Interpres vir doctus reddidit: *Apud Sybaritas reperta sunt caua & angusta cœnacula, in quibus tantisper dum mensis accumberent, calore fouerentur.* Et notat ad oram, Πύλος hodie nobis seruata vocem esse, quia Galli Poelles appellant, locum in ædibus hypocausto tepentem. Argutè. an pro mente verbisq̃ue Athenæi, ignoro. Scriptio eius verbatim sonat: *Apud Sybaritas reperti Aluei, in quibus recumbentes calefierent.* Qui autem isti Aluei? credam thecas lectulorum instar fuisse, quibus supponerent in testis carbones ad modicè & paullatim calfaciendum, qui incubaret. Sanè de mensis sermo est: eoq̃ue minùs libenter ad alucos aut Solia balnearum rettulero, etsi à Suidâ didici *πύλος* quoque dici *ἡβαρτω*, ἢ *δα δὲ παλαιοῖται*: *Solium, in quo laurent.* Sed illuc ego inclino, quia & mulieres disco tale iamolim vsurpasse, pedibus & quæ supra pedes calfaciendis. Suidas: *Αἰθρα, τὸ γυακίον ὑποπόδιον, ἐν ᾧ ὡς δ' ὅπως αὐτῶν θερμαίνονται τοῖς κάρβοισιν*: *Aithranus, dictum muliebri scabellum pedibus suppositum, in quo per foramen calefiebant carbonibus.* Agnoscis hodiernum fæminicum morem: atque iterum iterumq̃ue reipublicæ & nobis saluc. Louanij,

EPISTOLA LXXVI.

Traiectum.

F. FRANCISCO VILLERIO.

VNAS à te litteras accepi, neque alteras illas equidem vidi. Gaudeo te incolumem eò venisse, & nostri memorem (viam in precibus!) etiam esse. CRITICA nostra parata sunt, & volunt ipsa mitti: sed an etiam ij, in quorum tu es manu? Neque enim dissimulo, aliter me ex litteris tuis odorari: quod si est, cur ad ea studia te des, à quibus illi arcent? Non meo suffragio,
aut

aut arbitrio: & profectò vel summa vel vna virtus instituti vestri, & sacri illius cœtus est, obedire. Ex hâc aliæ, velut catenâ nexæ, dependent & insequuntur. Frustrâ te hoc moneam, scientem: tamen, vt inter amicos, quidni liberè pectus hoc meum reuelem? Et profectò ad altiora vos sine & destinatione itis: ad sacra, & ea quæ pietati magis, quàm scientiæ conducunt. Ornat hæc illam, non nego: sed ornat. & interdum, imò plurimùm, simplex & inculta illa placet, vel ideò quia placere non studet. Habes quid in animo sentiam: & ideò differam etiam mittere, donec à te non tam de tuo voto, quàm de illorum iudicio, audiam: quod rogo candidè apud candidum promi. Sum tibi, sum toti cœtui amicus: quem ego diuinitus institutum scio, magno rei Christianæ bono. Vale, Louanij, ix. Kal. Ianuâr. ∞. 1661.

EPISTOLA LXXVII.

REMACLO ROBERTI S.D.

Bruxellam.

DVM nuper appropero, fugit me de libro remittendo, quem legi. Vis iudicium? non fuit pro meâ opinione, & alia præceperam ex aliorum sermone. Fortassè & illi plus in eo vident, aut hauriunt: ego affectus, iras, odia, pauca ciuilis prudentiæ, & prauis animi mihi est totum hoc scriptum. De EPISTOLIS nostris quod præiudicas, vnà tecum ego: & puto certè vapulaturas eorum linguis, aut calamis etiam, quos notas. Potèstne aliter? quid enim scribere est ad amicum, vt non meum aliquid aut & publicū obiter misceatur, quod quibusdam ingeniis non faciat, & damnent? Age, discessi vnde scis: & ob causam, quam scis. Ad quem notum ego scribam, re illà recenti, cui hoc non scribam? Atqui nolunt, & indignantur: & volunt me esse, qui non sum, non fui. Itè de bello aliquid aut publicis ad pacem ecce inclino, & detestor seditiones vel odi: aliqui me, si dicam. Sed mi amice, EPISTOLAE premendæ in vniuersum fuerunt, si hæc refecanda: aut si lux iis facienda, etiam affectibus istis siue iudiciis nostris. quæ boni tamen, vt spero, non culpabunt. Tu de publicis nuper nihil: an quia nihil est, & tēporis hoc frigus animos etiam habet? Tamen de apparatus aduersariorū hîc audimus, atque iis nauium, & velut ad maritimam aliquam expeditionem.

tionem. Deus consilia actionesque Principum dirigat, nos tueatur ac sibi seruet. Vale. Louanij, v. Kal. Febr. ∞. 1601.
Mitto exemplar ad D. Malinæum Consiliarium maritimum. quia epistola non est adiuncta, rogo per ministrum tuum mitas. In retuâ quid fit? spes etiam est, an aliò (vt scribebas) te conuerteres?

EPISTOLA LXXVIII. *Antuerpian.*

ÆGIDIO SCHONDONCHO, *Presb. Societatis Jesu.*

**Duplici-
ter mihi
cor diuisū.*

TANDEM curæ liber sum, pro Hemelario nostro susceptæ. Nam cum Homero, *Διὸς δ' ἔμοιγε κούρην μέγαντα φρονέουσαν*, — an in vitâ cum esse dicerem, an in mente illîc manendi: & certe video vacillasse, nec Romam primâ fronte blanditam, aut placitam ei fuisse. Decreuit tamen, & litteras nostras reddidit, & sedem patronumque accepit. Ait Cæsium Cardinalem esse, gente atque animo nobilem & altum, vt audio, & qui vetus illud Romanum spirat. Deum quæso, sit ex vsu & salute nostri iuuenis: quem ego quòd vobis destinauerim, non est sanè Bacidis oraculum, tamen coniectura mea causas suas habet, & ex ingenio eius natas & sermone. Idem Deus faciat, quod salutare. At mihi vires recuperatas tu gratularis: quod hætenus accipio, vt omen aut votum potius. nam in re nondum ille prior Lipsius sum, & naturâ infirmitatis humanæ, citius deiici est quam attolli. Attolli tamen incipio, & SENECA meum oculis tangere, vix etiam manibus: & mi Pater, non valetudo solum, sed occupatiunculæ, supra fidem tuam, arcent. Cottidianæ lectiones sunt, scriptiones; adde qui interuifunt & appellant, & omnibus hæc comitas mea patet. Itaque de Chronologiâ, quod cum VVeno censēs & deposcis, aduocationem peto: SENECA præcat, & tum videbo. Illud ego à te, vt constes in beniuolentiâ mei, & memoriâ in mysteriis sacris. Vale R^{de} Pater. Louanij, IIII. Kal. Febr. ∞. 1601.
RR. PP. Rectori, & A. Schotto S.

EPISTOLA LXXIX. *Leodicum.*

IACOBO CARONDELETO V. R. & N.

LIBELLVS à me prodiit, ergo de more & pro affectu habet à me munus. Ecquando, inquires, nostræ CENTVRIÆ? Dispercam, nisi imprimis ego velim, & hoc monumentum relinquere amicitiae cum multis purè & fideliter cultæ: sed tempora quis non videt, auersa cum ab aliis studiis, tum his simplicibus scriptis aduersa? Da mihi vel ^{ἡ ἀπολυμασία} illum Vlyxem,

^{ἡ δὲ ὅλα παρτοίς τε δόλους & μόδια πικρά:}

<sup>⁂ verus ill.
⁂ Fraudis
mulijuga
mortalium
consilij.</sup>

non euoluet se, quin apud Cyclopas istos teneatur & luat. Ergo adhuc premimus, carceres aperturi, quamprimum ille ab alto Rector aliquam sæculi lucem. O sæculi miseri & iniqui, non Belgicæ solum, sed Europæ! Nam hostis ab Asiâ quos progressus faciat, mœsti quotidie audimus: imago, quia nostri nec sic excitantur, & pergunt, vt in theatro aliquo, sine missione se lancinare. Quid faciemus? illud Homericum,

^{Ἡμεῖς δὲ μέγαλον δῖος ἀρεθώμιστα βεβλή.}

<sup>⁂ Simus de-
cretis ma-
gni Iouis
obsequio.</sup>

Is tibi tutor esto, Reu^{de} & Nob^{mc} Domine, pro tuis meritis, pro nostris votis. Louanij, prid. Idus Mart. ∞. IOCI.

EPISTOLA LXXX. *Eodem.*PETRO ORANO I^{ro}.

ET tu epistolam pro te sistis? Benè excusas: & quis non, si fas rerum culpam verbis redimere? Sed bonâ fide, non ego sic facilis, & Acacidem aliquem pertinace irâ vides. Quam auxit, quod ego te vltro quæsiui, & cum tardares, ipse Mechliniam ad amores meos, vt censebam, veni. At tua verba venti, & te iam equi rapuerant. Quid censes? ita obstupui, vt illa Mindois à Theseo deserta,

In solâ sese miseram cum vidit arenâ.

Extra omnem iocum, seriò peccasti, qui tam vicinus nec me vidisti, quod desiderij mei si non officij tui erat; nec passus te à me videri, celeri abitione an fugâ. Et quando emendabis? aut ecquæ occasio similis erit? Tempora hæc vix spem faciunt: vix ætas

NN nostra

nostra aut valetudo, & paullatim còimus,

Quò pius Aeneas, quò diues Tullus & Ancus.

ne mihi quidem relictum ad vos aut fontes vestros visere, ob loca à prædonibus illiè parū tuta. Non oblitus sum vltimi mei periculi, & perendinus dies annuus erit Cannensis illius fugæ. Inter eà dum te frui non licuit, ad Nerviios nostros iui, & in amicissimorum ibi sermonibus & conuiuuiis acquieui. Inuideas, si scias quàm bellè & comiter nobis fuerit. Sed heus, de filio omnia rectè & saluè? Spero, etsi iam plusculum temporis est, cùm litteras non vidi. Significa, salue, & me qui etiam læsus amo (ô fidem!) ama. Louanij, x. Kal. Iul. ∞. 1601.

EPISTOLA LXXI.

Antuerpiam.

IOANNI BRANTIO, *Graphiario.*

NON probo solùm excusationem silentij tui, sed quod mizeris, amo. Valdè enim ex affectu est, & illum magnum firmumque in me ostendit. nec miror etiam siluisse, vt rem dicam. Quid enim te aut me valdè excitet nunc ad scribendum? mœsticia publica temporum est, &

Fortuna seuolata negotio

ludum suum tristem pertinaciter apud nos ludit. Theatrum miseriarum Belgæ sumus, & exponimur orbi ad sermones, ludibria, miserationes, vt cuiusque est adfectus. Non mentiar, si dicam in extremâ salutis lineâ nos stare: præsertim cùm optimi & optatissimi isti Principes nondum fecerint medicinam. Vestrum quidem opidum (ô dolorem nostrum!) palàm labitur & ruit, & Mercurius cum bonâ Fortunâ à vobis abit. Quid tamen est, mi Branti? ferenda sunt, vt par est bonis sapientibusque viris, Deo & Prouidentia sic visa. Vexemur, ploremus, alij alios inquietemus: cursus & lex illa rerum manebit, fixa & sancta ab æterno. Quid si Deus per hanc viam nos expurgat simul, & explorat? Sicut ventus triticum non rapit, sed paleas secum in auras tollit: sic aduersa ista leues tantùm animos auferunt, bonos & in virtute firmos non euertunt. Inter hos simus, Sapientiam, & inter nos amemus. Louanij, v. Nonas April. ∞. 1601.

EPI-

EPISTOLA LXXXII.

Eodem.

OTHONI VENIO S. D.

PARTEM epistolæ tuæ Doctor Siluius mihi legit, quæ picturam nostram tangebatur, iamolim animo deformatam, sed nondum tuâ artifice & Apellæâ manu, quam requirebam. Scis quid coram tecum egerim, & quod argumentum voluerim eius tabellæ. Triste, scribis, & spectanti & pingenti. Credo equidem: etsi mihi in tristitiâ illâ lætum aliquid & erectum apparet: exemplo scilicet Fidei & Amoris, cui nescio an vlla ætas, aut vlla gens, par suppeditabit. Vna Arria nata in hanc immortalem laudem, & cui fasces omnes illi Græci Romaniq. viri & heroës submittant. Itaque placet mihi, nec muto argumentum: velim etiam tibi. & vt liqueat de totâ historiâ, ecce distinctè à me habe. Furius Camillus Scribonianus, Legatus Dalmatiæ, in Claudium Imperatorem res novas & arma molitus, legiones traxit in partes: viros etiam aliquot illustres, quos peractum ignavi illius simul & sæui imperij: atque inter hos Cæcina Pætus eminebat, vir Consularis. Motus tamen magis, quàm bellum fuit. quia legiones statim pœnitentiâ ductæ, deserto Camillo, ad vetus sacramentum redierunt: atque ipse, desperatione in Issam Insulam ex aduerso Illyrici confugiens, ibidem se interfecit. Conscij & consortes passim capti, inter eos Pætus. Romam in triremi, & præsidio militum, ad Claudium ducitur: vxor Arria sequi auida, & non diuelli à marito, orat milites in nauim simul imponi. Negant. *Quid?* inquit. *nempe viro Senatorio & Consulari seruulos aliquot daturi ad cibandum, ad vestiendum, ad calceandum es?* ego sola hæc omnia obiuro. Non impetrauit. magno igitur animo piscatorem cymbam conducit, & triremem eâ sequitur, per medios fluctus Adriatici maris. Deus seruauit in maius exemplum: ad terram, urbem, Claudium veniunt. Ibi vxor Camilli supplex indicium profitebatur, & conscios edere: vt vel sic veniam vitæque impetraret. Asperè ad eam Arria: *Ego te audiam, in cuius gremio maritus occisus est: & viuus?* Abductus deinde maritus in custodiam, ipsa domum & ad suos: sed certa cum marito mori, nec id celans. Itaque custodiebatur à suis intentius. illa au-

tem, *Nihil agitis*, inquit, & *ut malè moriar, efficere*, ne moriar, non potestis. Cum dicto exsiluit, & caput parieti illisit vehementi ictu. Collapsa, & erecta est, & mox focillata: *Dixeram*, inquit, *vobis*, inuenturam me quamlibet duram ad mortem viam, si vos facilem negassetis. Hæc illa, cui viuere promptum & tutum erat, Mefallinæ maximâ gratiâ coniunctæ. Sed cùm maritus iam damnatus, & turpiter carnificis, aut (vt tunc mores) suâ manu honestè pereundum ei esset; homo trepidus, nec ad illam faminam, differre, lamentari: donec illa & verbis confirmauit, & facto præiuit, sine motu animi non narrando, non audiendo. Strinxit quippe in oculis mariti ferrum, pectus suum fortiter percussit, extraxit, & marito porrexit, cum *immortali ac pænè diuinâ voce* (verba Plinij audis) **PAETE NON DOLET**. Itâne ad mortem aliquem vltro & animosè ire, & in cā, imò pænè post eam, constare sibi & loqui? Amor ille honestus, & addo amor honesti perucit, & vltra Naturæ communis fines duxit. Ecce factum, quod admiratione me sui semper tetigit: ne approbatione dicam, religio, vt scis, vetat. Depingi hoc à te, & in atrio deinde meo Admissionum poni, votum sit: præcipuè quidem ipsum opus siue *ἔργον* illud, sed & si *ἀπαρρα* voles circumponere, adsumt. Dixi de Cymbâ, quâ secuta maritum: exprimi in latere potest. est & aliud factum memorabile, in morbo filij & morte, tale. Aegrotabat fortè maritus & vnâ filius, vterque diuerso cubiculo, & vterque mortiferè, vt opinio & metus erat. Filius obiit, eximîâ specie, & indole virtutum. Huic illa ita *funus* (nam Plinij verbis cetera dicam) *parauit*, ita duxit *exequias*, vt ignoraret maritus. quinimò quoties cubiculum intraret, viuere filium, atque etiam commodiorem esse simulabat. Ac persapè interroganti, *Quid ageret puer?* respondebat, *Benè quieuit, Libenter cibum sumpsit.* Deinde cùm diu cohibita lacrimæ vincerent, prorumperentque: egrediebatur, tum se dolori dabat. Satiata, siccis oculis, composito vultu redibat, tanquam orbitatem foris reliquisset. Satis. scio te quoque iam volentem ad hanc florenti penicillo tuo exornandum: & mihi crede, illi ipsi ab eâ aliquid laudis, apud tot claros aut illustres, qui nos & simul opus tuum videbunt. Martialis versus in pede Tabulæ scribes:

*Casta suo gladium cùm traderet Arria Pato,
Quem de visceribus traxerat ipsa suis:*

*Siqua fides, vulnus quod feci, NON DOLET, inquit,
Sed quod tu facies, hoc mihi, PAETE, dolet.*

De pretio coram. quod tu nec à me maximum (nosti censum meum) capies : nec cupies quidem , vt animum tuum ego noui, honesti propter honestum amantem. Louanij, XI. Kalend. Iun. ∞. 1561.

EPISTOLA LXXXIII.

Eodem.

HENRICO VVENO S. D.

IN Neruiis me nuper fuisse , audisse te credo : sed nunc per me scire volui , & commodè & iucundè fuisse. Viri sunt decori & honesti amantes , suauitate simul & grauitate conditi , & , vt verbo dicam , ad Genium meum facti . Alteram Antuerpiam , & vos illos caros meos , videbar repperisse . Redij ante dies quindecim , & sub idem ferè tempus C. V. Doctor Zucrus : quem cum salutassem , & auidè de statu rei siue litis suæ vobiscum interrogassem , responsum non ex voto rettuli , nihil factum esse . Dolui viri boni & amici causâ : quem propriâ lite , & quidem cum vestro opido , vexari , graue mihi erat : vt fateor ingenium meum pacis cupidum , & non ex vsu forensium rabularum esse . Neque satis tamen intellegere potui causam dilata (non enim abscissa , opinor) concordia : cum ille se semper & promptum & æquum obtulerit , ad quasuis haud planè iniquas conditiones . Consilium tuum hîc aliquid , vel plurimum posse , non nescio : quæso da hoc mihi , vt de pace adnitare , & sperem te vtrique parti , gratum imò vtile facturum . Hæc à me scribo , & tantum duorum causâ , quos amo , opidi vestri , & ipsius : quos nolim equidem collidi & committi . Sed hoc de Zuerio . de me , aut te potiùs , scito me filium tuum vidisse , imò & in publico audisse Tornaci , dum mihi Carmen gratulatorium recitaret . Libens audiui , & faui quoque , tuâ nonnihil causâ , à quo in eum amor deriuatur , sed & ipsius , qui ingenio & indole visus mereri . Deus sinat vel faciat potiùs crescere , corpore , animo , doctrinâ , in tuum gaudium , priuatium eius & publicum vsum . Vale V. Cl^{me} & Prud^{me} . Louanij, VII. Id. Iul. ∞. 1561.

EPISTOLA LXXXIV.

Eodem.

ANDREAE SCHOTTO, V. R.

* indefessè.
* Omnipotens cor habens.
• nec mihi certè
Est in peccatibus mens ferrea.

non edita.

MIRAEVS mihi adfuit, & tuas dedit, & de te quæ volui dixit: id est valere, in libris & scriptis, ut mos tuus est, itrenue & ἀκαμάτως esse. Maeste, παρηραγής ἦτορ ἔχων: non idem de me, ——— ἡ δ' ἐμοὶ αὐτῷ

Θυμὸς ἐν ἐνδυνάσει σὺν ἡπείῳ:

quod fateri debeo, & laboribus aut languoribus iam victum, manus dare. Itaque SENECA noster octo amplius menses iacet sepositus, & abhorreo à repetendo. De tuo, da lucem cum bono Deo: quid exspectas aut differs? Miræus mihi ait & *Elogia Belgarum* esse confecta: libenter videbimus, & gloriabimur in gloriâ gentis nostræ. Quod putas apud me * ἀνέκδοτον aliquod Corn. Nepotis esse, frustrâ es: nec est, nec fuit. Si haberem, tibi certè haberem. Fratris tui filium sic citò Româ rediisse mirabar: nec dubito tamen quin de consilio & consensu vestro. Schon-donchus ignaro mihi elapsus est, nec dedit vale nec accepit: in cuius locum venisse Herbertum gaudeo, iam olim illum nostrum. Saluta, & inprimis R. P. Rectorem. Louanij, xii. Kalend. Sextil. ∞. IOCI.

EPISTOLA LXXXV.

Bruxellam.

CAROLO LAFAILLIO I^{to}.

DVPLEX mihi à scriptione tuâ gaudium, & quod incolumem rediisse intellegam, & quod mei memorem & volentem. Debes mi Lafailli, si meum vicissim animum intueare, semper, ex quo te noui, in te proclinatorum & affectum. Itaque maneat hic consensus, & quoniam propior iam nobis es, non solum litteris cum foue, sed adspectu & sermone excita ac confirma. Spero patriæ res paulatim lætiores cò vocabunt, & iuuabit post istas temporum nubes Hilaria agitare inter gratantes amicos. O dies veniat! & certè Flandria, in quâ fortunarum vestrarum bona pars est, Oostendâ receptâ, tuta securâq. ager, non sine liuore Brabantix nostræ, quæ miseriarum fatalis sedes videtur. Sed & hanc Deus benigno oculo adspiciet: quod cum corde rogo,

rogo, & vt te mi Lafaiilli tuis seruet, quos reditu isto lætificasti. parentem inprimis, quem saluto. Louanij, VIII. Kal. Sext. ∞. IOCI.

EPISTOLA LXXXVI.

Tornacum.

DIONYSIO VILLERIO.

LAETAM tuam epistolam! de aduentu polliceris, ô repræsentata, & non votis animi, sed corporis istis brachiis amplectar. Quando erit? dies menses mihi sunt (non mentior:) veni, & vt legem tibi dicam, ante Encæniam nostram, quæ futura sunt postridie Kal. Septembres. nisi facis, decimam Musam habeas in omne æuum iratam. Ego te inuito, sed non solus. nam & vxor (fideliter narro) idem facit, & vices me suas voluit fungi. Quid tergiuerferis? vetus illud, quod monumenta habent, cogita,

AMICI, DVM VIVIMVS, VIVAMVS:

nimirum,

Dum res, & atas, & sororum

Fila triumphantiuntur atra.

Sed in vnâ te peccasti, qui vinum præmiseris, an & non peccasti? Nomen tuum si video, DIONYSIVS es, vini dator. sed extra iocum, non sic decebat, me & illuc deplere tua dolia, & plena iterum huc transmitti. Sed amoris tuo frustra pugnem, & ne vincam, vltro do manus. Wingium nostrum taciti promissi admoneo: sit comes, si te, si me amat. Scripsi nuper, & condixi: filuit, ergo addixit. Idem de Micaultio, quem ego cohorte nostrâ primâ ciicio, nisi se iungit. Adeste Triumviri lætitiæ & honestæ voluptatis instaurandæ. Pocula tunc aut nunquam bibemus, OSTENDAE CAPTAE. Serium nihil addo, in aduentum omnia differo: qui si fallit, caue, & seriò edico, AMICITIA TVA VLTRO NON VTOR. Vides Manlianum imperium? ita homo sum, calidus quantumvis, sed idem candidus, & Fide & Amore & Mores maiorum. Mi Villeri salve, & saluus, aut potius vos Triumviri salui, ad nos venite. Oyenbruggius si se iungat, cumulus lætitiæ erit: dic, & salve iterum: iterumque. Louanij, pridie Idus Sextil. ∞. IOCI.

Te domo meâ vt rogo siue iubeo. laxa est, & pauci nunc con-
tubernales. Itaque si me vnqu am domi tuæ esse vis, hoc non
muta-

mutabis. Indicem librorum, quos utiles censem, Amanuensis mittit: plusscula apud me videbis, & loquemur coram. Veni, iterum veni.

EPISTOLA LXXXVII. *Antuerpian.*

CAROLO HOVIO S. D.

CVM è Neruiis redij, quò animi & valetudinis causâ ieram, intellexi tristem casum, qui familiam vestram afflixit. Et te inter primos, ut fuit & est pietas tua in optimum parentem: quem Deus ab his terris turbisq̃ue sciunctum, vocavit in superas sedes & imnotam illam quietem. Quod triste esse scimus, si primâ fronte inspicias & cogites illud auelli: sed si vnde, & quò, quod addidi, profectò mitescet dolor, & benè illi factum debebis interpretari. Habebat sanè vos optimos liberos & obsequentiissimos, in quibus acquiesceret: habebat & uxorem domi, modestam, morigeram, & solatium simul & auxilium: sed tamen, ut tempora nunc fluunt, extra domum pedem cum poneret, quàm multa præter votum aut opinionem videbat vel audiebat? Itaque is qui alia tempora & faciem rerum viderat, & præsertim vestram urbem florentem & vigentem: non poterat non tacito animi morsu stringi, cum omnia in deterius labi cerneret, atque id parè sine spe instaurationis. Non dicam tedium vitæ, sed tamen fatietas oboriebatur in cottidiano hoc inæsto spectaculo: & animus Christianâ pietate imbutus (cuius ille feruidus & constans cultor fuit) anhelabat ad aliam illam vitam, cui nati & facti sumus. Hæc si cogitabis mi Hovi, lenies dolorem Ratione duce, quem Naturâ duce suscepisti: & vinci hanc ab illâ non patieris tantum, sed voles, imò gaudebis. Obsecro te, facito: & peregrisse illum laudabilis vitæ cursum scito, & nos in eodem stadio consequi & paulatim accedere eandem illam metam. De fratre tuo, & amico meo Francisco, ecquid audieris scire velim: & putè sine illum in viâ esse aut fore, casu hoc euocatum. Item, si vacas, & nisi aliæ curæ te distinent, memoriam non deponas litterarum, quæ ex Italiâ: quarum lectione recreamur vel instruimur, te suppeditante. Vale mi Hovi, & amantem ama. Louanij, VII. Idus Iul. ∞. 1661.

EPISTOLA LXXXVIII.

Mochliniam.

NICOLAO OVDARTO.

ARNA, arna. quid hoc est? sic me petitis? non litteras, sed libellum pugnatorium mittis: & parte alterâ Bernartius accusat, & Hartium ait minari. Quid autem feci? quod quivis vestrum in re simili, nec alios iudices mihi fero. Cursim transui: & sic res poscebat: lege, per Deum, quæ ad Bernartium scripsi. An ille celavit? ô egregium patronum, si in aliis causis sic præuaricaretur! Attu Epigramma etiam in Constantiam meam scribis. Compos animi es? ego illam in te mutem? Scis quomodo, & quando? ruant elementa omnia, & vasta hæc mundi machina redeat in suum chaos: ego amore & fide constabo in Hartium meum & Oudartum. Atqui puerum misissem, qui indicasset & euocasset. Licebat, fateor, fortassè & decebat. sed bonâ fide, quid hoc aliud erat quàm lictores arcessere, qui me sisterent & tenerent? Noui vos & vehemens vestrum velle. Ego è manibus vestris non magis me eripuissem, quàm Antæus ille ex Herculis nexibus qui oppressit. Atqui domi esse me conueniebat, & decorum atque adeo vsus meus poscebant. Noscite igitur causam, & statim ignoscite, si estis qui auditis, iuris & æqui consulti & administri. Sic valete. Louanij, VIII. Kal. Octobr. ∞. 1661.

EPISTOLA LXXXIX.

Antuerpiam.

PHIL. RVBENIO suo S. D.

TRISTIS hæc scribo, & iuxta lacrimas: non rideo. Saphyrus meus obiit, & id violentâ morte. E carmine subiecto rem discas, quod irâ & dolore recens effudi. Irâ, nam & culpa meorum accessit. O tuam *ῥήθηναι* inquires. Non nego, sic sum, & cum Homero,

* — *ἔδ' ἐ μοι ἔντ' ὦ**Θυμὸς ἐν ῥήθῃσι σιδήρεοις, ἀλλ' ἐλεήμων.*

Sed hoc mirum, & verum. vix momento ante tristem casum apud me fuerat, in Musæum præter morem conscenderat: blanditus quoque insolenter, & quasi extremum vale illud dicturus.

OO

Inge-

*x simplici-
tatem &
sanctita-
tem.
* nec mihi
in isto
Pe-tore
meus in-
clusa est
ferrea sed
miserator.*

Ingemisco & omitto: ad publica venio, nec ipsa, nisi in spe, laeta.
 Quam tamen spem alij qui è castris scribunt imminuunt, adau-
 gent alij: vtri veriùs aut sagaciùs, res dicet. A vicino illo metum
 plures faciunt: & ego certè credo eum, cum Demosthene di-
 cam, * τοῖς καίτοις ἐφ' ὅσον. Ostenda quidem si mittitur, quid nisi

atempori
 occasiones
 capere &
 inlaetari.

*præbe-
 mus iudici-
 iocumq;
 inimicis.

— χάρις ἡμῶν δὲ συγγνώμη?
 Tu quando ad nos? vix ante festos publicè istos dies, opinor. Si
 non, scribe siquid ibi rerum vel nostrarum, vel exoticarum. Nam
 & de Turcicis, & de classe illâ magnâ Hispaniensī, animi pende-
 mus. In te autem eo propendimus mi Rubeni, ingenij & virtu-
 tis tuæ amantes. Louanij, IIII. Kal. Sept. ∞. IOCI.

IN SAPHYRVM MEVM

Βιστάνατον.

OLYCTVM & lacrimas! meus Saphyrus,
 Ille gemmula vera, non catellus,
 Morte est præcipiti malaque functus,
 In vasum miser incidens ænum
 Efferventis aque. miser catelle,
 Hec te post tria lustra mors manebat?
 Quis nunc blanditias hiantè rictu,
 Quis nunc blanditias mouente caudâ,
 Hero vltra faciet? quis obsidebit
 Ost limen, & ingredi parantem
 In se gestibus atque voce vertet?
 Quis lusu recreabit? ô miselle
 Non vltra facies: abisti ad Orci
 Nigri limina. sit tibi benignus
 Frater Cerberus, ipsa Ditis vxor
 Sit fautrix: & aberro? sit patrona,
 Illi delictum novum pararis.

Sed heus, vis & Tumuli inscriptionem? nam sepeliimus, & qui-
 dem inter flores.

HECATAE SACR.

SAPHYRVS DOMO BATAVVS
DELICIVM LIPSII, DECVS CANVM,
INGENIO, LEPORE, FORMA,
H. S. E.

TRISTI FATO EREPTVS,
ET FERVENTIBVS AQVIS MERSVS,
CVM VIXISSET LVSTRA PLVS TRIA.

O HERI DOLOR!

TVVM, LECTOR, ADDE
QVISQVIS LIPSIVM AMAS, IMO
QVISQVIS ELEGANTIAM AVT LEPOREM AMAS,
QVORVM ISTE THESAURVS ERAT.
ABI, FLORES SPARGE,
SI NON LACRIMAS.

PLANGEBAT ET PANGEBAT,
I. LIPSIVS OLIM, HEV, DOMINVS,
V. KAL. SEPTEMBR. ∞. IOCI.

EPISTOLA XC. *Antuerpiam.*

MICHAELI VANDER-HAGHEN S. D.

BINO me carmine compellasti, utroque erudito, suavi, grato: si ipsum, sed non si rem intueare. In ipso nihil, nisi quod ingenium & poëticam planè indolem referret: sed materies tristior, & quæ me sustinuit à respondendo. Litium enim res erat: quas ego sic odi, ut nemo homo Orci portas. At tu me iudicem etiam addicebas: Méne, mi Vander-hagi? experientem potius aliquem & recoctum patronum: nam ego in his rudem & tiro-nem me esse, non fateor solùm, sed gaudeo, imò iacto. Illud vnū possum, dolere tuâ causâ, & συμπαθεῖν, qui incideris in hanc verè malorum lernam. In quâ hydra illa habitat, quam vel Hercules ægrè domuit, & resecto capite alia renascuntur. Vtinam ne experiare, & rebus doctus, fidem meis verbis subsignes! Sed tamen animo aduersus talia (quod vnum superest) obdurandum est, & mores aut malitia nostri æui, sic ut pestilens aliquod sidus,

ferenda sunt. Lucilliani illi versus, si vnquam, nunc obtinent:

*Uni se atque eidem studio omnes dedere & arti,
Verba dare vt cautè possint, pugnare dolosè,
Insidias struere, vt si hostes sint omnibus omnes.*

Hæc noris, nota perfer, nec vt ad noua obstupescere. Alia non ego, non ille ipse de sapientiâ Socrates possit: Deus animo inserat, & te firmet. Louanij, III. Kal. Sept. ∞. IOCI.

EPISTOLA XCI.

Brugæ.

IGNATIO BASSELIERS, *Sacerd. Soc. Jesu.*

CLARA beniuolentiæ tuæ signa, imò pignora, vidi, cepi, in munere florum, quos ad me misisti. Atque eos aliunde, & precibus à te quæsitos, ac parè emendicatos. O amorem, cui obligor! Est hæc vetus oblectatiuncula mea, fateor: & post seria libenter ad hortos diuerto, oculis atque animo voluptatem. Et mihi iam caussa, vt nec in iis sim sine tui memoriâ: quæso vt & mei serues. Quod genus, quo pretio aut raritate flores sint, nondum scio: ver dicet: sed ego à tali animo bonos carosque habeo, & vel aurum contra pendo. Vt tu me, obsecro, & sacris tuis precibus humi serpentem attollas. Louanij, III. Idus Oct. ∞. IOCI. R^{do} Patri Rectori Guiljelmo Verannemano salutem & gratias pro munere item florum dico.

EPISTOLA XCII.

Antuerpiam.

AUBERTO MIRAEO, *Canonico & Theologo.*

ELITTERIS tuis duo didici. & studium pacis, quod in te illâ, quam commendaueram, ostendis: & progressum in opere, quod honori & memoriæ Belgarum illustrium moliris. Vtrumque gratum est. illud certè prius te dignum, imò tui muneris, quia sacerdotum est cum alia vitia minuire vel tollere, tum dissidia extinguere, quæ ab exiguo fomite in priuata & publica mala sæpè surgunt. Adnitere porro, te rogo, & effectum da quod laudabiliter cœpisti. At de opere tuo, libens equidem ordinem & nomina vidi, quæ Centuria prima tenebit. Prima, nec enim sola, opinor. alioqui sunt mihi in mente, quos non omittas. Hadrianus

drianus Iunius, inter Belgarum doctissimos. Adolphus Metkerchus, Petrus Coluius, Iacobus Cruquius, Marcus Laurinus, Iodocus Lommus, & quid noster Goropius? Sunt alij. nā viuos video te non tangere, & id consilium probo. Sed hac de re totā corā magis est, vt loquamur. quod breui fiet, siue me illuc, siue te(ita audio) ad nos venturo, titulo qui tibi debetur capiēdo. Fac, & vale vir amice. Louanij, ix. Kal. Septemb. ∞. 1601.
Carmen in ELOGIA tua scripsi, an effudi? ita soleo: sed tu hanc non ingenij, sed animi notam habē.

IN AVBERTI MIRÆI R. V.

ELOGIA BELGICA

Scazon I. LIPSI.

MIRAEAE docte, qui facis meos Belgas
Ætate, siue incuria tenebrosos
Nostri, nutre rursus atque splendere:
Qui singulorum patriam atque natales,
Animique dotes, scripta & ingeni fructus
Signas peritè, & acrimonia mentis:
Quid tibi reponent pro laboribus Belgæ?
 Tituli hunc honorem, S. MIRAEAE BELGARVM.

EPISTOLA XCIII.

Eodem.

CAROLO SCRIBANIO, Rectori Collegij Soc. Iesu.

IN re pietatis non graue mihi aut indecens fuit te adire, præsertim Bernartio cognato meo rogante & suggerente. Ea res sic habet. Est apud vos honesta nunc mulier, nuper virgo, quæ per inutuum amorem, & promissis etiam inducta, copiam sui adolescenti non impari fecit: atque adeo prolem ex eo tulit. Sed ille iam in Galliā, & vt videtur, in meliore fortunā, hanc spernit, & simul promissa: quod nec pietas nec honor probent. & ne fiat, auctoritate tuā velimus factum. Ipsa quæ passa est, & litteras has deferet, singillatim dicet: vt benigne audias, in occasione & pro copiā tuā adiutes, ego rogo. R^d P. vale. Louanij, i i i. Idus Octobr. ∞. 1601.

EPISTOLA XCIIII.

Eodem.

BALTHASARI ROBIANO, *Senatori.*

EGO verò benignitati tuæ obstrictum me fateor, qui tam promptè effectum reddidisti quod optabamus. Cum bono Deo veniatur ad colloquium, & Masio (viro bono & prudente) arbitro pessima lis finiatur. Sed illud peruelim etiam petiturum, ut de tempore significes quando conuentus ille futurus sit, ut præmoneri Doctor Zuerius possit. De Schottij nostri inclinatione in pacem non ambigo, & ego per litteras propellam. Quod autem vberius nuper, fortassè & calidiùs in lites & simul leges aliquid scripserim, ab impetu fuit, non nego: etsi toto animo & iudicio illas detestor & damno, non item istas. Temperari aut recidi eas, meum sit votum: nec malè, siquis Rex conetur. Vale mi Robiane, & saluent in occasione Schottius & Vvrenus: quos iudices mei illius iudicij non recuso. Lotharij, VI. Idus Octob. ∞. IOCI.

EPISTOLA XCV.

Eodem.

IOANNI BAPTISTAE BARONIO *semper suo.*

SEMPER, inquam, meo. nec leuicula ista omissio, non enim scommissio aut culpa, te alienet. Quid tu autem Oceanum aut lustrales alias vndas aduocas? nihil opus. puta te Athenis, non in illo Martis pago, sed ad ipsam Misericordiae aram causam dicere: & veniam meruisse, cum petiisti. Hoc tantum volo, & pro sententiâ fero, emendari. Sæpè ad me scribe, etiamsi hoc tantum, Valere te & tuos. Publica quòd nunc tangis & submissas, gratum est, etsi ipsa parum grata. Vbi enim Fortuna adhuc nobis risit? non in Africanâ expeditione, non in hac nostrâ: quæ nobis propior, animum magis tangit. Utinam sic illum magni Regis! Sed ut Iuno Homerica, inmissò somno, Iouem auertit à Troianis: sic quidam aliis consiliis aliò ducunt, fulcro & fundamento potentia (ita ego censeo) relicto. Quid ad nos? Prouidentiæ diuinæ alligemur,

*Per hanc, neque iratos timentes**Regum apices, neque militum arma.*

Quò

Quò ducet & reducet, sequemur compositi, placidi; lati quoque, si sciemus ab optimo illo optimè omnia regi & temperari. Hæc & talia meditare tecum mi Baroni in illo otio, imò meditata etiam aliis lege: præsertim in Epicteto & Senecâ, quos duos habe certissimos ad sapientiam magistros. Vide in vrbe illâ tuâ fluctus & curas: quid si in toto orbe? Ne abripiare cum abreptis, te muni: quod duplici anchorâ fiet, Sapientiæ & Constantiæ. illâ, quâ æstimes & noscas res humanas; hæc, quâ feras & patiare æquo animo, & Fatis sponte, vt dixi, subiecto. Si facis; mare attollatur, venti sauiant, rudentes & nautæ gemant,

At tibi compositam fundauerit anchora puppin,

Telluris tu certus eris.

Ita sit & voueo, mi Baroni, & toto animo valere. Auum & parentem ex animo saluto, iam olim iis mancipatus. Louanij, postr. Idus Octobr. ∞. 1661.

EPISTOLA XCVI.

Leodicum.

IACOBO CARONDOLETO V. R. & N.

HVI, piger & suppuget tarditatis. Tamdiu siluisse me ad tuas litteras? nec mea culpa est, verbo dicam, sed eorum qui auocant adsiduè & interpellant, & mentem sibi, aut iis quos habeo in mente, non patiuntur vacare. O tristem sortem, & quæ cum annis crescit! Patior, & fatorum cursum sequor: & vel inuitus captiuus ducar sub currum magni illius Imperatoris.

— ἀλλ' ἀνέμοισι

Δείματα ἀνδρακίλω, αἰετὶ παρὰ δ' Ὀυκλῶντι.

Feci certè, & faciam: & sol ille citius splendorem, quàm ego a morem & cultum tui linquam. Adolescens quem commendas, iamantè innotuerat, & carior te vel innuente erit. De Arte siâ, non equidem antè inquisiui: & breui ad Historica me dabo, tunc magis istarum rerum. Hactenus antiquæ illa, vt scis, me habuerunt. Nobis de Ostendâ spes nunc affulsit, vtinam satis certa! Aiunt portum alterum pro clauso nunc esse; quod si est, certò illa breui nostra. At Pannonica planè ex voto, aut supra, labuntur: & Budam obsideri audimus. quid etiam? quid? ipsum Sultatum Turcicum fato, & quidem inglorio, functum (peste, aiunt):

*-verum
age venia
Tradamus,
siquid pec-
catum, vñ
semper a-
mici.

ipsum certè gloriæ non natum. Quàm degener à Solymano auo fuit? Sed Prouidentia illa sic res ordinat. & cum nos à viris aut ducibus parùm instructi, illic quoque inopiam esse voluit, ne Europa regina seruiret. Deus istam, & in eâ Belgicam respiciat, super omnes terras diu pressam. Vale Reu^{de} & Nobil^{me} Domine. Lonanij, postrid. Kal. Nouembr. ∞. ICCI.

EPISTOLA XCVII

Lonanij.

ANTONIO VACQUERIO suo S. D.

Vix abieras, Carmentuum legi, non libenter solum sed auidè: & dum legerem placuit, & magis lectum, atq. etiam bis lectum. Omitto elegantiam, iudicia placent. quæ tu super hoc genus Commentariis recta edis, & certè pro iudicio iamdiu meo. Longa ista, multiplex, erudita etiam (esse) ad vnum aliquem auctorem scriptio: an quod agere videtur, hoc agit? facin, inquam, illum illustrat, corrigit, & in eo pedem firmat? An euagatur plurimum extra suas oleas, & in alieno non solum scriptore, sed choro, se ostentat? Non dicam ambitiosum videri, præter rem & opus, certè nouum est: nec quisquam vnus veterum huc præiuit. Ego in SENECÆ meo vitauī, simplicem & antiquum morem tenui: placeat, non placeat, mihi deinceps etiam infixum *δηροτικὰ* hæc vitandi. Alius à me

— *conclusas hircinis sollibus auras* Exspret:

si alibi, non hîc sit locus, in sancto & seucto hoc sapientia argumento. Amplius tibi dicam,

* Non ego diuinandi aut auspicij bene doctus.

* *Οὐτ' ἐγὼ μὲν τις εἰδὼς, οὔτ' αὖτ' ὁρῶν σάφα ἰδὼς,*

sed tamen dicam: præuidere me fore lectores, qui in Senecâ aliud à Senecâ quarant, & curiosè in mea non illius scrutentur. Oturculillas! ut eius voce utar. Abeant. qui sic affecti, Tullium, Plautum, alium quemuis, non Senecam tangant: qui haud magis iuuabit, quàm

Auriculas citharæ collectâ sorde dolentes.

* Dorici conu. uita.

Sed quò eo? duo volui dicta, & placuisse Carmen tuum, & iudicium: quod cum meo præiudicio * *δωρεὰν ἀπὸ φίλου*. Quidni sic loquar? Dorum etiam, id est virorum isti sensus. Vale mi Vacqueri, & bona non ama solum, sed prætende & tuere. In Musæo N. post mer. Nonis Nouembr.

EPI-

EPISTOLA XCVIII. *Antuerpiam.*

FRANCISCO HOVIO S. D.

GRATVLOR ex animo tibi reditū incolumem in patriam & ad tuos, ex longo satis interuallo. Atque ytinam patrem reperire potuisses, cum vtriusque vestrum gaudio & delectatione. Sed Deo decretum aliter, qui auocauit, & è turbis curisque eductum collocauit in quietā & beatā illā (ita speramus) sede. Ego libens te videbo & amplectar, etsi per hanc auram vt commoueas te, prorsus recuso: & fortassē intra duos trēsve menses Antuerpia vestra me videbit. atque ego te ibi: nec opinor iterum ab amicis aut patriā diuellendum. In sermone autem, Deo volente, de rebus consiliisque tuis audiam, & libens iudicio aut operā iuuabo, vt in meā quidem manu aut copiā erit. Vale. Louanij, III. Nonas Decembres. ∞. ICCI.

EPISTOLA XCIX.

Eodem.

IOANNI MORETO S. D.

HEV tristitia vndique & priuata & publica, in paucis his diebus! Hæc omitto: sed in illis, ecce duo amici quos corde valdē amabam, vno ferē tempore obierunt: Perezius noster in vrbe vestrā, & Bernartius Mechliniæ. Ille præter ætatem nihil passus videtur, ad quam vltimam iam pænē venerat: sed tamen vitæ & morum perpetuā bonitate, & nunc quoque sensuum illā integritate meruerat, votis nostris diutiùs superesse: & lugemus (ego quidem) quasi iuuenem ereptum. Testor numen, post Plantinum illum nostrum, in vrbe eā non fuisse carius aut venerabilius mihi nomen. At Bernartius in ipso ætatis mediæ flore, paulūm vltra trigesimum annum progressus, desit viuere: magno luctu vxori, & duobus liberis paruis relictis. Quid de me dicam, cū hæc audio? seruari pænē miraculo: & ille inualidus tot annos, languens, & velut in tegulā extremā consistens, defensor Dei benignitate à lapsu. Si in meum aut publicum bonum (confido): fac ô mi Seruator. sin aliter, nihil deprecor, & alia meorum funera funus ego antecedom. Tu vale mi amicissime. Louanij, XVI. Kal. Ianuar. anni noui ∞. ICCI.

EPI-

EPISTOLA C. *Traiectum ad Mosam.*BALDVINO BVCQVIO, *Canonico*, S. D.

COMITER me aggredieris, fateor, & aditum per humanitatis, vt sic dicam, cuniculos ad me struis. Scita & elegantia, sed & arguta quædam, præmittis: quid autem opus, mi Bucqui, erat? Si ne nosse, nihil: qui facilis, apertus, omnibus pateo: & vos tales, ex Assiduorum istâ classe, vtrò etiam alliciam & inuitem. Scipionem & Liuium præfers, magna nomina: quæ adeò mecum non iungo aut pario, vt animo sentiam vix me esse eorum umbram. Atqui illi multos ad se visendos excitauerunt & ij cum veneratione aut trepidatione accesserunt. Quid simile est? fulgor aut dignitas illa nos non illustrat: & siquid lucet, vereor vt leuis breuiusque sit, & velut è stramine, flamma. Nihil impono, aut dissimulo. aliquid fortasse melioris altiorisq. studij in nobis, sed studij: rei modicæ successusque mihi conscius,

— iure perhorreo

Latè conspicuum tollere verticem.

Imò hoc quoque, Deo atque animo isto teste dicam, dolet produci aliquando à quibusdam, & ceratas istas pennas propiori Soli admoueri. Icarus fieri possum, sed casu, non animo: nec is vnquam altum subuolabit. Virtutem & sapientiam amo, hoc fateor: sed & eos oranes, qui istas amant. Te, te inter hos mi Bucqui: quem video recto ad eas & firmo pede ire. votis prosequor, vt adipiscere & teneas, non solum tangas. Istos vanos, ac multis beatos, sed à vanis causis,

*Disidens plebi numero beatorum**Eximit virtus:*

& calculum ego meum huic addo. Quando timere aut sperare desinunt? cui Fortunæ pares sunt aut subsistunt? meliore attoluntur, iacent in tristiore: nec vnquam æqualitatis, & quod sequitur tranquillitatis, illa trutina animum eorum librat. Quid censes, cum publici isti nimbi sunt & procellæ? cum nec peritis quidem nautis sidera satis certa fulgent? Nisi vnum illud immotum, à Constantiæ rigido polo: cui obuersum & inhaerentem,

*Non vultus instantis tyranni**Mente quatit solidâ, neque Ausfer.*

Fiat